


贛縣志



叙

郡縣之有志也自封建廢而四方無
赴告之書始也蓋前輩論之詳矣秦
漢以來國史之重遷固而各有成
書皆合郡國紀載而寓秦漢之貶則
史之與志相爲表裏昔人謂非具才

贛縣志

劉序

學識不能知言哉贛爲古虔州地漢
唐以前列在郡國至宋濂川先生闡
明聖學而後文章節義蟬聯鵲起家
爲江右名郡傳有郡志不知創自何
代攷之故明一修於嘉靖之丙申再
修於天啓之庚申觀止矣而縣志則



槩乎未之有聞或云舊有弘治刻
亦不可攷予承乏茲土而使缺典
修非所云恪共乃職也遂折簡以
闔邑人士謀所以纂輯之並增補
啓以後本邑之事且來白
傳古通今之士以董其成顧念縣無

贛縣志

劉序

底本乃取府志所載並訪之故老廣
爲蒐羅勒成一冊付之剖
川人物城闕臺榭田賦車甲與夫
口殷耗人才消長以及仙釋方伎之
類瞭然如指諸掌誠長吏之責也若
夫裁制得宜一字褒鉞允合春秋

法則有諸賢之椽筆在且以俟後之君子

肯

康熙二十三年歲次甲子仲春月

旦

文林郎知贛縣事古燕北海劉瀚

贛縣志

劉序

三

芳撰



贛縣志

目錄

卷之首

圖象志

邑境圖

附郭城池圖

雲泉鄉圖

章水鄉圖

大由鄉圖

長沙鄉圖

愛敬鄉圖

四會鄉圖

贛縣志

目錄

卷之一

天文志

分野

占候

氣候

水災附

卷之二

輿地志

沿革

疆界

山

嶺

峯

巖

石

洲

水

泉

溝

池

灘

潭

陂

祠祀志

先師廟 啟聖祠 名宦祠 鄉賢祠

城隍廟 社稷壇 山川壇 厲壇

寺觀附

卷之八

秩官志

邑令 倅貳 學事 巡司

卷之九

職縣志

目錄

名宦志

邑令 倅貳 學事 巡司

親臨名賢附 駐寓名賢

卷之十

選舉志

進士 鄉舉 貢士 薦辟

應例 封贈 冒蔭

卷十一

人物志

理學

行業

品誼

隱逸

忠義

孝友

文學

贊行

卷十二

列女志

賢淑

節操

節烈

貞女

賢母

卷十三

贛縣志

武備志

科甲

武職

武勇

兵汛

保甲

卷十四

方外志

釋氏

仙道

方伎

卷十五

紀事志

城鄉 軼事

卷十六

紀言志

御書

繪畫

奏疏

賦

詩

文

記

碑

贛縣志

目錄

五

贛縣志

編纂凡例

一志之首圖象也仰觀俯察斗牛之分秒與土之勝
勝備焉畫界分疆金湯附麗環山襟水流峙憑依
况前徽可垂遺跡如在是故觀別駕之故署而理
學之淵源可溯也瞻捧詔之舊址而忠義之涕泣
如揮也至若崆峒繫雪樵之高踪玉巖繫學士之
芳軌不且予人以可觀而可興者乎且滄桑幾易

贛縣志

凡例

扼塞何在兵寇如環豐耗異觀匪假指掌曷由列
眉故首志圖象

一分星辨土始於保章而歷代天文又地理象緯分野
諸書凡於吳越星紀度數分秒考核精晰大抵不
外斗牛女間贛地雖彈丸不當一度之躔而疆埒
附郭寧無精氣相屬蓋天垂象而人則之則謹災
而弭變省月省日式洽庶徵好雨好風民志用
展圖既畢必先天文

一扶風良史始志地理及闕龍門天官書而知凡景
星慶雲以至虹彗商怪之象又皆陰陽之精其本
在地而上應乎天是以先王測其高深察其陰陽
定背而畫界分疆設官制治則章貢合而得名疆
界分而稱鄉又必考其沿革相厥山川布坊都而
我疆我里設市墟而來商來賈欲返淳風於邃古
且施善政於來茲既勤仰觀必繼俯察爰次輿地
一建都置邑凡以爲民爲民而勞民不其階之厲乎

贛縣志

凡例

先王之教曰雨畢而除道水涸而成梁清風至而
修城郭宮室故春秋書冬築郿春新延厩以其用
民力爲己亟也而僖公修泮宮復闕宮非不用民
力然而不書謂二者復古典廢之大事爲國之先
務也如是而用民力乃用所當用則蒞茲輿土豈
無役作故次營建

一輿土攸奠建置維新而踐土食毛者必盡輸將之
義經營修建者必資民力之餘但自出非阡陌之

舊而沙石不毛民遭兵寇之傷而瘡痍不絕矧以地本磽瘠厥賦下下境屬衝繁厥役上上留心補救嘉意欽蕪亟詳賦役

一蔬食菜羹祭不忌本矧食貨具備民力普存則俎豆薦馨無容或緩故儀隆釋菜制定崇禱祀名宦而蔽芾勿拜礼鄉賢而桑梓式型至若幽贊祭於二仲合其德也報祈重於八蜡昭其功也理學闡自濂溪良知發於文成祀同而祠異武穆密奏得

贛縣志

凡例

三

赦開平奉詔不殺功合而祠分典宜修舉載必詳明因次祠祀

一民人社稷神饗事治主之者惟其人故宰尹公侯隆其稱臺郎御史重其望次則敷教專重師儒佐治尤資倅貳世遠或畧近代必詳特載秩官

一姓字同標功德獨茂故三善十奇馴雉飛鳧史傳載之奕世誦之至若校業變風據經救弊江郎之風流不墜裴子之文學獨彰下此變服以察伐木

而熾雖微矣名斯爛焉載繼秩官亟登名宦
一官師既備教養兼隆賢才由斯育焉人文由斯蔚
焉故曲江飛紅瓊林賜綠且爲彫懣之載卽繫駒
圍棘忙步踏槐亦欣釋褐之榮况單恩隆而上及
高曾功名盛而下逮陰襲選舉同標科第獨重
一王制獨隆選舉而人品不盡科名故溯心學之傳
原無擇於出處建名世之業斯特重乎所常捧詔
之淚一揮百世而下匹夫猶效其遺習廬墓之情

贛縣志

凡例

四

叠見邑人而上大夫且感其真誠至若富筭腹以
五車貴良能於一節人難求備品必載登因詳人
物

一无成有終地道也臣道也妻道亦然顧可忽乎豕
釋正位大義定乎家邦德咏幽閒大化及於江漢
故自琬史傳列女淑人賢媛久爲閨中之楷模而
盧傳著女箴滅否淑愚悉備凡上之勸懲專志列

女用闡壺幽

一制治固貴修文而固圍豈能廢武開元異等之材
補長史於左衛熙寧策科之制授殿直於右班然
因時注意乘機崛興備牧可執躬桓投筆且盟帶
礪至若封疆附麗守禦憑依河汎置營山隘互守
兼志武備爰飭兵防

一宿桑摩松苾芻別徑養鷄畫牛羽客殊趨致令洛
陽阿潘初起式义摩那之名而西成昌隆且受金
仙玉真之號此雖王法不禁似與聖教相違至若

頓縣志

凡例

五

駕鹿乘鵝立焉不再出蛇走獺邈矣無傳誰繪鱗
爪而煙霧欲動疇識領額而燕虎必飛僅存其目
寧缺其人約紀釋仙另名方外

一編紀年月史書必詳叙述舊聞志載多畧矧事與
時移每荒忽而莫稽然事以傳信寧約紀其可徵
但搦管以書無非兵寇攻守之役掩卷而嘆不勝
室家離散之悲諸如山都窠樹螺女名亭發塚而
白鬚復生釣潭而赤眼隨現亦附蠲飛石語之意

豈盡承立人啼之寃用絕往事垂鑒來茲

一游覽咏題不乏摘華採藻停輪駐節且多湘帙經
囊然立言期於必傳選言貴有關係故首尊綸綍
而宸音宸翰聿昭錫命之榮次紀疏章而爲國爲
民爰著匪躬之誼諸如吟咏多感慨係之碑文必
箴規寓焉至若習勞集善概芝蘭以思德行覩松
栢而慕貞良則覽園一記義類宏遠也朶埤請纓
洎而靜中天之金鐔爰淒夜之嚴城則登臺一賦

贛縣志

凡例

六

旨意逆深也因之彙載終以紀言

書例

討論確據者書以傳信也。災異告譴者書以示
儆也。役作修建者書恤民力也。丁田缺蕪者書
望永蠲也。惠政雖小者書重循良也。只行雖微
者書示節取也。

特書例

特書天文專志分野星緯尊天也。特書繪音冠

諸詩賦記序尊王也特書聖廟不附學宮志中
尊先師也特書列女不附人物篇末重畫範也
附書例

親臨名賢附書志愛慕也駐寓名蹟以書志景
仰也寺觀附書志外也

不書例

事無實據者不書恐傳疑也文無關繫者不書
慮雜亂也善無徵信者不書防偽託也惡非叛

逆者不書存忠厚也

贛縣志

分巡贛南道江西提刑按察司僉事加二級溫陵

丁煇鑒定

主修

贛州府知府加五級三韓李文獻

同修

贛州府同知耿文岱

贛州府通判白岳

贛縣志

姓氏

纂修

贛縣知縣劉瀚芳

校緝

贛縣舉人孫麟貴

蕭八成

裴佐

郭耀

贛縣舉人郭泰符訂正

贛縣志

分巡贛南道江西提刑按察司僉事加二級溫陵

丁煒鑒定

纂修

贛

縣

舉

人郭泰符

亦麟貴

分校

贛

縣

舉

人蕭九成

贛縣志

姓氏

裴世佐

郭耀

蕪縣志卷之一

天文志

星土攸殊保章辨域精氣屬焉仰觀於
烏衡侯在熒惑秩秩方隅斗女不忒信其可知
詎曰蠡測志天文第一
分野

黃帝分星次斗十一度至婺女七度以須女又日星
紀於辰在丑

蕪縣志 卷一

天文

周星紀吳越周禮鄭玄註

火曰熒惑主荆揚二州左傳

漢吳地斗分越地牛女分地理志

斗江湖牽牛婺女揚州西漢天文志

二十八舍主十二州斗柄兼之史記八官書

斗玉衡第六星主揚州東漢天文志

魏邵國所入宿度曰豫章入南斗十度太令陳

晉南斗十二度至須女七度為星紀於辰在丑天

隋

揚州於禹貢為淮海之地在天官南十度至須女七度為星紀地理志

唐

吳星紀初南斗九度中南斗二十四中於四度天文志

僧一行山河兩戒以南斗在雲漢下流當淮海間為吳分牽牛去南海寢遠自豫章迄會稽南踰嶺徼為越分

宋

天市垣二十二星東西各列十一星其東南第

穎縣志

卷一

天文

二

六星曰越兩朝天文志

元

斗四度三十六分六十六秒外吳越星紀之次史書

明

吳分野斗牛在丑自斗三度至女一度屬吳越分揚州清類分野書

斗星一曰天樞為天二曰璇為地三曰璣為日四曰權為時五曰衡為音六曰開陽為目七曰搖光為星一至四為魁五至七為杓一主大奉

二主地楚三主火梁四主水吳五主

六主

六趙七主金齊象緯書

國朝

斗牛在丑自斗初度至牛初度二十分屬吳

越分揚州分野書

蕪地屬古揚州吳越又屬楚又爲豫章地故星次分隨今附郭地正屬之

占侯

吳楚侯在熒惑占於烏衡

蕪縣志

卷一

天文

三

斗星曰天下文明

斗星白氣其歲大豐

三台星明上下和法令平

熒惑色赤循軌天下寧年穀順成

彗星犯斗吳地兵人民災

星孛於斗太白晝見俱主兵

日孺在斗牛歲旱

歲星孺月在牛女吳地饑

夏秋之交或多旱魃炎馭蒸鬱多在一 八秋

彌烈至白露而後風氣漸涼冬霜凝水一 不甚

既見日即融此一歲之大槩也大抵一 近炎嶠

氣因日陸夏至以後日行北陸去日一 以遠冬至

以後日行南陸就日頓近故寒熱較中土頗異

殊邇來氣候又與昔時不同昔時三冬甚寒雪

凝冰堅人心六十以上者一 絮衣終身不

能服一 今若在壯年止絮單衣三四一 而已

贛縣志 卷一

天章

今則 七少自季秋至一 皆春率一 七 瓊裘襪

嬰孩亦服參朮其地氣之薄一 薄一 抑大時變更

所致耶

詳異附

晉

十六元八年癸未大水平地五丈

十八年癸巳六月己亥大水

義熙八年壬子正月起至四月地凡一

南宋

元嘉二十二年乙酉二月贛縣白鹿

相

興祖以獻

齊

建元四年壬戌三月白虎見

梁

大寶元年庚午夏五月水暴起數丈二日

石自沒

陳

大建七年乙未十二月甲子獻瑞鐘

唐

武德元年戊寅春三月陰雨旬日空中龍見鱗

爪俱明六三清德鄉東龕巖生芝一本高三

尺許餘年春三月芝艸生僧淨行護以

贛縣志卷一

天文

六

檻

元和七年壬辰大水平地深四

大中初年獲六眼龜一夕而失

宋

雍熙二年乙酉民李祚家馬生駒足各有二距

政和元年辛卯城內芝艸生

乾道九年癸巳秋螟

嘉定十五年壬午秋螟

端平元年大穢

元

至治元年辛酉潦蝗相繼

二年壬戌大饑

至元五年大旱

十五年旱人苦酷暑多熱死

大德二年大水

至正三年旱

八年水

斗黑氣入斗

贛縣志卷一

天文

七

明

洪武

癸丑冬十月城內呂氏手植白牡丹

於庭水雪片盛開狀若玉盤照風口

正統五年庚申歲大饑

成化四年戊子五月三江水合信豐雩都興國

二江口俱屬贛縣地方秋旱災

七加靖十三年甲午夏水災

三十五年丙辰夏四月大水灌城七月水

再至視前加三尺漂沒溺死無算

者無算

曆四十六年戊午秋旱酷熱異常民
芟尤甚九月東南方蒼白氣一道約
丈每至五更出見冬桃李實

天啟二年壬戌六月災

四年甲子夏大水秋旱

六年丁酉寅秋疫

崇禎六年丙酉春二月雨雹

賴縣志 卷一

天文

崇禎六年戊寅十二月十九大雷雷是歲妖

名馬精出

崇禎十五年壬午民居災自天一閣起至章貢
名邦坊止十月地震

崇禎十六年癸未大水

甲申饑

丙酉十一月十一日空中鏡鳴自午至申響聲
四聞有流星大如釜尾如炬煙青白色起東

沒西北嚮聲四聞如雷俗呼爲天鏡嚮

國朝

順治三年丙戌饑冬斗米千文

順治四年丁亥春大水秋饑夏五月風迅雷
城石坊盡圯冬十一月地震

順治五年戊子大饑春夏饑斗米千文城內爲
逆鎮人上可急斗米萬文

順治 甲午城外善慶菴生雲之高二尺

順縣志 卷一

天文

許

順治 四年丁酉旱

康熙元年壬寅祥雲見

四年乙巳彗星見光芒燭地長竟西北尾

如 上篇

康熙七年戊申二月疋練見西南隅

丁年辛亥七月熒惑守斗星七日如退

十八年己未大水四會鄉牛嶺自雲都

嶺水來平地高數十丈有埠嶺數處辰初搖
欲動久之漸次作行走狀至午分崩湧推十數
里田地廬舍人民悉漂沒壅淤雲泉鄉五月自
坑一至良江兩岸水漲高數丈田廬盡沒四日
夜水方退田廬俱成河坑

康熙十九年庚申十一月西方有星吐白氣直
衝東北心其如疋練尾開數十丈經明年春漸
次沒

康熙 年壬戌城內上壘觀鐘

論曰、聖之辨蹟矣易詩書春秋禮樂未之見
也、傳國語疑於誣天官而下疑於拘吾不
知焉君子道其常而已六經道之常也周禮保
章氏以星土辨九州之地封域皆有分星以觀
灾祥是言天之有示乎人而人必有鑒于天微
應不爽修省所必先也非拘拘於地之偏全大
小求配於星之度數分秒彼如魯東而壅婁

吳越南而斗牛北其他或一宿而連數省或一
星止當一部廣狹則不倫矣且茫茫坤輿中土
直彈丸耳二十八宿全屬焉則遐荒以外國土
不知凡幾將止有地而無天耶歟漢唐以來星
學家言分野度數日精日密其德妖主客飛流
伏之也以干支五行紀次不候繫鑿如指諸掌
驗往來不得盡付冥矣九州惟揚最
大揚州惟斗牛之屬最遠穎特一隅耳星

豈端一世星之與土精氣相屬不繫于方隅
譬之身一髮而全體爲之動則星紀斗
度二之豫章又何穎之附郭不相隨以繫屬耶
至若占候祥異謂無憑耶吳越之興亡且決于
三十年之前而崔浩之占姚興常見素之占祿
山又何其絲毫不爽耶謂有憑耶則守心之焚
惑何以倏退三舍裨竈決宋鄭之火又何以有
驗有不驗耶大抵積土之氣精見于上而結爲

為災稜是星辰之祥異原因人事以見轉移之
道豈不在人故自諸葛武侯有禳星之說由是
匹夫匹婦稍有疾病尚以躔次度數告斗移化
以億兆攸寄任司牧者可聽其災稜而不脩省
以心同之耶至於寒燠不齊燥溼異宜地逼嵐
瘴疔八間作是又有望於軫念民瘼者善其調
劑實一 役以少甦困苦俾民生康樂同躋壽

考斯一 只君子民之父母矣

贛縣志卷之二

輿地志

宅土建邦山川相錯因革代殊變通參酌章合
貢流名斯附郭經野畫疆撫綏攸託奠茲坊都
示言康樂志輿地二

沿革

高辛氏

直九州其一揚州地甚廣未設郡縣

贛地

贛縣志 卷二

輿地

虞舜肇十

州地屬揚州

夏禹貢九

揚州其一地仍屬之

周職方

揚州武王克商封仲雍之孫勾章於吳地

屬吳

元王三年戊辰越王勾踐滅吳地屬越

顯王三十五年楚威王熊尚敗殺越王無疆明年

盡有全吳地屬楚

秦始皇二十四年王翦滅楚虜負芻明年分揚州

三郡江以西爲九江郡地屬九江

漢高祖元年楚項羽立黥布爲九江王五年漢滅楚改九江郡爲淮南國仍王布地屬淮南

六年黥陰侯灌嬰定江南分淮南置豫章郡屬
揚州

十一平布反誅封子長爲淮南王王布故地又封九江爲吳王割豫章郡屬吳

景帝二年反誅國除改豫章爲郡置縣十八

贛縣志 卷二

輿地

爲南 隸焉

獻帝初二年析豫章之廬陵爲郡贛地屬焉

建武中孫權據吳析廬陵地置南部都尉于雲
都析贛地置平陽縣隸焉

晉武帝太康元年改平陽曰平固改陽都曰寧都改
南安曰南康贛地屬平固

三年平吳罷都尉置南康郡益以南海郡揭揚
縣併贛雲南寧都平固南康凡七縣贛地屬

南康郡

惠帝元康元年置江州都督府南康隸焉贛地屬之

成帝咸和三年分南海立東官郡揭揚縣改屬東官

康帝永昌五年郡守高琰初建郡城池于章貢二水間今郡治仍名南康郡贛縣始附郭

義熙下 贛水東

贛縣志 卷二

輿地

三

南宋武帝永元元年改郡為南康國城于雩都顧縣七雩 附郭贛地屬焉

齊武帝永明仍為南康郡隸州贛縣屬焉

梁承聖初仍徙南康郡治於章貢隸江州贛縣復附郭

陳武帝仍隸江州縣附如梁

隋文帝開皇九年初改南康郡為虔州隸洪州總管府贛縣附郭

煬帝大業初復名南康郡縣附

唐高祖武德五年復改郡為虔州隸洪州總管府

附

太宗貞觀元年分天下為十道虔州隸江南道縣

附

玄宗開元二十一年分江南為東西道虔州屬西

道置八訪使縣附

天寶元一復名為南康郡縣附

贛縣志 卷二

輿地

四

肅宗乾元八年復名為虔州隸都防衛團練觀察

處置上縣附

代宗廣德二年復為江南西道隸如故

懿宗咸通七年陞州為節鎮號百勝軍縣仍附

五代後梁貞明四年偽吳楊隆演遣劉信攻克虔州

執譚全播以歸地入偽吳改節度使縣仍附如

故

後唐明宗長興二年取吳地置昭信軍節度縣附

南唐李璟保大十一年仍昭信軍陞各場監爲縣
領十一贛縣附郭其一 是時置南安軍故領縣
十一

宋太祖開寶八年曹彬下江南十九郡改昭信軍爲
軍州縣附如故

太宗太平興國元年分江南東西路虔州屬西路
縣附

七年析贛縣歙江鎮之七鄉益以唐陵泰和地

贛縣志 卷二

輿地

五

置興國係贛縣地界始

淳化六年始割南康大庾上猶三縣別置南安

軍度加領縣十贛縣附郭

高宗建炎四年併東西路爲一置三帥虔州隸鄂

州路紹興初復分東西路州仍隸西路縣附

二十三年因校書郎董德元言虎頭州非佳名

始改虔州曰贛州仍領十縣隸江南西路縣附

如故

元世祖至元十三年平江南改州隸江西行中書省
縣附如故

成宗元貞二年改贛州為路領縣五贛雩興信石
贛縣附郭

明高皇帝洪武二年初改贛州路為府隸江西承宣
布政使司贛縣附郭

國朝世祖順治三年丙戌十月初四克城贛州府仍
隸江西布政使司贛縣附郭

贛縣志 卷二

輿地

六

論曰禹貢九州至周而封建大備仍各屬分野之
州然春秋百里為縣上大夫受之縣有四郡
下大夫受之是三代以前州大於縣縣大於郡
也秦用李斯議分天下為三十六郡乃以郡統
縣則郡大而縣小矣隋開皇初罷天下郡以州
統縣煬帝後改州為郡唐宋以來州郡迭相為
名而縣皆屬焉至明始以府統縣京省附郭有
二餘府悉有附郭首縣贛則自建郡以來郡城

雖屢易名而附郭之縣名及今仍舊蓋因州路
未名贛而縣先以章貢得名也至于鄉都坊里
增減分合或不相沿獨在宋太平興國七年析
去湫江鎮之七鄉益以廬陵泰和地置興國縣
其餘大槩未甚革也但上下千百年間或徙或
復爲分爲分可以觀運會之升降焉可以察民
生之盈耗焉可以考經制之得失焉嗚呼風會
日替江河斯下民數日耗民生愈蹙何以美善
不懈於位民之攸墜矣

疆界

縣東西一百一十里南北二百六十五里

東界雩都縣馬鞍山八十里

南界信豐縣苦竹坳一百三十里

西界南康縣五總舖三十里

北界萬安縣分水嶺一百三十五里

東南界零都縣寧州五十里

東北界興國縣亂石嶺一百二十里

西南界信豐縣大湖墟一百二十里

西北界龍泉縣黃土嶺二百一十里

縣名取章貢二水合流之義自晉咸和五年建
置城以來附郭如故但先漢建安中孫權據吳
始析贛地置平陽縣晉太康元年改平固宋太
平興國又析湫江鎮之七鄉增興國縣地界始

贛縣志 卷二

輿地

狹

其達省城及江南盛京路程俱準府

論曰古者因河山以立國相地勢以分疆侯伯采
甸各有界域夫惟界域明而民有閑民之有閑
如農之有畔官之有守也民有閑則居安居安
則志定道里之遠近可稽斥堠郵遞無誤也徵
發期會有程也但贛附郭當四省之交流寓戍
卒實繁有徒此疆彼界踪跡易淆是在經理得

其道使居者無輕法與鄉而行者無意外
永稱寧子不幾善

山川

山嶺 峯 巖 洞 石 洲

水泉 溝 池 灘 潭 陂

四

賀蘭山在府治西北隅舊名文壁又名鬱孤臺明崇
禎壬午遷縣學官於其上

真縣志 卷二

輿地

九

筆峯山在府治東南坊濂溪書院後有菴堂門外俯
視一城遠對水口儲水諸峯

景鳳山在府城西北坊有祖師殿祈禱立應

任禮魚源重

夜光山在府城東隅上有梵刹未燬至今仍舊左右

多為兵占

天竺山在貢水東舊有修吉寺唐元和初僧禪光自

錢塘天竺來駐錫於此故名白居易蘇武

俱有詩寺久廢

國朝康熙年間甫修復東門外有寺名天竺山非其
故址

鳳凰山在城東十里狀如雙鳳飛來

崆峒山在城南六十里一郡案山山麓迴迴百里巔
有湖湖有舩艘底人動之風西立至晉咸康五
年太守庾恪于西山麓中建立神廟祈雨輒應
明僧瑞白駐錫於此建梵刹山左麓間宋吏部
尚書曾楙禮部侍郎兼值學士曾開兩墓存焉

贛縣志卷二

輿地

十

火焰山色赤如火在城東二里城內建天一閣制之
席帽山在城南三十里俗呼爲酒壩山下有黃仙石
相傳一道人乘白鹿從石上凌雲而去

水東山於庚戌年總鎮姚公自強倡紳士植松于上
山麓間掘土得碑曰萬松亭是古人曾植松于
比數年來松色蒼茂民居不災

玉房山在城東南二十四里原名赤石中有玉房瓊
室天寶六年勅改今名

亢山距城東南百里宋勅封妙高峰建梵刹有異生
佛遠近朝拜者甚衆山下左有魁星橋右勞田
劉姓居焉

天南山在城東石餘里舊光稠驛亭

九峰山在城西南三十里根盤極遠屹立高聳對壑

洞

蛤湖山一名三陽在城西北三十里上有三峰下有

龍湫爲郡治後屏

贛縣志 卷二

輿地

十一

金螺山距城東北百里山建梵刹因掘土起刹時有
小石數寸如螺悉赤光如金故名今或於硬土
內猶時見數枚山上有石佛祈禱甚驗

西華山距城東北百里山有玄帝殿勅自天寶六年
勅曰靈山迄今古殿猶存每月朔日雷火掃殿
宇雖值晴爽亦雷電間作

象龍山在城西北百里旁高中有石竈石鍋跡
中峰山在城北八十里與妙高峰對

高峯山在城北八十里高可十仞

龔公山距城東一百三十里舊爲龔隱士所棲後爲
馬祖道場山有八景玉塔方竹等明末僧朝宗
說法於此世傳衣鉢云

烏兜山在城北百里巖泉瀑布溪澗抱流

嶺

獅姑嶺在城內東坊 田螺嶺卽鬱孤臺

百家嶺在城內北坊

贛縣志

卷二

輿地

三

文潭嶺在城東三十里巨石盤亘下有潭舊傳漁父
於潭中得大小銅龍五今存其四

回軍嶺在城東四十里舊傳黃巢兵過里人方氏率
衆卻之故名

馬頭嶺在城東九十里其上有石佛

牛輓嶺在城南四十里

分水嶺在城北一百二十里爲贛縣萬安界

五龍嶺在城東一百二十里下有龍湫

麻谷在城南百里有石蹬可登頂面方平

峯

四會峯在城南七十里其上方平可容千人旁有小徑可躋井源不涸宋元人避兵多于此

文秀峯在城南七十里突立於平原之中高百餘丈丁髻峯在城東南六十里

雙龍峯在城東南二百里

巖

贛縣志

卷二

輿地

三

通天巖在城西二十里空洞如屋有穴透其真環山

皆石洞石枯滴水處日夜俱如雨注宋秘書陽

行先隱於此太守林頴號爲玉巖翁畱元剛建

玉巖亭行先祠今廢登覽者畱題甚多

忘歸巖在通天巖半壁王陽明借講學門人於此幽

雅峻絕坐而忘歸故名

獅子巖在城東十五里石壁峭拔澗數丈高三丈遠

望其狀如獅

雷岡在貢水東舊傳一夕爲雷雨開通

鳳凰岡在城北六十里宋治平間有鳳鳴其上

石

馬頭石在城南三十里信豐江口水中央突起如馬首

虎面石在城北七十里黑班如虎文

鷄心石在城東六十里

螺亭石在城東七十里有拾螺女爲螺暈歟亭傍

贛縣志

卷二

輿地

十四

塚化爲石螺壳無數蘇東坡詩碧溪青岫遶螺亭指此也

噴龍石在城東八十里兩崖劍立飛淙注下爲龍湫

濤雨立應

仙女石在城北四十里上有仙女祠下有仙女潭

枕石在城北之十里橫互如枕

石人石在城北八十里大湖灘相傳郡守劉彝舟過

水固難高榜人難之忽夢石人語曰劉賢侯也

吾當護之

旗竿石在城北百里洲水中豎立兩面中可植竿
紗帽石在城北百餘里庠江山上宛如烏紗帽上可
坐十餘人

洲

乾渡洲在城東磨車灣積沙如阜洲露則知諸灘水
涸故名

七里洲在城東七里沙石突起水分流而復合

贛縣志

卷二

輿地

七

小湖洲在城北七十里突起江中

大湖洲在城北八十里平起江中

錫洲在城北一百里平起江中週迴數里郭蕭陳三

姓居焉昔人相傳有八景云駟樵更鼓梵刹晨

鐘鷄寨飛騰龍門一躍筆山聳峻帶水拖環東

嶺畊雲西江釣月洲人黃竹逸有詩

米沙洲在錫洲下依東岍沙白如米雁鷺每爲所迷

上建閣宋洲人蕭極初題扁曰金沙閣今廢

水

貢水在城東漢志名湖漢水源出汀州新樂山西
瑞南過會昌北會寧都石城安遠雩都興
信豐龍南之水流至贛城合章水

章水在城西漢志名彭水源出南安聶都山曰大庾
東折而北經南康會上猶水至贛城北合貢水
是名豫章水

贛水章貢二水合而為一北流三百里至萬安縣其

贛縣志 卷二

輿地

十六

間有十八灘惟石險峻折而東經吉安臨江南
昌而匯於彭蠡

長步水在城西北四十里源出黃家山四十里流會

贛水

梁水在城北一百六十里源出龍頭嶺西流入贛水

按桑欽水經云贛水出豫章南野縣西北過贛

縣東又西北過廬陵縣西又東北過石陽縣

又東北過新淦縣西又北流入於大江水

曰豫章水導源東北流逕南野縣東會湖漢水
山海經曰贛水出聶都山東北流注於江入彭
澤西班固稱南野縣彭水所發東入湖漢水庾
仲初謂大庾嶠水北入豫章注於江前漢地理
志曰豫章水出贛縣西南北入大江雩都湖漢
水東至彭澤入江行千九百八十里後漢郡國
志曰贛有象章水雷次宗豫章記云贛縣豫章
水出郡西南故以名郡雖十川均流而北源最

贛縣志

卷二

輿地

十七

遠故受名焉劉澄之云縣東南有章水山有貢
水二水合贛字因以名縣酈道元以爲謬謂劉
氏專以字說水而不知遠失其水之實但章貢
水合爲贛諸載籍亦有之若豫章郡以贛水得
名次宗南昌人所記當不妄竝存之以備攷

泉

廉泉在光孝寺西本張氏居一夕霹靂泉忽湧出太
守廉故名宋守趙公履祥建亭蘇軾有詩隆慶

戊辰郡守黃公泉重修名亭曰洞酌名臺曰
綏王太史誨為之記崇禎庚辰知縣陳公履思
建書院於旁堂廡弘敞池水清泓為士子課業
一毋季較藝錄優者刻廉泉大社文堂下東廊門
一通廉泉新其亭臺書舍學道郭公都賢署其亭
曰夷齊心一插巢許耳雙清詳在廉泉紀事經
改革房舍以故順治癸巳度撫劉公武元因舊
濂溪書院既廢遂改為濂溪書院集贛二讀書

贛縣志卷二

輿地

八

其中後司理周公令樹知縣楊公文正復於大
堂立周程夫子位度撫佟公國器顏其堂曰道
大義精又於後堂立文昌像濂洛淵源賴以不
墜康熙丁巳安插降寇住內蹂躪不堪幸贛邑
令劉詳憲興復

溝

福壽河二溝在府城昔人所穿以消水患功蓋與三池
相表裏者也濶二三尺深五六尺縱橫紆曲條

買井狀因民居架屋其上寢失故道每歲大雨
水無所洩廬舍且瀦爲沼康熙壬寅總鎮公
自強督兵民開浚循其交通舊道雖在房舍中
亦必挑濬徹底但溝勢污下或畜豕街巷壞其
覆石或堆積溷穢入溝壅塞十餘年間又當疏
通則力少功多若怠忽時久始而盈尺繼而尋
丈久而填塞又大費經營矣惟恃上人如意乎
豈敢嚴禁畜豕積穢等弊又相其寬暇之仍前
於是手在矣

贛縣志

卷二

輿地

五

池

鳳凰池在城棉布街池中生石竹有鳳棲其上寶慶
郡守聶公子述構亭扁曰鳳凰池先明方伯謝
公詔有武功謚桓懿建祠池上扁曰桓懿公祠
石欄環池池水清徹經改草灰燼池存今津關
帝廟苟有志崇前賢起後學則斯祠所當請復

以隆觀瞻而公之後裔諸賢孝尤宜切切者矣
嘶馬池在城通利坊郡守聶公子述書人傑地靈
其堂歲久湮沒正德丙子郡守邢公珣於指揮
姚璽宅左清出直濶三丈五尺橫濶三丈二尺
嘉靖壬戌督撫陸公穩太守黃公宸重清浚定
其界止兵燹後總未清理兵民雜沓環土牆中
已塞其半當事知有關於郡脉務期開浚責令
兵民委以專官清出故址旬月之間可復舊觀
一檄行之有餘耳

贛縣志 卷二

輿地

二十

金鯽魚池在縣內東南贛衛後宋知軍趙柴二公
相繼開拓元末廢爲民居明景泰間都御史雍
委官得遺跡於金魚坊池隔巷贖以官錢後又
爲民居正德丙子邢公珣復清出池東西五丈
五尺南北四丈三尺古巷濶七尺池傍隙地長
一丈七尺濶一丈嘉靖督撫陸公穩檄知縣
邦獻勘復太守黃公宸建書院於池上士子肄

業今僅存其池池西仍塞丈餘俱為民占所妨
力為修復貸其占塞之罪委以專官督令
則猶之嘶馬池不足難也

放生池在西城外宋詔天下各置放生池明廢今蓮
社菴放生池二并有贍田三十五石俱係邑人
姚應章施

灘

別灘 天柱灘險茶壺灘 狗腳灘 卜仔灘

贛縣志

卷二

輿地

二五

大湖灘 銅盆灘 汀洲灘 良灘

此共九灘以下至惶恐九灘屬萬安縣管共名
十八灘

潭

文潭在城東三十里潭之上有嶺清秀相映

歐潭在城南十五里以居人多歐姓也

儲潭在城北二十里甚深有儲君廟順治年門
建接官亭康熙壬戌年重修

芙蓉潭在城北百里水溪灣迴

簡潭在城北一百一十里岸有居民

陂

大由鄉陂五十四 曰龍面 白竹園 謝屋分處

愛敬鄉陂四十九 曰龍大 源當 駱駝石 沙

田等處

四會鄉陂三十六 曰何坊 王富 黃龍 下土

等處

贛縣志

卷二

輿地

三

長興鄉陂一百零二 曰高錫 艸鞵 黃坊口等處

章水鄉陂三十 曰青山 楊邨 溪邊等處

已上詳載郡志今查無一存者故不復詳載

雲泉鄉陂三十六 **東**長坑口 野坑口 黃坑口

杰渚口 官坑口 西坑店前 東坑口 古

田 堯溪 堯口 小梁口 庠江

西大湖下 長溪龍 龍下陂 竹下

洞口 寧邨口 烏堯 桂溪 方邨

陂 小陂口 錫坑口 宋富 潭坑

原郡志載三十九曰通大路等處今查無一
者因舉東西有小溪處分載地名

謹按古王者仁民之政何其周且悉也井田有溝
洫山田有陂澤皆所以備旱澇也今查贛邑六
鄉舊郡志所載無一存者又細閱丈田冊止係
地名間有二三相同是郡志所載相沿前志而
前志又復相沿其間滄桑更易陵谷變遷不知

贛縣志 卷二

輿地

五三

凡幾迄今塘各有主塘糧更重不復有無糧之
塘而供灌亦者至於陂澤十不存一以故春夏
暴漲卽汪洋壞苗夏秋無雨又束手憂旱是無
蓄洩之陂塘以致此也今六鄉陂澤無存仍存
其土名以俟興復母聽其荒缺而貽憂無窮矣
論曰舜始封濟禹奠山川地平天成而六府三事
攸賴焉由是依山川以立國辨高下以定一占
雲望澤茂蓄殖財興典禮厚風俗實式憑之

乃層雲在山沃膏在水相沃壤以宜樹植疏
流而作溝澗則又民食是資國賦攸賴故
崆峒蜿蜒而下起伏綿互章貢二水夾馳而北
席榻拱秀於前儲峯廻繞於後妙高佛日天竺
華山分峙西東賀蘭獅姑筆峯景鳳屹立街市
意者毓秀苞英崧高維嶽人文蔚起其在斯乎
其在斯乎

丘墓附

穎縣志 卷二

輿地

二

宋直祕閣陽孝本墓

在通天巖淳熙己亥寧 程宏
靖邑尹王沈奉憲臺命葬此

宋吏部尚書曾栢墓

在崆峒山

宋禮部侍郎兼直學士院曾開墓

在崆峒山

明監察御史陸載墓

在雲泉鄉良富

明布政司李旭墓

在西門外

明布政司謝詒墓

在九十四都洮邊

明監察御史劉思誨墓

在信豐江

古今通考

贛縣志卷之三

輿地志二

坊都

城內東坊五音 南坊二音 西坊三音

北坊四音 城外 城東坊一音

城西方一音 水東坊五音 水西坊二音

大由鄉七都共十六音 金湖一都四音

鎮市一二都三音 西水一都一音

贛縣志 卷三

輿地

一

西水二都一音 東水三都一音

二十七八都三音 六十三四都二音

愛敬鄉七都共七音 三十都 三十一二都

三十六都 上下四十三都 五十五都

五十六都 五十七都各一音

四會鄉三都共三音 五八都 十五都

十七八都各一音

長興鄉十都共十三音



四十七都一畝 五十三都一畝

六十七都三畝 六十八都一畝

六十九都增一畝兩畝 上七十一都

下七十一都 上七十六都 下七十六都

七十七都各一畝

章水鄉十五都共三十九畝

六十五都三畝 七十二都三畝

七十四都一畝 七十五都三畝

頓縣志 卷三

輿地

二

上八十一都三畝 下八十一都三畝

上下八十二都一畝 上下八十三都五畝

上八十七都二畝 下八十七都三畝

九十都一畝 九十四都三畝

上九十九都二畝 一百都三畝 百八都三畝

雲泉鄉八都共九畝

八十都一畝 八十六都二畝

九十一都兩畝併一畝 九十二六都 九十三都

九十五都 九十八都 上下百六都各一畝
謹按城鄉一百九里當編定伊始必酌其地一
狹稽民數之盈誦而均其勞逸迨兵燹以來
遭蹂躪按籍則里甲之名具在覈實則圖在而
里懸或里存而戶虛六鄉同病獨雲泉尤甚界
聯龍萬西通官路東逼河泊卽當太平無事而
差使絡繹近路居民則肩輿負戴日奔星馳近
河居民則支更擔繹送往迎來而鷄犬菌蔬任

其橫取則水陸一也及遇鄰寇竊發大兵會剿
則廬舍灰燼夫妻子女東奔西竄以故邨落戶
口十不存一幸哀鴻稍集而往來差使苦之上
下兵馬又苦之追呼徭役又苦之是此一鄉之
民備嘗艱苦所望仁人在上俯念殘黎諸凡夫
役雜色槩爲豁免俾得獨當水陸之差亦不取
累別鄉庶熒熒子遺其或有起色乎

附郭

城東長街 百勝門達 陰街 上壇前達 劔街 木市百達

磁器街 南市街 艸城巷 馬齊巷 老古巷

姜家巷 觀巷 木橫巷 楊判巷 師古嶺巷

大尉廟巷 龍船廟巷 東門井 木橫井 師

姑嶺井

城南陽街 鎮南門 謝細巷 武學巷 花萼巷 池

湖巷 古城巷 絲髮巷 花街巷 白塔巷

贛縣志 卷三 輿地 四

七星井 皇華井 天一閣井 八角井 龍湖

井 青龍井 三潮井

城西橫街 西津門達 瓦市街 府學前 洪成巷 瓦子

巷 鹽倉巷 王將巷 均井巷 唐子巷 天

一閣後巷 左右獅子井 縣岡坡井

城北棉布街 排頭達 池隔巷 壇背巷 單井巷

鐵鑪巷 油槽巷 寸金巷 紙巷 旂竿巷

胭脂巷 龜嶺巷 竹樹巷 鳳凰池井 單井

東園前井 景德觀鳳眼井 橋口巷金沙井

水東洪公市 雲泉井 江東廟前其水清冽飲之能已人疾 玉虎觀井

東林寺井

大鄉赤罡市 七里鎮

愛敬鄉龍江市 杜傳鎮

四會鄉楊傳市 武泰市 藍江務市

長興鄉東江務市 平固市 磨刀市 清溪市

田邨市

贛縣志 卷三

輿地

章水鄉泰湖市 大步市 長濱市 黃金鎮

雲泉鄉龍下市 維木市 瀆口市 韶波市

藍田市 攸鎮

謹按在城街巷漸次復舊在鄉市鎮則昔之熙熙

攘攘肩摩轂擊者今且落落晨星而斷垣野蔓

一望凄然卽令十年生聚尚難復舊矧其風鶴

時驚不遑寧處乎所望民之父母嘉意撫

得依依廬墓斯可漸復熙攘之盛也

風俗

在城 一婚娶必擇閥閱相當求婚則倩媒祈字允諾則有納采之禮逾年則有行聘之禮及婚則有迎親之禮邇來不事繁華祈字而後納采行聘一茶一菓俱辭不受止受花環服飾比及于歸倍數妝奩然專尚擇壻首重儒生祈名之初必問曰郎君讀書否曾入學否斯風俗之最美者以故父兄每勤於延師子弟亦勉於向學矣

一喪祭往時多遵文公家禮銘旌車服悉如其制亦有崇尚佛事者獨是數百年來不建宗祠春秋不舉祭祀止上墳醮掃而已邇來五方雜處尤從佛事居多焉

一先明庠士在城者不下數百餘員大約敬業樂羣間有一二從事干謁者必衆恥之邇來在城不上百員亦多鍵戶讀書畏謹自愛終年不入公門獨是易儉爲侈服飾宴會或同市井而

寒之子亦爲效顰似非所以首倡齊民去薄還
淳之道也

一在城五方雜處父兄之教不先子弟之率不謹
致有專事賭博者引誘士著少年不辨上下貴
賤不顧父母妻兒日夜呼盧邇來有一父遺家
貲數千金者一夕傾貲盡輸繼而房舍僕婢賣
鬻無遺父之偷竊被獲竟斃于獄其賭博之害
一至于此幸 上憲屢諭嚴禁而根株未絕是

蕪縣志

卷三

輿地

七

欲清盜源必禁賭博倘以十家牌嚴保甲禁游
惰查生理朔望取具甘結如有窩賭十家連坐
如有游惰報明重懲庶盜源可塞而風俗可移
乎

一崇尚神會城內外七十餘廟每歲燈節而後即
畫龍舟祀奉連月每廟或三五會或十餘會俱
盛筵唱戲極其侈靡識者慮其俗之尚鬼而用
侈思有以易之余謂風俗之敝此其小者不足

意也

大田鄉婚嫁喪祭宴會服飭較城稍儉先明家絃戶
誦惟梅林科甲明經相繼益盛邇來子弟亦多
賭博成風游惰成習責備維挽其在斯文歟
愛敬鄉地界興雩田腴民勤先明最稱富饒所在多
庠士兵燹以來鄰寇竊發大半殘破婚嫁喪祭
多從簡便此亦時勢使然俾看生聚日繁絃誦
如舊而風俗益復古矣

贛縣志

卷三

輿地

八

四會鄉地腴民繁多習技勇狀不喜亂生事但兵寇
過境不敢逼視婚嫁喪祭宴會冠服悉尚儉朴
且男婦勤勞操作不留餘力兵燹以來每族人
丁仍以千百計其間彬彬絃誦者亦有蜚聲庠
序邇來漸多人文矣

長興鄉地僻民安兵寇少至人稠地密婚嫁從朴喪
祭多尚佛事科貢庠士所在都有惟玉田一處
更稱樂地廬舍器物悉係高曾之遺而人文因

以蔚起男婦壽年多至期頤目見曾玄者甚
故兵燹以來完全無恙遠近避亂者多往託焉
章水鄉地廣民散編戶三十有九每戶人丁不下數
百科貢庠士頗盛兵燹以來十不存一畝存人
缺里役繁難諸凡婚嫁喪祭多難從奢然上下
居民廣衍百里各處土俗亦有不同者大約猶
存先民之遺焉

雲泉鄉地狹民貧田瘠糧重先明丁多役少得以優

輿地

卷三

九

游絃誦科貢斯文相繼冠婚喪祭悉依家禮各
有大小宗祠春秋舉祭其或出入相見者雖力
田負薪亦循循拱揖從無鬪毆之習今則鄉邨
人丁十不存一絃誦之子負戴道路宗祠燬燼
祇就家居致祭居茅簷飯土簋鶉衣蔬食雖欲
不儉得手

謹按城鄉風俗奢儉或殊而人心大約淳正急公
輸納守禮畏法在有明子弟間有游惰輩

父兄聞而嚴懲之鄉黨見而恥辱之且六鄉多有宗祠同族爭競則赴祠鳴鼓投控尊長處斷立散若異姓爭競則修書問及訂期尊長擇讀書子弟整肅衣冠張蓋登門名曰講禮今則五方雜處而習俗移人父兄不以加懲鄉黨不以為恥風斯下矣惟是禁游惰懲賭博勸農力本俾家室盈寧而後教化以興且漸進於淳厚也是在風行艸偃端有賴於君子之德矣

土產

贛邑六鄉山高地瘠墻下不植蠶桑山間不產梓楠女無織紵男無伎巧而民之終歲勤動止耘稻耳嗟乎浮磬貢于泗濱青茅甌于楚澤猶足備供上方珍重典祀乃火畊水耨之俗尚難給於八口安得山可官海可養爲國用借一籌也是在惜民力勤勸課俾所產者斯倉斯箱則賦心之減亦惟土是愛矣

贛縣志卷之四

營建志

設險固圍金湯甫繕茅茨風邈署宇維絢爰飭
庾層經營釋奠亭閣空名枉梁勿濺趨事以時
勞斯弗倦志營建第三

城池附郭

晉康帝永和五年郡守高琰初建郡城於章貢二水
間八門曰正南興賢西津百勝建春湧金朝天

贛縣志

卷四

營建

安教縣城池附

義熙二年徙郡城贛水東今城池專屬縣

南宋武帝永初元年改郡為南康國城於雩都城池
專屬縣

梁承聖初復徙章貢間城池仍附郭

唐刺史盧光稠斥廣其東西南三隅鑿隍又增五門

曰永平後津永通貢川吳川

宋嘉祐四年州守孔宗翰以東北隅易墊甃石治

錮之

紹興二十四年知縣黃文嵩詳州守趙繼善增修
城堦

嘉定十七年知縣趙汝盥申請州守鄭性之浚濠
加葺

元初詔天下城池無修俱就毀墮至正癸巳四方兵
起達魯花赤同監部全普菴撒里乃復增築戊
戌秋九月僞漢兵圍五閱月城陷僞將熊天瑞

贛縣志

卷四

營建

二

據之復加脩理

明高皇帝洪武乙巳指揮楊廉重修

成化乙巳知縣黃鋹同知府李璉復修城浚池

弘治癸丑知縣黃世忠同知府周鳳修

弘治丙辰虔撫金公澤檄知府何琬知縣蔣曙增

高三尺

正德辛未虔撫周公南檄知府朱諫知縣朱瑤繕
治一新周廻十三里共二千五百一十二丈崇

三丈廣殺崇六之一爲衝舖六十三雉堞四千九百五十有二三面引水爲濠自西津門起至鎮南門計長五百五十二丈濶一十三丈自南門至百勝門止計三百八十五丈塞其七門口永平後津朝天永通貢川安教吳川開者六門東百勝南鎮南興賢西西津東北建春湧金各建樓其上門內各置兵馬司盤詰

正德乙亥春雨圯一千三百餘丈

戊寅夏久雨圯六百三十八丈知縣宋瑛詳上
虔撫王公守仁脩補完備

嘉靖甲午知縣毛鳳岐詳虔撫陳公察埤薄增甲
益增舊觀逾年告成費帑金七千有奇尚書羅
欽順祭酒鄒守益記之

嘉靖丙辰大水傾塌甚多知縣王秉敬詳府王春
復虔撫汪公尚大修

壬戌虔撫陸公穩開興賢門形家言開是門有

關風水

萬曆丁未各城樓舖頽塌知縣陸文宰詳府陸化
淳虔撫李公汝華修費帑金九百七十有奇
甲寅大水建春湧金盡倒塌虔撫孟公一脈發
帑金四百七十兩知縣楊汝昇修

丙辰復遭洪水城圯者十有三四又發帑金一
千九百五十三兩知府楊瑩知縣楊汝昇修

天啟元年春夏霪雨衝壞如丙辰知縣劉永基申

顏縣志 卷四

營建

四

請知府余文龍虔撫周公應秋動支關上稅銀
一千九百八十三兩脩

崇禎十三年虔撫王公之良檄知縣陳履忠易雉
堞爲平埒合二爲一增高三尺

國朝順治三年建春湧金西津各樓俱焚

順治乙未知縣黃里詳知府鄧公永清脩復建春

西津二樓

康熙癸卯有瘋僧潛望江樓上一夕羣火焚樓

臺姚公自強修建

丙辰丁巳各處傾圮是時三藩叛山寇竊發知縣郭毓秀詳撫憲佟公國禎道憲王公紫綬各捐資倡督民工脩葺

謹按作事使民必以其時謂築都邑城郭也以都邑者人之聚也國家之藩衛百姓之保障不固不修無以衛矣贛係附郭城圯必檄合屬十二邑從役然亦必於農隙修備易曰王公設險言

贛縣志

卷四

營建

五

守之豫也傳曰衆志成城言民之依也詩曰哲夫成城言政之和也故守固本於民依民依又本於政和蒞茲高深尚其念諸

公署

縣治在城東北按宋瑤記舊在白家嶺

元大德己亥改卜今治

至順壬辰秋總管大中教化的新之

戊戌災

洪武甲辰知縣崔天錫重建

丙辰知縣陸賢增脩堂階廳舍煥然重新

宣德壬子知縣李素景泰甲戌知縣邵昕相繼重修

弘治辛亥知縣黃世忠鼎建

嘉靖壬午知縣何正脩葺中為堂扁曰忠愛左為幕廳兩翼為八房中豎戒石亭為儀門東為土地祠迎賓館西為犴獄外為頭門左右榜亭前

額縣志 卷四

營建

六

為屏墻左為申明亭右為旌善亭西虞南首邑坊後為皆春堂左右為架閣庫又後為廨舍

國朝順治丙戌大堂前後左右房科閣庫俱燼止存

後署二小棟

己亥知縣楊文正鼎建大堂

甲辰知縣王枚繼修

康熙辛酉知縣劉瀚芳於署西鼎建西廳房舍癸亥又建宅門後堂規模較前更宏厥矣

縣治左縣丞典史廨丙戌燬燼今地基多為民占
右主簿廨燬燼今地基尚存

公署載府志

康熙三年合邑士民捐置公署在湧金門內

雜署

長洛巡檢司原在大由鄉長洛明正德間遷黃金
舖係郭宅地基久奉裁今地基郭宅出價贖回
桂源巡檢司原在雲泉鄉桂源舖明正德間遷攸

賴縣志 卷四

營建

七

鎮寇焚存空地

磨刀巡檢司原在長興鄉磨刀舖明萬曆年間遷

愛敬鄉石院

阮塞

下窰隘

文潭隘

俱在縣南
界信豐

堯坑隘在縣西

婆婆隘

在縣北
西坑

廟前隘

在縣西北
道通龍泉

謹按古者相地界要害之處遂設立一隘仍置一

解宇擇選本隘一忠實精壯之人給以冠帶命

三隘官崇禎年間卽廢置不存矣

陰陽學

醫學

僧會司

道會司

俱久廢今各就住所任事

攸鎮驛

水西驛

今俱空地

驛官隨寓城內

急遞舖 總舖在府前

通零都曰鄒屋

黃龍

江口

芋州

通興國自江口分路曰磨刀

鹿灘

石院

通信豐曰沙石

藥荻

牛輓

苦竹

王富

預縣志

卷四

營建

八

大龍 坳頭

通安遠自于甌分路曰于母 武泰

通南康曰黃金 三總

通萬安曰水西 珠嶺 火澗 石下 長步 楊

坑 南田 楓林 古逕 仙石 新坪 蕉

林 桂源 封溪

預脩倉四處東倉在七里鎮南倉在苑田西倉在赤

珠嶺北倉在大坪頭俱洪武丙寅建今

一座在虔院左名老倉前今亦廢爲射圃明崇禎十四年知縣陳履忠建社倉於塔下寺前今收糧

明輸穀備賑一千石以上柱枋旌表義民姓氏

郭文斌良富 呂彥文城內 郭執桓良富

黎金球梅林

養濟院舊在忠惠坊弘治間知縣何文縉改於城

外天竺山署其門曰春風不擇只頭地仁政先施

此樣人後徙城內廉泉崇禎辛巳知縣陳履忠鼎

贛縣志 卷四

營建

九

建廉泉書院遷小南門城下

漏澤園四處一在城東坊地名竹掃巷縱一十七丈

橫八丈原係官地一在南門外縱二十一丈橫二

十八丈係王都御史守仁檄知縣宋瑤買本坊民

羅志隆謝聰池通遜地東至李家墳西至官濠南

至鄒家屋基北至官路一在水東坊東畱巷一在

苑田者係知府戴記新置

泰昌元年錢都御史桓置潤枯園于城外東坊二號

凡三處一買潘可選地在竹箒園計長一十六丈
廣八丈一買郭尚義王祐地在天花園計長一十
二丈廣七丈下廣十丈一買孫橋孫松地在上打
鄉計長一十五丈廣六丈

謹按養濟院所以養及疲癯殘疾煢獨無告者乃
有稱爲院長冒領錢糧減尅分給甚則價買盲
跛之人勒令叫街計日額交銀米稍不如數鞭
笞交加院長由此致富嘗以百千金錢轉貸生

息而盲跛之苦日則叫乞夜則受笞隱忍莫訴
是以養殘疾者害殘疾也義塚所以便往來流
寓及土著窮民使得安厝無暴露也致有混占
冒醮之弊甚或以異地而訟及土著是本以義
舉而反生不義之事至若倉庾以備荒也豐稔
聚之或非樂輸凶荒散之或無實惠是在行之
得其道使民見德而不見弊斯無負先王立法
之美意歟

論曰古聖王之念切民瘼者無不至矣置積儲以
備荒旱設養濟以恤災獨其爲斯民之生者計
甚周也其或流寓無告胔骼暴露又必置園地
以掩之則澤枯之意又何厚歟但良法旣立相
繼舉行又洞囑弊端毋令以仁民者厲民則行
法之渙仁厚澤較諸立法之扞制美意更無餘
憾矧贛邑登遭兵燹凶荒蕩臻其顛連無告者
不知凡幾推類以及之爲之詳荒缺免賠贖俛
生者不復流離而歿者不致暴露則又不僅恃
乎有盡之良法也

贛縣志卷之五

營建志二

學宮

按圖經舊有孔子廟近紫極宮宋祥符中詔廣紫極爲大中祥符宮廟遂廢春秋釋奠附社稷壇者越四十年皇祐初知縣王希迪卽故址東南數百武勅建廟學孫明復記紹興壬申火知縣黃文暉重建慶元嘉定中知縣司馬蒞董南一

贛縣志

卷五

營建

增脩先明成化戊子知府曹凱并郡學徙于景德寺嘉靖壬戌虔撫陸公穩遷復祥符宮與府學竝萬曆甲辰虔撫李公汝華監司丁公繼嗣龔公道立協議仍遷于景德寺故址卽今萬壽宮之西關帝廟是也明崇禎庚辰都御史王公之良允諸生請改建于賀蘭山下中爲先師廟前爲臺護以石欄前爲儀門東西爲兩廡地勢斜方咸護以欄儀門前爲泮池又前爲櫺星門

爲泮宮坊東爲明倫堂堂後爲尊經閣西爲
聖祠爲教諭訓導廨爲御史王公祠衢之左右
爲賢關聖域二坊丙戌尊經閣教取公廨俱灰
燼聖殿兩廡及明倫堂皆漸次傾圯其地界自
東西聖域賢關內皆學基北山脚止南民墻止
謹按漢武帝詔天下郡國皆立學校靈帝光和元
年置鴻門都學宋真宗大中祥符三年就闕里

文宣王廟立學豫養孔氏子孫仁宗賜兗州學
田令藩府皆得立學其後他郡縣立學者詔悉
可之明洪武十五年詔天下通祀孔子頒釋奠
儀賜學糧增師生膳矣

附載歷代學校官署置

漢

郡國有文學武帝時始詔天下郡國立學校官
置弟子員 平帝元始三年詔郡國曰學縣道
曰校學各置經師一人鄉曰庠聚曰

序序庠各置孝經師一人

唐 六典魏晉以下郡縣并有文學卽博士助教之任唐開元以來京都學生八十人大都督中都督府上州各六十人下都督府中州各五十人下州四十人京縣五十人上縣四十人中縣中下縣各三十五人下縣二十人

宋 慶曆四年詔諸路州軍監各令立學自是州郡皆有學始置教授以經術行義訓導諸生掌其課試之事而糾正不如規者

贛縣志

卷五

營建

三

熙寧六年始詔諸路學官兼委中書門下選差縣置博學助教各一人謂之主學官則由漕司聘署弟子無定員

元 設教授學正學錄 學生額十五人其盛也至五十人受餼下學

明 府設教授一員總其教事訓導四員分其程課州學正一員訓導三員縣二員教諭一員訓導

而其最關切人心風俗則學校爲尤重蓋城池
公署雖有修復改建咸可循法制以爲規矩至
於學校往往弊起無端遂至於莫可挽則冒籍
之害是矣贛邑附郭五方雜處其流寓無籍之
徒則役于公家今日買某氏之田明日卽與某
氏朋里賣田者利其多金賣田卽以賣里買田
者乘其巧便買田卽以買籍未數年而考試則
曰吾與某氏朋充里役也雖娼優隸卒匿喪奴

丁總莫可辨近查冒籍于贛縣朋充起戶者凡
百有餘家然額數入學止十五名以新舊百十
家之冒籍爭占于額數之十五名是十餘科之
考試尚不足以供百十家之冒籍占取也且已
冒者未完而方來者又起沿沿相承曷有止極
贛上著子孫欲望弟子員其可得乎卽曰近奉
部檄有三十年之例不知部檄原爲遠省脫籍
而設非爲附近有籍可歸者壞法也若謂附近

有籍可歸者壞法則近科冒籍中式者查出
令革去又何爲哉今爲穎嚴冒籍之法稽冊籍
則已有名問田舍則旣富有查墳墓則又假造
買囑里甲抵塞衆口卽明知其非 時黨羽羣
吠誰肯以一身與爲仇敵相攻訐于不可罰之
時勢乎莫若保結廩生共矢公忠互爲稽查如
遇考試齊集明倫堂設誓公議各立一簿衆書
名押簿中公約如保冒籍卽以功令之罪罪之
土著子弟來求保結者各登名簿上必填里甲
祖父如有冒籍卽同抹卻然後騰一清冊送府
縣禮房照名收卷如此自嚴自謹則冒籍者雖
有占籍之法必無與考之法庶幾或有底止不
殊異鄉蠅集線索錢通是穎有學而無學矣土
著子孫有不以陷終身而爲痛哭流涕者其誰
哉

一在東南市街頭民占 一在塔下寺前民占
武學

舊制在西坊八號今廢其地基大半民占

唐

開元十九年始置太公廟以畱侯張良配仲春
上戊祭之

上元元年尊為武成王以白起韓信諸葛亮李
靖列于左穰且孫武吳起樂毅列于右

宋

大中祥符元年加謚昭烈武成王

贛縣志

卷五

營建

七

明

祠祀如宋歲科生童就兵備憲試定制三科中
式始名武舉

國朝併入文學

書院

濂溪書院舊在水東玉虛觀左弘治庚申知府
何珖故建于鬱孤臺祭酒羅景記明崇禎庚辰
改遷縣學十鬱孤因移像于廉泉書院祀之順
治癸巳虔撫劉武元改為濂溪書院以周程

子位後堂立文昌像諸生肄業其中

坊表

慶南首邑

在縣治西街

孝善坊

在百家嶺巷口

八龍聯躍

為趙氏兄弟叔姪立自壬戌至甲戌聯中進士八人壬戌趙嗣蓮乙丑一榜五人趙

若疇若株時凌元卿崇旃辛未趙若愚甲戌若樛

狀元及第

為池夢鯉立

解元坊

謝均玉立

五世名臣

為曾準男澗開幾孫達達連連造曾孫集集集集立

進士

在雲泉鄉為郭仕立

宮采

在南門大街為謝少南立

穎縣志

卷五

營建

八

世進士第

在下釜為謝芳謝少南立

進士

在棉布街為謝詒立

牙繡

在慶院前為御史劉思誨立

宮保尚書

在府治前為謝陞立

外縣科甲鄉紳建枋郡城者不錄

論曰建立牌坊朝廷所以重賢才示獎勵也一登

科甲額設枋牌銀兩俾姓氏高懸勒石不朽顯

榮當時垂名千載凡往來其間者望其名而實

賢者輒嘖嘖嘉嘆望其名而實不肖遂咄咄唾

罵斯亦直道在人今城市六鄉枋牌無一存者

然訪諸父老補載所見所聞俾後起者不得見
牌枋而見斯志所載其亦可以觀可以興矣

中明亭 康熙庚辰年 郭泰符等復編

舊制在縣治屏牆後左與鄉飲旌善亭並列因
兵燹無存

國初就縣治左建立斯亭

耆老之設所以敷教化振鐸以警衆古制也本此
意而舉齒德兼優者於康熙壬戌順天府尹張

韻縣志卷五 管建 九

公䟽稱耆老原有頂帶今德教隆盛請更以錫

鑑頂

皇上眷顧斯民恩施益渥

特命禮部頒行天下耆老皆更錫頂朔望講約宣明
聖諭一十六條榮寵尚矣又逢

縣主曹捐俸重修門楹內外煥然一新耆老每遇
公事齊集斯亭皆存心正大秉躬不忒者責以

舉善糾惡勸導羣黎咸遵

洽斯風俗人心漸底化成無負捐俸修立之盛也

鄉會所

在社倉門左
係舊制尚存

鄉約

鄉約之設所以勸善誘迷軌衆齊物最爲良法倣古者舉士于鄉之意諮訪其人以心術光明行誼高潔者爲上宅心忠實操履馴謹者次之每約約正一人約副二人約贊三人木

贛縣志

卷五

營建

十

鐸耆老二人歌詩童生不拘五六人嚴爲去取庶約長皆斌斌行誼之良矣

國朝欽頒

上諭十六條

- 一敦孝弟以重人倫
- 一篤宗族以昭雍睦
- 一和鄉黨以息爭訟
- 一重農桑以足衣食
- 一尚節儉以惜財用
- 一隆學校以端士習
- 一黜異端以崇正學
- 一講法律以儆愚頑

一明禮讓以厚風俗

一務本業以定民志

一訓子弟以禁非爲

一息誣告以全良善

一誠窩逃以免株連

一完錢糧以省催科

一聯保甲以弭盜賊

一解仇忿以重身命

約儀鄉約會所用

聖諭牌一百香案一副講案一張皮鼓一面木鐸二

個鄉約條規一冊舉善糾惡簿二扇又會簿紀

約正副以下歌童八小正號長甲長姓名者一扇

贛縣志 卷五

營建

十一

約期以每月朔望日至日保甲長先赴約所潔掃陳設香案奉安

聖諭牌於上設講案於廳前西偏置冊簿於案上縣正官差請鄉紳兩庠及率僚屬儒學教官齊集設坐位東自正堂以下以序坐西自鄉紳以下以序坐班齊北向立至香案前行三拜九叩禮約贊唱鳴鼓三聲排班班齊跪唱宣

聖諭耆老對立香案傍振鐸高聲宣揚十六諭畢

唱聽講約禁約講將鄉約勸戒讀四五條畢
唱撤講案鳴鼓七聲設彰善糾惡位贊唱彰善
糾惡有無舉畢各官起相揖約正副以下行參
見禮而退

論曰飲射讀灑及以木鐸徇於路悉古制也本
此意而擇鄉者循規條朔望集公所宣揚

上諭亦猶行古之道也維風俗正人心未嘗無裨云

樓

贛縣志

卷五

營建

十一

望江樓在城東北隅舊名合江章貢二水合流處州
守劉元剛建文天祥有詩

閣

天一閣在府治南面江東火焰山閣下鑿井取水制
火之義正德初閣廢井塞丙子知府邢珣重建
初名玄虛又名太陰布政使蔣驥故今名

文昌閣在縣學左

凌雲閣在縣學東俱李都御史汝華牛御史應元建

亭

大觀亭在府西西隱山知縣何文縉建何嘗與貢士
廖森呂禎同遊有聯句一律地僻輪蹄少雲淡
艸樹平落花千萬點啼鳥兩三聲石磴綠春綠
山樓倚暮晴林臯下寒日煙黯百層城亭今廢
塵外亭在貢水東馬祖巖巔蘇軾文天祥有詩

廉泉亭在府治南光孝寺左宋州守趙履祥建蘇軾
有詩隆慶戊辰知府黃辰重修太史王弘誨記

贛縣志

卷五

營建

十一

臺

鬱孤臺卽賀蘭山鬱然孤起平地數丈因巔爲臺故
名今縣學在其下

章貢臺在府治後西北隅宋嘉祐中州守趙抃建自
爲記今廢

鳳凰臺在景鳳山左與章貢鬱孤同建兵燹後爲有
力者所占宋寶慶間州守聶子述復之後又爲
蕭氏侵沒隆慶戊辰知府黃辰清出建亭堂

上通判廖憲增置諸生書舍於東門外
狀元羅念菴講學於此今廢

拜將臺在興賢門南城上後唐節度使盧光弼建
八境臺在府東北倚城蘇軾有詩今新造

論曰謝桓愨公編次樓閣亭臺甚悉
喜也數百年兵革不興時和年豐官之
於經營民有餘力喜於趨事士大夫喜於遊觀
名賢輩於題咏作者躬逢其盛志之亦甚色

志

營建

十四

喜居無何乃一旦盡淪諸荒煙斷州間則昔以
志喜者今且以志悲矣雖歿金谷榛蕪銅駝荆
棘區區白鵲翠玉塵外雲端猶得藉眉山文山
諸君子吟咏傳不朽也抑亦志喜也

橋梁

東津橋在建春門外宋郡守洪邁始造浮梁改名惠
民嘉定左史鄭性之用鐵索聯舟明宣德知縣
李素重造正統通判鄭暹修正德間兵使王公

秩重建自是有修葺以歲爲差丙戌廢

西津橋在西津門外舊名知政宋熙寧間王師南征
郡守劉瑾始造浮梁宣和間祕閣李邁寶慶侍
郎聶子述相繼修理丙戌廢

鳳麟橋 太平橋 俱在儲潭相接五里許日久傾

圯在城民人劉良伯捐貲修復往來稱便

南橋在鎮南門外宋郡守周必正始造浮梁明宣德
間知縣李素重建丙戌廢

贛縣志 卷五

營建

十五

水東惠仁橋前志載朱永奇建因號石橋公遭兵燹
永奇之孫仕傑捐貲重修

謹按數橋實郡城要津蓋章貢環繞若非浮梁一
出郊門官民便有病涉之嘆而水東儲潭三橋
俱已修建但東西鎮南未復其于王政徒枉輿
梁不且缺略乎哉且贛爲四省衝要官民馳驟
非比他郡通達往來關鎖水勢實賴斯橋若干
權關客舟稍損資費積少成多以復前規是不

費公帑其為利益則已溥矣

大由鄉小橋

晉咸和元年里人架石為之洪武

子謝志高重修

白塔大橋

宋里人郭世

郭紹宗建淳祐守進士王庸立碑正德戊寅

郭仁重立碑亭

梅林坑口橋

匹會鄉馬圳橋

元大德三年建永樂壬寅里人鍾

寬緣重建

永隆橋

在苦竹舖高陂

永樂年間密石朱

漆建久圯裔孫朱明彬于康熙癸亥捐金重建

順縣志

卷五

營建

七

長興鄉龍溪橋

林口橋

志步橋

童水鄉長步橋

洪武知縣崔天錫建永樂檢校李

慎重建

化龍橋

雲泉鄉桂源橋

知縣崔天錫建

羅機灣雙秀橋

郭志元建

津渡

建春門

東津渡

南門

鄧河渡

湧金門

謝家渡

西津門

西河渡

大山鄉

梅林渡

竭步渡

愛敬鄉

源頭渡

四會鄉

王母渡

長興鄉

兗灘渡

江口渡

章水鄉

楊梅渡

黃金渡

白澗渡

街亭渡

雲泉鄉

攸鎮渡

良富渡

錫州渡

贛縣志

卷五

營建

十七

論曰除道成梁載在王政贛邑六鄉山險水駛溪

澗澗曲加以瀨水橫其中而東西往來搦厲非

宜在昔民生康樂暇日餘貲雅好施予凡遇杠

梁津渡富者不靳輸助貧者不惜工力所在不

病涉焉兵燹以來橋多頽圯渡無扁舟豈民情

之日鄙大遠於昔之好施欬抑民生之日蹙有

不同於昔之康樂也安得優游暇豫好施如流

俾飛虹連棧環以鏤檻野渡方舟資以剡剡

贛縣志卷之六

食貨志

州天田下厥貢維艱穫薪且漬契契寤嘆矧其
蕪缺民命艸菅自上下下乃切痲痺經制蠲恤

全書勿刪志食貨第四

戶口 置郡縣以來戶口與代俱往故就見在者
錄之康熙二十二年准通編審缺額人丁

貳千肆佰壹
拾叁丁在外

見在人丁壹萬陸千柒佰陸拾陸丁

每丁徵銀壹
錢柒分玖釐

贛縣志 卷六

食貨

伍毫柒絲

伍忽伍微

優免丁貳佰叁拾玖丁遵照止免本身差徭則例

每丁于本戶該納丁銀內扣除免

銀玖分肆釐玖毫壹絲伍忽零

上柒拾陸都折半人丁貳佰捌丁

每丁徵銀玖分
捌毫貳絲陸微

八微

食鹽課壹萬壹千壹佰叁拾叁口

每丁徵銀叁釐
肆毫伍絲叁微

伍微

以上丁口共徵銀叁千零捌拾捌兩叁錢零

釐肆毫

謹按九州分民以來十年生聚則戶口殷繁一年
兵寇則戶口凋耗卽如夏特戶口一千三百五
十五萬三千九百二十三至周而遞增矣春秋
戰國兵革日熾遞降而至秦漢地方漸廣歲月
漸久宜乎戶口日增乃至唐開元天寶間較兩
漢之下口且少一千一百三十萬有奇夫亦可
知登耗之故矣元明末季守令以增戶口考上

贛縣志

卷六

食貨

二

於是膠東僞增邀譽取榮且徧郡縣也

論曰古者孟冬獻民數天子拜而受之登于天府
重邦本也宣王料民春秋譏之劉晏之言曰戶
口滋息則賦稅自廣余考宋時贛丁口踰數萬
由元迄明末遂不逮宋十之一及今疊罹兵燹
殺戮逃亡不知凡幾抑又甚矣乃猶必以原額
督邑令之編審也是必爲膠東增戶重民累矣
嗚呼安得數世無兵寇內荒而與斯民重

殷繁樂利之盛乎

田賦

官民田地山塘陸千壹佰陸拾叁頃叁拾貳畝玖分玖毫

內荒蕪田地山塘貳千貳佰陸拾伍頃玖拾肆畝壹分貳釐捌毫

節年開墾報過壹千柒佰柒拾頃柒拾壹畝玖分伍釐玖毫叁絲陸忽

穀縣志

卷六

食貨

三

見在成熟田地山塘共伍千陸佰陸拾捌頃壹拾

畝柒分肆釐叁絲陸忽

共徵銀貳萬叁千壹拾玖兩肆錢柒分陸厘內

除本縣公廨學田糧并報公祠田糧及何世明折本免編糧共免四差銀壹佰柒拾壹兩柒錢壹分叁厘壹毫俱不徵外又紳矜優免銀壹佰伍織奉部文扣解充

實徵夏稅銀并扣解優免外共貳萬貳千捌佰肆

拾柒兩柒錢陸分貳釐八毫

丁地二項共徵銀貳萬陸千叁佰陸拾捌兩貳

錢陸分別釐

實徵秋糧米玖千柒伯肆拾貳石柒升陸合叁勺
伍抄貳撮順治十三年虔撫佟公國器具題畱
給虔鎮兵米不解省會

外田產下增本折物料時價銀壹拾壹兩陸錢捌
分壹釐陸毫每兩帶徵銀伍毫壹絲壹忽貳微
捌纖

又丁地下增匠班正腳銀貳伯伍兩貳分柒釐貳

顛縣志 卷六

食貨

四

毫每兩帶徵銀柒釐玖毫伍忽壹微壹抄

又丁地下增閏月銀肆伯陸兩陸錢叁分玖釐叁

毫

內府縣學生員廩糧已奉
裁解應減叁拾兩不編外

實增徵銀叁伯柒

拾陸兩陸錢叁分玖厘叁毫每兩帶徵銀壹分

肆釐貳毫捌絲叁忽捌微玖抄

外兌軍贈耗銀米奉 部文用入由單每兌改正

米壹石該銀叁分米叁寸顛縣實徵兌改正米

伍千貳伯柒拾肆石玖勺壹升捌合伍勺貳抄

共該贖耗銀壹佰伍拾捌兩貳錢肆分柒釐伍毫伍絲伍忽陸微共該贖耗米壹佰伍拾捌石貳斗肆升柒合伍勺伍抄伍撮陸圭今贛縣漕米畱給虔鎮兵糧已將奉新等縣兵米抵作贛縣漕糧解省撥兌其贖耗銀兩仍在贛縣全書附載漕糧腳耗銀內按數徵解其贖耗米已於抵兌各縣扣抵南米以作贖耗按此贛縣徵贖耗銀米每石正米銀叁分米三升止該照正米

伍千貳佰有奇之數按則徵收若照九千柒佰有奇之數則非由單正額矣

一折色起運

戶部項下共計玖款

禮部項下壹款

工部項下共計玖款

一本色起運物料

戶部項下計拾肆款

禮部項下

薦新茶芽壹拾壹斤

一隨漕各項下共銀壹千壹佰伍拾兩捌錢伍分貳釐肆毫

除荒外實徵陸伯柒拾兩叁錢叁分捌釐

一解給各衙門經費

虔院 分巡道奉裁所編俸食等項全扣解部

本縣知縣項下

朝縣志 卷六

食貨

六

俸銀貳拾柒兩肆錢玖分

薪銀叁拾陸兩

心紅紙張油燭銀叁拾兩

修宅家伙銀貳拾兩

玖年肆月內會議全裁解部

迎送上司傘扇銀壹拾兩

拾貳年肆月內會議裁銀捌兩解部實給

銀貳兩

吏書壹拾貳名工食銀壹佰貳拾玖兩陸錢

玖年

肆月內會議每月每止給銀伍錢每其裁銀伍拾柒兩陸錢解部實給銀柒拾貳兩

門子二名工食銀壹拾肆兩肆錢 玖年肆月內會議每月每

名止給銀伍錢每年，裁銀貳兩肆錢解部實給銀壹拾貳兩

皂隸壹拾陸名工食銀壹佰壹拾伍兩貳錢 玖年肆月內會議每月每

津月會議每月每名止給銀伍錢每年共裁銀壹拾貳兩貳錢解部實給銀玖拾陸兩

馬快捌名工食銀壹佰肆拾肆兩 玖年肆月內會議每名裁

銀壹兩貳錢每年共裁銀玖兩陸錢解部實給銀壹佰叁拾肆兩肆錢

民壯伍拾名工食銀叁佰陸拾兩 玖年肆月內會議每月每

名止給銀伍錢每年共裁銀陸拾兩解部實給銀叁佰兩

頭縣志

卷六

食貨

七

燈夫肆名工食銀貳拾捌兩捌錢 玖年肆月內會議每月每

名止給銀伍錢每年共裁銀肆兩捌錢解部實給銀貳拾肆兩

看監禁卒捌名工食銀伍拾柒兩陸錢 玖年肆月內會議

每月每名止給銀伍錢每年共裁銀玖兩陸錢解部實給銀肆拾捌兩

修理倉監銀貳拾兩

轎傘扇夫柒名工食銀伍拾兩肆錢 玖年肆月內會議每

月每名止給銀伍錢每年共裁銀捌兩肆錢解部實給銀肆拾貳兩

庫書壹名工食銀壹拾貳兩 玖年肆月內會議每月止給銀

每年裁銀陸兩解
部實存給銀陸兩

倉書壹名工食銀壹拾貳兩

玖年肆月內會議
每月止給銀伍錢

每年裁銀陸兩解
部實存給銀陸兩

庫子肆名工食銀貳拾捌兩捌錢

玖年肆月內
會議每月每

名止給銀伍錢每年共裁銀肆兩捌錢解部
實給銀貳拾肆兩

中級肆名工食銀貳拾捌兩捌錢

玖年肆月內
會議每月每

名止給銀伍錢每年共裁銀肆兩捌錢解部
實給銀貳拾肆兩

以上知縣項下連俸薪共銀壹千壹佰貳拾

章縣志

卷六

食貨

八

伍兩玖分內

奉文會議裁解部銀貳佰貳拾
壹兩貳錢實給銀玖錢叁兩捌

錢玖分

縣丞項下連俸薪書辦門子皂隸馬夫工食共

銀玖拾捌兩陸錢貳釐內

奉文會議裁解部
銀捌兩肆錢實給

銀玖拾兩
貳錢貳分

典史項下連俸薪書辦門子皂隸馬夫工食共

銀捌拾壹兩玖錢貳分內

奉文會議裁解部
銀捌兩肆錢實給

銀柒拾叁兩
伍錢貳分

本縣儒學項下連俸薪各一食共銀貳佰肆拾

兩貳錢肆分

本縣

磨刀寨 桂源

貳巡檢項下連俸薪書辦皂隸共銀

壹佰陸兩貳錢肆分內

奉文會議裁解部銀柒兩貳錢實給銀玖拾玖

兩肆分

本縣

水西 攸鎮

貳驛丞項下連俸薪書辦皂隸共銀壹

佰陸兩貳錢肆分內

奉文會議裁解部銀柒兩貳錢實給銀玖拾玖兩肆

分

輓縣志

卷六

食貨

九

一解布政司支給各款

科舉併租賃椅棹銀叁拾肆兩壹分玖釐柒毫

原編銀貳拾玖兩伍錢壹分玖厘柒毫續詳允加增銀肆兩伍錢實編前數

牌枋銀肆拾叁兩壹錢肆分肆釐玖毫

原編文進士枋

銀肆拾壹兩柒錢伍分陸厘武進枋銀壹兩叁錢捌分捌厘玖毫

舉人水手肆名

每名銀兩

共銀叁拾貳兩

武場支應銀貳兩

武舉水手銀壹拾貳兩

曆日紙價併匠作工食銀壹拾兩叁錢貳分肆釐肆毫

以上解司計陸款共額銀壹佰叁拾叁兩肆錢捌分玖釐

一解本府支給款銀

本府辦送

萬壽千秋冬至旦表箋路費銀貳拾貳兩貳錢

府學廩生肆拾名

每名廩糧陸兩

該銀貳佰肆拾兩

原編

贛縣志

卷六

食貨

十

于府學倉米款內支領今改出另編遇閏年分每名加銀伍錢

府學文廟朔望香燭銀壹兩捌錢

原編于府學倉米款內支

用今改出另編遇閏年分加銀壹錢伍分

府學看守祭器書籍庫子壹名工食銀柒兩貳

錢 遇閏年分加銀陸錢

府觀費擡冊夫價銀叁兩壹錢壹分伍釐肆毫

本府應朝造冊紙張工食綾袱等銀貳兩

原編

共款今改

共肆萬編

以上解府計陸款共項銀貳佰柒拾陸兩叁

錢壹分伍釐肆毫

遇...分共加銀貳拾兩柒錢伍分

一存留本縣支給計肆拾捌款共額銀陸千玖佰

陸拾伍兩壹錢叁分伍毫壹絲伍忽

遇閏年分共加

銀叁佰捌拾叁兩柒錢叁分叁毫陸毫壹絲

一四差編銀俱編入合徵

謹按洪武二十四年官民田地山塘共叁千捌佰

叁拾伍頃肆畝玖分至弘治年間清丈知縣蔣

頊縣志 卷六

食貨

十一

公曙丈去水推沙塞貳佰壹拾伍頃壹拾玖畝

伍分止額定叁千陸佰壹拾玖頃捌拾伍畝肆

分

係知縣蔣公曙奉行力請題減後公累官湖廣中丞開府鄖陽入為少司空致仕三子二

孫俱登科蓋厚德之報也

至萬曆九年清丈加至陸千壹佰

陸拾叁頃叁拾貳畝玖分較前額增貳千伍佰

肆拾叁頃肆拾柒畝伍分矣

係知縣王藩臣以增賦為功行取御

史贛田自此糧重贛民苦於賦役亦自此始矣

順治九年清丈仍令照

依原額陸千壹佰陸拾叁頃叁拾貳畝玖分

於順治十年七月內顯准除水決沙塞及荒蕪
未墾貳千貳佰陸拾伍頃玖拾肆畝壹分貳釐
捌毫係知縣黃公里繪圖泣請三院題准
節年報墾幾完田賦虛賦民生實困矣

論曰食毛供賦制也亦義也贛田地于江右爲下
下非有平原曠野阡陌相連不過因兩山之峽
嶺麓之隙聚土築沙稍儲水而畊之望之層層
若階級卽名爲田昔人所云山到上頭猶自畊

贛縣志

卷六

食貨

七

者是也十日不雨便已龜拆搨搨一日暴注則
又衝決累坎所以贛邑問產計直不曰田畝而
曰穀担使其永依弘治年間額數贛民尚可支
持乃萬曆九年復丈倍其數加以丙辰水災田
土崩析僅存山骨以故丙辰而後民多徙居他
邑不復依戀故土嗟嗟至今而益甚矣幸知縣
黃公里繪圖於前劉公守方泣請於後彼決塞
蓬蒿俸邀永除庶積久瘡痍或有瘳乎

一全書附載起運

戶部項下

一魚課鈔銀叁兩貳錢肆分伍釐

水脚銀玖分未厘肆毫

遇閏

分加正銀貳錢陸分陸厘貳毫壹絲貳忽脚銀捌厘貳毫捌絲陸忽

一商稅銀貳拾兩

水脚銀伍錢陸分

一酒稅銀貳拾兩

係本鎮賣贖酒黍酒舖辦納

以上魚課鈔商酒稅俱歸併丁地項下起解

一落地稅額銀陸拾兩

贛縣志

卷六

食貨

三

一牙稅額銀伍拾伍兩伍錢

一牛稅額銀壹拾兩

一茶課每年照依部引給發茶戶完納課銀

一田房稅契額銀壹佰貳拾兩

論曰漢史書初榷酒酤書初稅間架唐史書初稅

茶厥皆有時書罷後此相沿成例且因例推廣

矣贛雜稅載全書甚悉噉書公派民其樂輸耶

不歛熒熒子遺正供尚多逋欠遑問其他乎

在民未有額數惟商起引自行自銷斤鹽數又
民甚便之

國朝順治十七年因太平厰官徵抽不敷遂將鹽引
額派壹萬捌千道內除派南贛吉三郡按查丁口
肆道其餘盡數坐派於南贛吉三郡按查丁口
分坐引額而縣官銷引之考成較諸催科倍嚴
矣小民銷鹽之比較較諸錢糧倍急矣贛邑又
以移送丁口過多每年額銷貳佰零叁萬貳千

贛縣志

卷六

食貨

十五

捌佰斤且商立一埠價又騰貴自此縣官因之
易位者凡四矣小民因之授命者不知凡幾矣
康熙十六年江撫佟公國禎始循吉郡例題改
淮鹽而贛邑每年額銷柒拾貳萬斤於是官無
考成之責民無查比之苦獨是商之費廣而鹽
價必貴則銷引在於減價減價在於省費不殊
蚩蚩者衆朝夕叢怨又望如粵鹽之累官民也
益甚卽安得復有斤鹽數文官民稱便也哉

書院瞻田數

一買張繼田租伍拾担共價銀壹佰壹拾伍兩坐
落地名本縣貳拾柒捌都社屋村等處共計叁
佰零玖坵

一買朱預田租肆拾陸担共價銀壹佰零伍兩捌
錢坐落地名本縣貳拾柒捌都龍下鷄婆山等
處共計壹佰貳拾壹坵

一買郭鑽田租地名玖拾肆都地名沙陂甌溪頭

社坑等處共計拾柒坵

學田

大石盤叁拾玖石伍斗

鳴子口叁拾柒石伍斗

野鷄山叁拾石 龜尾貳拾石

龍下貳拾貳石

東門外拾石

東坑柒石叁斗

贛縣志卷之七

祠祀志

飭戟崇櫺登歌舞六秋報春祈竝受其福捍禦
功成豆籩族族非是族也曰淫曰黷有其舉之
繫唯良牧志祠祀第五

先師廟

規制詳
學宮

大成殿

至聖先師孔子位

按嘉靖九年頒定木主高二尺三寸七分濶四寸厚七分座高四寸

贛縣志

卷七

祠祀

長七寸厚三寸

四分朱地金書

西漢平帝稱宣尼公和帝稱褒尊侯北魏孝文帝稱
文聖宣父後周宣帝封鄒國公隋文帝稱宣師尼
父唐高祖贈太師明皇謚文宣王宋真宗謚元聖
又改至聖元武宗號大成至聖文宣王明嘉靖九
年更號曰至聖先師孔子至今因之

文廟典制

按文王世子凡始立學者必釋奠於先聖先師

先聖之名尊於先師也周立四代之學虞夏以
爲先聖夏學以禹爲先聖殷學以湯爲先聖周
以文武爲先聖其左右曰聖之
之先師蓋三代之世治教不分
通祀孔子而舜禹湯文之祀廢
之德也厥則孔子之祀何虧乎
立廟孔子舊宅漢高帝十二年
子漢平帝元始元年追謚孔子爲
此

嶺縣志 卷七

祠祀

後世尊崇孔子之始亦孔子廟制祀典謚宜之始
也及漢明帝永平二年以周公孔子並祀于郡縣
嗣魏晉六朝以來或封公封侯或祀于闕里或
祭于廟雍靡有定制其停周公專祀孔子定孔子
爲先聖顏子爲先師今天下郡縣立廟四時致祭
自唐太宗貞觀初年始也歿武成王廟與文廟
東西並峙猶未盡尊崇之義也追謚孔子爲文宣
王自唐明皇開元二十七年始也加稱至聖曰宋

真宗大中祥符五年始也加號曰大成至聖文宣王自元武宗至大元年始也明洪武二十年罷武成王廟改稱曰至聖先師孔子自嘉靖九年從大學士張璁之議也文廟門之立戟或十六或二十四自宋太祖建隆三年與徽宗政和元年也殿名大成自徽宗崇寧四年也改大成殿爲先師廟戟門爲文廟之門天下學宮通徹像易木主自嘉靖九年始也洪武十五年之所易木主僅國子監也

歷代以來皆槩像始于漢而迄于元也加冕旒桓圭自宋真宗大中祥符元年也自後徽宗加十二旒服九章執鎮圭金世宗又加十二章其祠孔子以六代之樂者自漢章帝元和元年始也其後宋文帝舞六佾設軒懸宋太祖用永安之樂仁宗用登歌議者不一至洪武二十六年頒大成樂器于天下府學令州縣學如府式舞用六佾樂用登歌而其制乃定也祀七十二賢自漢章帝元和二

始也以顏淵配享自魏主芳正始二年始也以曾參配享自唐高宗總章元年始也以孟子配享自宋神宗元豐元年始也以子思從祀自宋徽宗大觀二年始也以顏曾思孟並享自宋度宗咸淳三年始也加復聖宗聖述聖亞聖公者元文宗至順二年也去公稱子者明嘉靖九年張璁議也以十哲從祀自唐明皇開元八年始也升子張補十哲之闕亦自咸淳三年也弟子之得追贈亦自唐高

宗總章元年始也其封公侯伯始于唐開元二十七年及宋真宗大中祥符二年度宗咸淳三年也以左丘明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭玄服虔賈逵何休王肅王弼杜預范甯二十二賢從祀自唐太宗貞觀二十一年始也以苟况楊雄韓愈自宋神宗元豐元年也以周惇頤張載程顥程頤朱熹自理宗淳祐元年也以張栻呂祖謙自

定二年也。以邵雍司馬光自度宗咸淳三年也。以許衡元仁宗皇慶二年也。洪武二十九年以董仲舒宣德十年以吳澄正統二年以胡安國蔡沈真德秀八年以楊時嘉靖九年增后蒼玉通歐陽修胡瑗陸九淵隆慶元年以薛瑄萬曆十二年以王守仁陳獻章胡居仁四十一年以羅從彥李侗等從祀者皆從言臣之請也。叔梁紇宋封公元封王。今天下學校通建啟聖祠者自嘉靖九年始也。以

顏無繇曾點孔鯉孟孫激配宋程珦朱松蔡元定周輔從祀者子不先父食之義也。洪武元年詔天下儒學各建先賢祠。左祀賢牧右祀鄉賢。春秋附祭。今各分祀。改稱名宦鄉賢者。則成化中特典也。祭期定于春秋二仲。自唐明皇開元二十八年始也。有司薦享自北魏主濬始也。月朔行禮自北齊顯祖天寶元年始也。貢士釋褐謁廟自開元二十六年始也。立學教聖裔自宋真宗始也。迄今遂爲

永制以上諸始末學者童而習之白首而不知其
故者多矣故詳攷而備載之也至于天子之詣闕
卑視太學養老釋奠及太子釋奠各史詳之不盡
錄也

歷代祭儀

漢高祖十二年過魯以太牢祀孔子明帝令郡縣通
祀孔子于學校章帝祀孔子以六代之樂桓帝給
酒冰牛羊詔春秋享祀孔子

蕪縣志

卷七

廟祀

六

南宋文帝釋奠舞六佾設軒懸之樂牲牢器具如上
公

後魏文成勅有司行薦享之禮

北齊顯祖制春秋二仲釋奠

隋文帝制州縣學以春秋二仲月釋奠

唐太宗祀孔顏備俎豆于成高宗登歌用宣和之舞
明皇詔以仲月上丁釋奠

宋真宗頒諸州釋奠儀注圖仁宗詔釋奠用登歌

宗更撰釋奠樂章又賜堂上太樂正聲一部及禮器于闕里高宗加籩豆十二禮如社稷

元成宗置先聖廟登歌樂

明洪武更定孔廟釋奠樂章舞六佾命製大成樂器頒行天下府州縣學樂用登歌朔望命郡縣以下諸學行禮英宗令祭丁品物非其土產者以所產代景帝增兩廡祭品憲宗增樂舞八佾籩豆各十二孝宗釋奠用太牢加幣世宗蓋正祀典遂永為

嶺縣志 卷七

祠祀

七

定式春秋仲月上丁以正官為獻官佐貳教官為分獻官

四配

四子配享自宋元豐咸淳始也坐廟殿兩楹

間俱木主高一尺五寸闊三寸二分赤地墨書

復聖顏子名回字子淵魯人

宗聖曾子名參字與魯人

述聖子思子名伋字子思魯之

亞聖孟子

各朝字子與漢書作子車邾人

十誥

十誥升配自唐開元間始也坐廟殿兩壁間

俱木主

高一尺四寸闊二寸六分厚五分座高二寸六分長四寸厚二寸赤地墨

書

閔子騫

名損魯人

冉伯牛

名耕魯人

冉仲弓

名雍魯人

宰子我

名子魯人

端木子貢

名賜衛人

冉子有

名求魯人

顏縣志

卷七

禮記

八

仲子路

名由字季路魯人

言子游

名偃吳人

卜子夏

名商衛人

顏孫子張

名師陽城人

兩廡

兩廡從祀自唐開元間始也諸書所列位次

參差不一今因明嘉靖間祀典所定

東廡先賢

俱木主○高廣尺寸與十誥同

澹臺滅明

字子羽武城人

原憲

字子思檀弓作仲憲宋人

南宮适

字容魯人

商瞿

字子木魯人

漆雕開 字子蒲 魯人

公西赤 字子華 魯人

冉孺 字子魚 魯人

冉季 字子產 魯人

漆雕徒父 字子文 魯人

任不齊 字選 楚人

奚容蒧 字子楷 衛人

句井疆 字子疆 衛人

樊須 字子華 魯人

梁鱣 字叔魚 齊人

伯虔 字子析 魯人

漆雕侈 字子歛 魯人

商澤 字子秀 魯人

公良儒 字子正 陳人

顏祖 字子襄 魯人

秦祖 字子男 魯人

榮旂 字子棋 魯人

鄭國 字子徒 魯人

廉潔 字子庸 衛人

孔忠 字子茂 魯人

秦非 字子之 魯人

顏增 字子聲 魯人

左人郢 字子行 魯人

原亢 字子抗 魯人

狄黑 字皙之 衛人

公西蒧 字子尚 魯人

申棖 字子周 魯人

東廡舊有顏何孔穎達以為字畫相似故黜

魯點孔鯉改入啟聖祠

西廡先賢 俱木主 高廣 尺寸與十肆同

宓不齊 字子賤 魯人

公冶長 字子長 齊人

公析哀 字李沈 齊人

高柴 字子羔 齊人

司馬耕 字伯牛 宋人

有若 字子若 魯人

巫馬期 字子期 陳人

顏宰 字子栢 魯人

曹卹 字子循 蔡人

公孫龍 字子石 衛人

秦商 字子丕 楚人

顏高 字子驕 魯人

稿駟赤 字子從 秦人

石作蜀 字子明 秦人

頓縣志 卷七

祠祀

十

公夏守 字子乘 魯人

後處 字子里 魯人

公堅定 字子仲 魯人

鄒單 字子家 魯人

罕父墨 字子索 魯人

公祖句茲 字子之 魯人

縣成 字子期 魯人

夔伋 字子思 秦人

顏之樸 字子叔 魯人

樂欬 字子肇 秦人

叔仲會 字子期 晉人

邾興 字子歛 魯人

公西輿如 字子士 魯人

施之常 字子常 魯人

陳元 字子禽 陳人

琴牢 字子開 衛人

步叔乘 字子車 齊人

西廡舊有公伯寮以護仲由黜秦冉孔穎達

以字畫相似黜蘧瑗林放非弟子改祀于其

鄉顏無繇改入啟聖祠申黨卽申棖以重削

兩廡先儒 俱木主。高廣尺十與十詰同

左丘明

公羊高 齊人 周末

穀梁赤 字元始魯人 周末

伏勝 子賤鄒平人 生秦漢年間

高堂生 字伯魯人 生秦漢間

董仲舒 廣川人 生漢景帝時

穎縣志 卷七

祠祀

十一

孔安國 字子國孔子十一世孫生漢武帝時 毛萇 趙人大毛公享

后蒼 字近君東海鄭人 生漢宣帝時 杜子春 河南人 生漢哀帝間

王通 字仲淹廣人 龍門人 韓愈 字退之唐修武人

胡瑗 字翼之海陵人 生宋太宗癸巳 歐陽修 字永叔廬陵人 生宋真宗丁未

邵雍 字堯夫范陽人 生宋真宗辛亥 周敦頤 字茂叔營道人 生宋真宗丁巳

司馬光 字君實夏縣人 生宋真宗己未 張載 字子厚郿人 生宋真宗庚申

程顥 字伯淳洛陽人 生宋真宗壬申 程頤 字正叔顥弟 生宋仁宗癸一

楊時 字中立將樂人 生宋仁宗癸己 胡安國 字康侯崇一 生宋仁宗

羅從彥

字仲素南劍州人

李

侗

字愿中劍州人

朱熹

字元晦婺源人

張栻

字敬夫緜竹人

呂祖謙

字伯恭婺州人

陸九淵

字子靜金谿人

蔡沈

字仲默建陽人

真德秀

字景元朱浦人

許衡

字仲平元河南人

薛瑄

字德溫河津人

陳憲章

字公甫新會人

胡居仁

字叔心餘干人

王守仁

字伯安餘姚人

按從祀諸儒自嘉靖九年釐正祀典以後隆

穎縣志

卷七

祠

十一

慶五年進薛瑄萬曆十二年進王守仁陳憲

章胡居仁三十九年增宋儒羅從彥李侗

兩廡從祀先儒數經考議共黜一十四人

申黨

公伯寮

秦丹

顏何

荀況

戴聖

劉向

賈逵

馬融

何休

王肅

王弼

杜預

吳澄

申黨卽申棖以重出削去公伯寮以讒仲由
黜秦丹顏何以字畫相似黜荀況以言性惡
黜劉向以喜神仙黜賈逵以附會議緯黜馬
融以貪鄙附勢黜何休以黜周王魯黜王肅
以黨司馬氏黜王弼以旨宗老莊黜杜預以
黨貴要建短喪黜

穎縣志

卷七

祠祀

七

退七人

林放

蘧瑗

鄭衆

盧植

鄭玄

張虔

范甯

林放蘧瑗非弟子明嘉靖九年定議同鄭衆
等共七人各祀于其鄉

啟聖祠

將有事于先師則先釋菜不用樂

啟聖公

木主。高一尺五寸。濶三寸二分。赤地墨書。

四配享

俱木主。高廣八寸。與兩廡同。

顏無繇

字路。家語顏繇字季路。回之父。

曾點

字皙。家語字子皙。史記作曾葢。參之父。

孔鯉

字伯魚。子思之父。

孟孫激

字公宜。軻之父。

四從祀

贛縣志

卷七

四從祀

十四

程珦

字伯溫。顯頤之父。

朱松

字喬年。熹之父。

蔡元定

字季通。洙之父。

周輔成

敦頤之父。

叔梁紇進公而王自宋祥符時始也稱啟聖

公自元始也宋時顏曾子思配享堂上顏路

曾皙伯魚從祀兩廡洪邁姚燧以為崇子抑

父熊永謂宜別設一室祀叔梁紇而以三子

配程敏政主其說明嘉靖九年遂專祠遍天下萬曆二年入孟孫激周輔成

名宦鄉賢

明洪武二年令天下學校皆建祠左祀賢牧右祀鄉賢附祭廟庭世宗令天下有司學校備查古今名宦鄉賢果有遺愛在人鄉評有據者即入祠祀

名宦祠

在廟左祭日俱與文廟同

宋王希

穎縣志

卷七

祠祀

十五

明知縣崔天錫

李素

鄉賢祠

在廟右祭日俱與文廟同

唐謝俊

宋盧世英 曾準 劉炳 陳炳 陽孝本

曾楸 曾開 曾幾 李珙 謝陟明

劉麟

明李旭 彭希賢 謝詔 劉思誨

城隍廟

在縣治左祭日春秋二仲

謹按城隍之祀先儒謂既有社矣不應復有城隍
乃蕪湖城隍建于吳赤烏二年高齊慕容氏假
梁武陵王祀城隍神皆書于史又成都有城隍
祠乃太和中李德裕所建張說有祭荊州城隍
文趙宋以來血食遍天下或賜廟額或頒封爵
各郡邑或專指古忠臣名宦一人以當之如慶
元寧國太平鎮江蕪湖等郡縣皆以為紀信龍
興贛吉袁臨建昌南康皆以為灌嬰又按長樂

圖經云廟神乃漢御史周苛苛守滎陽為項羽
所烹高帝即位嘉其忠烈令天下郡縣各附城
隍立廟祀之城隍之祀始于此張九齡祭城隍
文曰城隍是依岷庶是保則今古崇祀之意固
昭歿與社稷竝隆歆薦矣

社稷壇

附府在西津門外歲以
春秋仲月上戊日致祭

山川壇

附府在鎮南門外歲以春秋
仲月上巳日致祭城隍附焉

節厲壇

附府在府城北歲以清明中元十月朔致祭
先期迎城隍神位于甬傍無祀鬼神而祭

用羊豕果羹飯
真衣凡數百具

論曰人非土不立非稷不食故封土立社而稷爲
五穀之長故封稷而祀載芟之詩曰春祈祈社
稷也良耜詩曰秋報報社稷也蜡祭者何周禮
籥章吹豳頌擊土鼓蜡者索也合聚萬物而索
饗之也厲祭者何子產曰匹夫匹婦疆處其魂
魄猶能馮依爲厲祀之使有所歸而不爲民病
也所謂祭境內無祀鬼神也凡以爲民事也有
舊肅誠薦馨以報以祈而神其來饗民其受庇
矣

里社壇二十七所

鄉厲壇二十七所

按里社之制洪武八年定每里一百戶各立壇
祀五土五穀之神每春秋二社百戶內輪一人
爲社長率錢備物以祈報祭畢會飲宣讀

其詞曰凡我同里之人毋恃力凌虐其婚姻
葬有乏隨力相助如不從衆及作奸盜詐偽一
切非爲之人不許入會讀畢長幼以次就坐盡
歡而退其厲壇亦每里一所耆老主祭如郡期
會飲讀誓諸儀竝視里社

漢壽亭侯廟

在萬壽宮右舊係縣學崇禎辛巳遷學於西街遂移廟于此

江東廟

在水東雷岡之上久廢今移廟在志烈營出大街上

謹按神姓石名固宋嘉祐賜額顯慶紹興加昭烈

穎縣志

卷七

禮祀

十六

元加封王號明洪武戊申勅有司歲于正月初
八日神誕日致祭

廣濟廟

在府北二十里儲澤山之麓殿宇傾圮邑庠生李復瑛倡助撤而新之上下水官客商賈靡不損貲經年功告竣知縣劉瀚芳有記

靈山廟

在府治北兵燹後廟貌如故在府倉左

三官廟

金龍山廟

在下釜祀唐太尉雷肉身在廟勅封侯最靈顯

岳武穆王廟

在府治城南景德寺右名精忠祠

關平忠武王廟 在府治南

萬壽宮 上係三清殿凡元旦祝賀又武官集此習儀拜牌

濂溪祠 前在鬱孤臺今移光孝寺左

清忠祠 在府治宜明樓右祀朱州守趙清獻公抃文信國公天祥丙戌燬

東坡澹菴祠 在光孝寺左祀宋端明殿學士蘇軾祕書郎楊方今廢其地基圍入寺內

王文成公祠 在府學右

北川陸公祠 在府學左以上廟祠在郡志詳載始末茲不贅述

崔邑侯祠 各天錫多德政祠在百家嶺今廢萬曆年間併祀各宦祠

贛縣志 卷七 祠祀 十九

李邑侯祠 各素祠在西街今廢

楊邑侯祠 各汝昇多善政祠在縣治左今廢移像于城隍祀之

陳邑侯祠 各履忠保民四事祠在縣學前今廢地基民占

謝桓愨公祠 在棉布街鳳凰池春秋有司躬親致祭商占為廟度撫蘇公弘祖加意修復

論曰壇祀蜡祭既成秩矣乃若戀戀桐鄉魂依其

治惓惓峴石淚墮其巔彼撫字殷懃視如子弟

猶不能釋諸懷况被澤蒙惠有不家尸戶祝禱

祠祭祀者哉至於為一方弭災為封疆錫福其

崇報必永廟祀巔附郡城亦一邑耳郡守而上
例不得書特以當年功德必先章貢因志其祠
廟姓氏而始末興廢則備載郡志然邑令功德
在民煌煌載冊且有祠毀名存禿吊興嘆則修
廢舉墜以報以所彰往勸來是在後之君子

僧寺附

景德寺

唐德宗貞元三年建明成化戊子改建府

光孝寺

學嘉靖壬戌復府學於紫極觀始收復寺
建自晉新于唐今又新之佛掘地不
盈尺即得木清甘故又名出水寺

巔縣志

卷七

祠祀

三

壽量寺

燬今重建

嵯峨寺

燬今重建

佛首寺

古東溪寺丙戌
燬副府楊繼建

蓮社菴

在西門外重許丙戌燬今重建邑
人姚應章施放生池併贖田

清江寺

在西門外

契真寺

在田邨有羅漢經
十八卷藏閣上

萬法寺

在光溪壩宋淳熙九年
建邑進士鍾必勝記

五智寺

在良言

東林寺在石院

筆峯山庵

自唐初建今廢
禪師重修住持

盤山寺

在澄江康熙五年丙午渤海禪師
始建至癸丑告竣禪師說法於此

學港

在儲潭內十五里康熙元年
僧如道買陳姓空基辟建

法喜菴

在水坑僧智覺僧徒貞生苦行修造
山主大破鍾正之僧任際太同建并
施田出茶油

長慶菴

在新坪文遠禪師僧徒樹
中建係在城筆筆一派

雙澗菴

在百丈龍懶教禪
師僧徒雪巢修建

天寶寺

在七里鎮

贛縣志

卷七

祠祀

三

舍利寺

在竹溪山主謝懷德初自
唐朝今住持僧養正重修

東勝山寺

在城內新紳謝
詒建并施田租

淨土菴

在城內太監在
謝訪特建

天鳳山菴

在學港對門僧超惺
置周宅空基辟建

道觀附

上壇觀

在建德
門內

玉虛觀

在水東劉真
人練丹處

黃仙觀

在棉布街鳳
凰池右民古

文昌閣

在金雞
魚池民古

論曰漢明帝時攝摩騰竺法蘭始自西域以白馬
馱經來初止於鴻臚寺遂取寺名叙白馬寺此
佛寺之始也自此金山巖塔甘露慈雲且遍天
下而闕里曾不置一刹焉斯殆日月中天燭火
不能容光耶至若紫臺碧洞琳館瑤壇自唐尊
鼻祖宮觀極盛迄宋元明悉與梵刹並崇而學
宮祠宇且多傾圮弗枋則又不專於章貢爲然
一也



贛縣志卷之八

秩官志

雷震象矣贊輔同舟治繩木宗匠是求一蓬

廬耳名則千秋顧其質惟乃之休孰保璋哉

宜遠之儔志秩官六

令佐

南宋

贛縣令

贛縣志 卷八

秩官

蕭 隤 字宜遠齊太祖長子詳名宦

唐

張九臯 曲江人孝登科山海豐郡司戶詳名宦

贛縣尉

王何慶 開元十一年謫任

宋

贛縣知縣事

陳 廷 六聖可任

王 希 皇祐初以大理丞任始建孔子



朝孫明復
為之誌

錢 覲
無錫人嘉祐八年任詳名宦

黃文嵩
建興間任重
建孔子廟

趙 賁
紹興間任

趙彥仁
乾道七年任

沈 淳
字東卿洛川人
淳熙六年任

司馬邁
字及之慶元六年任

張文顯
嘉定間任

趙汝盥
嘉定十六年任
石刻
見通天岩

董南一
嘉定間任

趙平政
嘉定元年任

黃子椿
豫章人
慶五年任

劉子薦
宣城人咸淳間任陞知常德

雷應春
柳州人
知縣除監行在都進奏院擢監察御史

贛縣志 卷八

秩官

二

縣丞

田 椽
南康人
乾道任
孫逢辰
龍泉人
詳名宦
陳 琦
清江人
進士

曾 丰
樂安人
進士
胡 琦
俱淳熙
張李信
慶元元年

陳 疇
南豐人
進士
李 游
臨川人
進士
元

俱嘉定

主簿

蕭化基
廬陵人以兄
蔭皇祐間任

梁公价
分宜人弟進士
熙寧間任
遷承信郎守田博士

張汝賢 泰和人進士燕寺間有雙生子爭長者

丘 錢 紹定二年任

縣尉

程元白 太平興國初任 余 詳寧都 葉 蕢 建安人

康 烈 泰和人 趙 紉 詳寧都 張更生 慶元元年任

丘 麟 連城人嘉定三年 傅 燁 莆田人寶慶間任

蘇 辭 百章 胡文舉 詳名宦 黃炎夢 新昌人景定進士轉

通判 柯 述 福建南安人

贛縣志 卷八 秋官 三

元

達魯花赤

荅木丁 至順間任

縣尹

馮天祐 蓬州人元 宋榮祖

忽 都 元

徐祖永 俱至順間任 耶木兒

王仲德 至正間任

縣丞

郭珪 至順間任 王士廉 至正二十八年

主簿

王揆 至順間任

縣尉

周裂 九江人 至元初 朱淵 至順間任

典史

丁琳 李成 至順間任

贛縣志 卷八 秩官 四

教諭

陳先得

明

知縣

崔天錫 贊皇人 山北 武初任

邵宗質 洪武五年任 見贛州衛碑 陸 常熟人 洪武十年任

陸賢 崇明人 洪武十年任 王 善 婺源人 崇人 洪武中任 改曲陽

王彥明 惠州人 洪武末年任 李顯 金壇人 進上 永樂中任 陸通判

李素 蒼梧人 宣德元年任 詳名宦 姚華 正統元年任

邵昕 景泰中任 洪炯 金華人 天順中任

姚璣 應天人 天順中任 苗誠 雙流人 由監生 成化四年任

傅榮 華容人 由監生 成化七年任 袁銀 海陽人 由舉人 成化中任

何文縉 南海人 成化五年任 詳名宦 黃世忠 長樂人 弘治四年任 詳名宦

蔣曙 全州人 弘治五年任 詳名宦 何淳 順德人 由進士 弘治十五年任 調臨

歷陞 知府 龔全名 義烏人 由恩生 弘治末年任

宋璿 藤縣人 由監生 正德八年任 何正 從化人 由舉人 正德十六年任

賴縣志 卷八 秩官 五

鄒德賢 閩縣人 由舉人 嘉靖四年任 蒙佾 南海人 由舉人 嘉靖八年任

毛鳳岐 海鹽人 由舉人 嘉靖十三年任 蕭善登 潮陽人 由舉人 嘉靖十七年任

俞大本 餘姚人 由舉人 嘉靖二十三年任 吳汝鵬 開州人 舉人 嘉靖三十年任

朱珪 鄞縣人 舉人 嘉靖三十二年任 王秉敬 餘姚人 舉人 嘉靖三十二年任

張持 番禺人 舉人 嘉靖三十五年任 丁一 劉邦獻 衡陽人 舉人 嘉靖三十九年任

張封 餘姚人 詳名宦 朱陽 東莞人 舉人 嘉靖四十四年任

何一達 道州人 隆慶四年任 詳名宦 吳燿燿 湖廣人 由舉人 隆慶六年任

陳一勳 莆田人 由進士 萬曆三年任 有治行 而不通時局 桂詩典 隆調人 共惜之

王藩臣

瀘州人由舉人萬曆八年任行取選

量區畫周詳均
賦哀裁委曲

王天麟

瓊山人由舉人萬曆十三年任

林璣

莆田人由進士萬曆十六年任催科不擾里甲寬敏最得民心以憂去補保昌歷陞

衢州府知府

葛如孟

藤縣人舉人二十一年任調新興

王國彥

零陵人舉人萬曆二十三年任

刁夢麟

寶應人二十四年任詳名宦

陸文宰

富陽人由舉人萬曆二十六年任丁憂起復三十六年再任

陸典

崇德人由進士萬曆三十年任剖決如流政刑清肅入覲調豐城民大失望

潘守正

宜興人由進士萬曆三十二年任陞南京戶部主事

贛縣志 卷八

秩官

六

張耀

高要人由舉人萬曆三十八年任愿憲少文議行南淮二糧官辦法殊費心力

楊汝昇

慈谿人由舉人萬曆四十四一年任以憂去陞知州

李茂芝

南漳人由舉人萬曆四十六年任

劉永基

山陰人由進士泰昌元年任

丘爾懿

廣東瓊州人由舉人天啟三年任

甯忠淑

浙江人由舉人天啟五年任

莊辰

福建人由進士天啟七年任

管正傳

字元心浙江人辛未進士崇禎七年任

陳履忠

字鳳阿雲南人由進士崇禎十一年任詳名宦

金廷韶 浙江人由進士
崇禎十五年任

縣丞

劉完哲 王孚 劉孜 西夷人育政
聲俱洪武

許仁 宣城人 丘和 趙鼎 清漳人

陳受 長汀人
俱宣德 吾賢 衢州人
正統年 鐘廣 景泰年

秦魁 周禮 翁源人 陳寧 長沙人
俱成化

周璉 嚴脩 富順人 方俊 湖廣人
俱弘治

李曰達 梧州人 李富 荆州人 李廷珠 曲江人
俱正德

額縣志 卷八 秩官 七

朱玘 含山人 陳高 麻城人 劉鵬 乳源人

段魁 交河人 李惠 李夢麟 長樂人

崔述 泌陽人 黃良 武原人 周藩 奉化人

舒曜 奉化人 張富 項奉化人 王剛 額榆人
俱嘉靖

吳珊 崇德人 彭壽 德興 陸慶 完顏 睢州人

施愛 蕪湖人 蒙士 遇仁 化人 張訓 模 蕭山人

黃鼎 柱 晉江人 邵枋 鄞縣人 陳以誠 貧縣人

余一鴻 徽州人 姜憲 賓南海人 陳應科 福清人

王問臣 福建人 閔惟孝 鄒縣人 劉世基 太和人

陳夔謨 仁和人 俱萬曆

主簿 萬曆六年裁捕盜一員

馬公輔 林 洪 衡陽人 俱宜德 趙以存 安慶人 俱洪武

范誠 何興 再溥

黃 福海 豐人 吳 珙 王 珊

周 鑑 俱正統 趙 顯 景泰年 衛 明

王 瑄 長河人 俱成化 賓 興 嚴 貴 廣東人 俱弘治

縣志 卷八 秩官 八

利本堅 英德人 正德初 張 昂 張 勳

徐 珍 直隸人 劉 鎮 廣西人 王行之 西川人

謝 順 廣東人 蔡思賢 河南人 黃 王 湖 廣人

吳允泰 廣東人 蕭 偉 湖廣人 凌 旭 通州人

楊廷宣 廣東人 俞 問 崑山人 左顯 瓊 棗陽人

黃 迺 莆田人 祁 進 莆田人 羅 岑 青陽人

齊元正 會稽人 汪 鉉 奉化人 黃守道 巴東人

孫端本 餘姚人 胡 欽 婺源人 俱嘉靖 姚秉忠 東流人 隆慶年

任子順奉化人吳胄永安州人談繼先上海人

華皆有容人張化鐘祥人古養賢程鄉人

董鳳儀慈谿人胡正謙餘姚人朱偉宜城人

唐文孝大竹人項文炳霍山人虞應圻義烏人俱萬曆

典史

王琳路彥通張中武陟人

張大本俱洪武童宗貴正統年石敏宗景泰年

張琥衛霖俱成化陳裔能

贛縣志卷八秩官九

余鸞饒平人俱弘治郭文福惠安人王賓仁和人

王贊蕪湖人新昌人俱正德陳日潛莆田人

朱惠浙江人黃昂直隸人唐欽蕪湖人

彭明潛江人鄭麟龍溪人俱嘉靖江鳳山景陵人隆慶年

鄭時太福清人劉承恩錢塘人諸一元餘姚人

余大思常山人孫束之黃岩人魏必成錢塘人

徐行歸安人洪均祿永嘉人江廷光侯官人

朱文熾南陵人陳一訓餘姚人王弘譽和州人俱萬曆

陳德譽 武進人 徐國棟 浙江山陰人

教諭

溫文煥 雲都人 黃麗 古田人 何興 衡陽人

顧綱 錢塘人 洪淑 潮陽人

彭悌 潮陽人 倫昇 南海人

黃爻直 陶惟恭 公安人 楊冲 杭州人

梁佐 高要人 高震 俱成化 姜端 鄞縣人

葉綰 寧波人 高孔家 閩縣人 田瑄 山陰人

穎縣志 卷八 秩官

李暢 新會人 丁熾 慈利人 何一叙 高要人

袁全 香山人 莊嚴 閩縣人 王禎 臨海人

關玉成 南海人 朱貞吉 吳江人 楊天相 清河人

吳道立 莆田人 楊機 沅州人

馮穎 莊鐸 福建人 周啟東 瀘溪人

胡紀 延平人 張弘濟 東莞人 胡依允 新淦人

陳諤 順德人 徐銓 武平人 周琳 莆田人

張一典 崇安人 江濂 麻陽人 陳響 瑞昌人

張如登 萬安人 鄭文龍 金谿舉人 俱萬曆年

祝維嵩 河南人舉人 朱秉鈞 南昌人舉人 陞望江知縣

訓導

李剛 曾益 黃莊 本縣人 俱洪武

蔣子夔 太和人 龔順 邵武人 林挺 正統年

徐仕 葉清 東莞舉人 俱成化年

鄭釗 莆田人 陳紹學 廣東人 張節 順德人 俱弘治

孫勝 桐廬人 姚寅 龍溪人 王伋 安吉人

贛縣志 卷八

秩官

十一

陳寬 黃陂人 師範嚴整 重義輕財 俱正德年 許夔 餘姚人

湯緣 寧德人 蕭崇禮 延平人 顏澤 永春人

梁鳳 新興人 方量 巴陵人 周建中 曲江人

龔象 義烏人 張璪 直隸人 徐行義 鳳陽人

嚴樑 東陽人 竇尚賢 揭陽人 趙時雍 蘭溪人

許岳胤 鎮海人 陳思敬 漳平人 謝詒 道州人

丁仲迪 慈利人 劉鑑 南平人 丁大縉 東莞人 俱嘉靖

沈栻 道州人 王一曾 福建人 譚廷偉 南安人

趙俊建昌人鄒美春奉新人袁登臨江人

謝秉契永寧人伍策保昌人李東震邵武人

胡文旦進賢人劉應霖萬安人陞桂平知縣博雅工文別有襟度

謝起明太和人王錫之感恩人郭廷翰昆明人

張如用萬安人熊日進道州人尹湯佐崇義人

劉汝實太和人

國朝

知縣

贛縣志卷八

秩官

七

郭鉉陝西人由舉人董亨遼陽人由生員

張文獻遼陽人由舉人王煥焜字雲芝山東人由貢士

詳名黃里字居畝湖廣人由貢士

楊文正字天柱淮安人由乙未進士

王枚字卜子浙江人由戊戌進士

俎如蕙山東人由辛丑進士

常景星河南人由舉人郭毓秀陝西人由舉人

蘭友蘭字阿山北京人由監生

媽字阿山北京人由監生

劉瀚芳

字北海北京人由戊子副榜歷扶風縣補任康熙十七年任詳名宦

縣丞

吳道魁

張沛

郝明德真定人

臧炎

字藩長北直人官監任

典史

黃允炳浙江人

候作楫浙江人

汪鼎浙江人

儒學

頤縣志 卷八

秩官

十三

涂芳昇

字東旭南昌人舉人辛丑進士

傅選

字用賓清江人舉人

丁弘識

字士先南昌人舉人任陞建昌府學教授

過見

字更生臨川人舉人陞廣信府學教授

黃之琇

字耳美分宜縣人歲貢

李辛

字先甲進賢縣人歲貢

巡司

磨刀司

章尚

王振陽

桂源司

徐世澄

字記水節興人張文獻

章有仁

謹按周制四百里爲縣官有縣正各掌其縣之政
令而賞罰焉春秋時縣大而郡小縣邑之長晉
稱大夫魯衛稱宰楚稱令尹稱公戰國以來郡
大而縣小矣漢損益秦制列侯所食縣爲國皇
太后公主所食爲邑凡縣萬戶以上爲令減萬
戶爲長矣國爲相晉制大縣令有治績報以大
郡不經宰令不得入爲臺郎隋縣有令有長宋
政和以來太平盛時人多重內輕外乃議所以

穎縣志

卷八

秩官

十四

增重激勸之汰紹興間詔將作寺監丞簿等任
滿改官未歷民事者各除知縣一次乾道初詔
京官知縣以三年爲任尋又詔非兩任知縣不
除監察御史元以達魯花赤掌縣印以知縣爲
縣尹判縣事明制知縣正七品多以新中進士
選授三年考績有潔已愛民者欽取御史此知
縣望隆上司多重待之然亦自待甚重縣丞則
自漢置丞尉多以本部人爲之景帝時縣丞

長史唐置京縣丞故韓愈藍田丞廳壁記第置
之爲長安丞宋初不置丞天聖中始于開封兩
縣各置一員高宗始以爲品官由吏部選授明
因之主簿則漢晉以來皆令長自調用隋始置
之宋高宗始同丞選授今奉裁

論曰邑令父母也父母於其子知其饑而食之知
其寒而衣之知其勞苦而安逸之且也知其利
而爲之興知其害而爲之除知其善而爲之勸

贛縣志

卷八

秩官

五

知其不能而爲之教故宋特名曰知縣事陪幕
而下與有責焉茲悉列其姓字著其閭里及觀
其詳名宦垂芳徽且百世下稱其名勿衰況當
時則榮乎

贛縣志卷之九

循良志

風抗雲垂遺愛遺思樹松自咏植栢堪儀緬懷
崔政實始芳規嗣徽媿美章貢口碑煌煌簡冊
君子則之志循良第七

令佐

南宋

蕭贖字宜遠齊太祖長子大明中仕南宋爲贛令秦

贛縣志

卷九

循良

始元年晉安王子勛反于潯陽贖不從命南康相
沈肅之繫贖郡獄門客桓康與族人蕭欣祖第四
十人破獄出之追兵急康等歿戰生獲肅之遂率
部曲百餘人舉義屯揭陽山有白雀來集聞山中
清聲傳漏響又累石爲佛圖其側忽生一樹若華
蓋子勛遣戴凱之代爲南康相陶冲之代爲贛令
贖令軍主張宗之領千餘人擊破之凱之走冲之
被殺初贖將發兵大饗士卒天暑令各折荆枝自

蔽須史有雲垂蔭會所會罷乃散已又遣張應期
等襲破豫章事寧徵爲尚書庫部郎封贛縣子固
辭不受轉廣興相後卽帝位廟號世祖

唐

張九臯曲江人九齡仲弟孝廉登科嶺南按察尚書
裴佑先表受海豐司戶及佑先討五溪蠻奏授贛
縣令軍興倚辦供億無留宣慰使梁勛竹承構先
後奏其戶口增益清白有聞褒進朝散大夫己陵

贛

志

卷九

循良

別駕九齡求解相待養不許詔就近地改授九臯
南康別駕以優省覲累遷殿中丞尚書職方郎中
九齡謫荊州九臯亦貶外臺歷南康淮安彭城睢
陽四郡太守有政績詔書褒美再改南海太守兼
五府節度經略採訪處置等使封南康郡開國伯
第爲嶺南節度使時專供楊妃織繡之工多至七
百人後以所獻精靡加三品頗爲時議所疵

宋

錢顛字安道無錫人以祕書省著作佐郎知顛縣脩夫子廟飾冠冕新祭器以治行聞治平末爲殿中侍御史裏行坐疏論王安石貶監衢州鹽稅家貧母老處之怡然蘇軾贈詩有烏府先生鐵作肝之句因號鐵肝御史

孫逢辰字會之龍泉人乾道進士淳熙中茶寇轉撰江西逢辰以顛縣丞董餉乃齎金帛隨所至易米省饋運十七八又奏記漕司將袁贛兩州應納油

顛志

卷九

循良

三

麻改折蠲其積逋漕司得請兩郡蒙利

胡文舉字仲明進賢人寶祐進士由寧國軍主簿調顛尉先是有殺人而匿其屍者不得其主名文舉至偶獲一屍于池無首令死者之母驗之臂有涅跡果是其子因密察其妻嘗與一男子私促逮男子至而別鞫其妻妻疑事已爲男子先泄遂吐實蓋與男子共殺夫而棄屍于是池埋首于他所也掘首與屍合

明

崔天錫字彥才真定贊皇人由賢良舉歷官有聲尤
明初取贛州卽以天錫知贛縣事當艸昧之際事
多勑造重建縣治及禮殿明倫堂濂溪書院造浮
梁以濟章水貢水又建章水鄉長步橋雲泉鄉桂
源橋百廢竝興而民不擾先是至正戊戌邑罹僞
漢兵火版籍契券燬棄靡遺原額糧石五千七百
有奇至是失額公私交病則爲多方訪求令民具

贛志

卷九

循良

四

實自呈及互相叅覈既有次第復按行封畛度田
廣狹肥瘠率三十而稅一耆年得糧五百餘石錢
二十五貫始及原額糧覈役均人咸稱便在任九
年陞廣州府知府

陸賢吳縣人由人材舉洪武初知贛縣爲政簡易清
覈田糧以正版籍民庶其惠且富文學凡境內靡
不稱多其著述

李素字宗文蒼梧人永樂甲辰進士官德元年知贛

縣事脩察舉墜社蠹釐奸得良牧體邑之建春州
東津渡西津門知政橋儒學殿堂齋廡泮池櫺星
門及長興鄉移溪橋皆其勗脩也歲荒勸富戶出
粟以賑民不至孳秩滿保畱踰十五年進俸正六
品以憂去耄倪愛戴不忘

何又縉字德章南海人成化戊戌進士初授贛縣令
政尚平易有。望時當多事能舉其職未滿考擢
戶部主事終知府

贛縣志

卷九

循良

五

黃世忠字考卿長樂人由鄉舉初任兗州司訓弘治
初知贛縣有守有爲以民俗尚鬼毀淫祠百十所
作詩四絕徧諭百姓蓋學道愛人之君子也將滿
考以憂去

蔣曙字景明全州人弘治丙辰進士筮。贛縣循良
寬仁恩施甚厚先是郡中職清戎者歲計三考以
爲政績故絕軍已歷百餘年者往往繼事致而後續
之械繫戶丁遣送戍所民之。事。公。

按核其實一一分辯之連章累牘請于清戎直
除豁者甚眾然漏而未及辯疑而未卽允者尙多
也公移南戶曹公越二十季邑省祭王灝伏闕
陳狀部檄下藩司會公以廣東叅政超遷江西右
轄總清軍事于是力請于直指朱公衮爲之覆疏
公入覲又恭請于大司馬以故邑中絕軍之續
補者俱得如所奏名數盡除其籍焉公覲回丞
檄有司令里授信符以拔禍本乃猾胥惡去其利

贛縣志

卷九

循良

謀寢之數年郡太守王公世芳刷理案牘始追論
沉閣者罪刊布書冊於各里合邑之民如獲更生
到今受公之賜云公轉楚左轄晉中丞開府鄖陽
入爲少司空致仕三子二孫俱登科蓋厚德之報
也

張對字汝登餘姚人隆慶戊辰進士初知贛縣下車
卽以愛民猶子處事如家二扁揭庭柱詢知民間
多告不敷狀爲編局特豎一牌于二門外大書凡

軍民賣去田產已得價值而告不敷者不准或
本情故捏別事牽告者訊實必加罪責以故一時
刁風頓熄而訟獄爲清且堂規嚴肅關防精密吏
胥無所容其竊弄皂快無敢有所咆哮小民有冤
苦赴愬者輒爲伸理士有文行者督之學常提誨
獎進之踰年調常熟歷轉江西按察使卒于官士
民有遺思焉

何一達道州人由鄉舉令西充補任贛縣性真誠絕

贛縣志 卷九

循良

七

無時態敝衣綴履不異儒生每見父老子弟諄諄
以勤儉二字相勸諭對簿者立爲剖其曲直非大
有干犯多不科罪一切征輸惟正外毫無餘羨諸
凡供億饋遺務從節省蓋冰玉之操皦然不淄而
介石之性確然不易古之所謂良吏今之所謂古
人也陞廣東市舶提舉

陳履忠字鳳阿雲南人由進士任贛令有經濟才立
義倉建書院理煩治劇條陳保民四事請詳力行

上臺重其賢能悉批允及今猶仰德焉

王煨焜字雲芝山東人貢士時贛化儻滿目公加意撫恤催科不擾雖署中薪米亦必自給甚至缺乏不以告人其廉隅自飭如此公兄王炳焜同時任江西糧道公每資斧則貸諸兄以足贛署之用至教養兼舉有古良吏風焉

黃里字君畝湖廣人辛卯貢士初蒞贛見荒缺什之

贛縣志

卷九

循良

八

七爲繪圖泣請詳題免荒糧壹萬叁千缺丁捌千柒伯畱給贛鎮兵米抵作贛漕虔撫修公國器允公請具疏題定至今兵民受福公之造也公事太夫人以孝聞後因病乞歸

劉瀚芳字北海北京人戊子副榜貢公器量寬厚尤多才略贛處衝繁比年數經大兵舟車夫役芻茭糗糧公措之裕如百姓若不知有悉索之苦也至厘奸剔弊不遺餘力猾吏之訛法舞文者輒痛繩

之自兵燹以來文廟衙舍城垣倉庫日就傾圮公捐貲倡修煥然改觀雅好折節文士開館面試分題較藝寒暑罔間文風丕變士蒸蒸然起矣自著有蘭畹居稿歎碧艸及課士偶拈三年政成 藩臬臺使交章薦揚

論曰循良之名昉於漢乃班史傳者僅六人范史傳者僅十有二不綦難哉歟漢時有治理效輒以璽書褒嘉增秩賜金或爵至關內侯當是時

吏治競尚名高可不謂盛欤贛麗郡地當吳楚閩粵之交兵事一熾爭戰攻守動必踰歲民生其時輾轉化倚歷稽往事可悲也任茲民牧即昇平日久堂上鳴琴山間鼓腹而往來衝繁尚難清淨無爲矧當兵燹之餘自非得循良諸君子繪圖請命多方招徠又烏能勝任而起凋耗乎雖歎諾君子爲此固極難耳

親臨名賢附

王守仁字伯安餘姚人弘治己未進士主武選事時
疏救言官戴銑忤逆瑾杖謫貴州龍場驛丞瑾誅
累遷右僉都御史巡撫南贛臺門置二匾榜曰求
通民情願聞已過民間嚴行保甲法選材官力士
教以技藝汰諸縣機兵以其傭直募新民之任戰
者凡智略權譎之士悉羅而寘諸幕下首擊破南
靖賊于象湖山奏設平和縣乃請提督軍務請留

贛縣志 卷九

名賢

十

鹽課兵威益振於是剿橫水搗左溪夷桶岡覆三
泃積年巨寇次第蕩平于南安設縣曰崇義于惠
州設縣曰和平百千豺虎之區一旦化爲治境矣
軍旅之暇與諸生講學又立社學以訓童蒙爲諭
俗文以化頑梗百姓遵用其教宸濠反公適勘閩
事道經豐城聞變急走小舸反贛至吉安知府伍
文定亟入謀起兵討賊密遺諜四出執牌宣言京
省各處大兵旦夕至濠遲回半月乃出南昌而

兵力已具警師樟樹鎮聲罪致伐進兵攻破南
甯二日發兵躡濠後濠在安慶聞之解圍自救
迎戰樵舍用火攻遂擒濠及李士實劉養正等捷
奏獻俘權倖江彬等有異謀功停不叙止拜巡撫
江西之命嘉靖改元詔錄公功封新建伯兼南京
兵部尚書憂歸五年起督兩廣討田州叛目既受
降因用之以平八寨公病乞致仕至南安卒隆慶
初贈侯謚文成予世券公之學以致良知爲宗旨

贛縣志

卷九

名賢

十一

其教盛於江西用兵如神籌畫精密對客笑談萬
衆遙集擒曾俘馘獻凱轅門左右尚不知也寧庶
人變起倉卒公不顧九族身任其事不待請兵請
糧而旬朔之間卒能以萬餘爲合之衆破強敵十
萬之師亦古今之所僅見者越萬曆間詔從祀孔
子廟庭

趙抃字閱道西安人景祐初進士及第累官殿中侍
御史目爲鐵面御史嘉祐六年爲右司諫極論

待出守虔州政尚簡易召諸縣令使自爲治令
舉其職屢至獄空造舟百艘以待宦遊嶺表之以
喪還者至則給舟并道里費俾貧窘得免窮途之
哭改鹽法平灘險民賴其利朝廷聞其治有餘力
召知御史雜事不閱月爲度支副使後拜叅知政
事卒謚清獻

孔宗翰字周翰孔子四十六代孫道輔之子登進士
第嘉祐中權知州事州城歲爲水蓄東北隅尤易

贛縣志

卷九

名賢

十三

墊圯宗翰伐石爲址冶鐵錮之自是水不爲患嘗
以邵八境圖乞蘇軾詩八首刻諸石累官刑部侍
郎寶文閣待制

文天祥字履善廬陵人寶祐四年狀元及第累遷直
學士院忤賈似道致仕咸淳九年起湖南提刑乞
便郡養親十年改知贛州明年爲德祐元年正月
朔詔天下勤王天祥捧詔涕泣使邑人陳繼周號
召郡中豪傑有衆萬餘將入衛其及沮之天祥曰

國家養士三百餘年一日有急徵天下兵無一人
一騎應吾深恨之故不量力而必以身殉庶天下
忠臣義士將有聞風而起者社稷尚有可圖也于
是盡以家資爲軍費八月提兵二萬至臨安除浙
西江東制置使兼知平江明年正月伯顏軍臯亭
山有旨令天祥以資政殿學士入元軍講解爲伯
顏拘留亾入真州爲制置李廷芝所疑乃走通州
渡海至溫州見益王勸進王卽位拜右丞相與陳

宜中等議不合遂以樞密使出劔南趨汀州遣叅
謀趙時賞諮議趙孟深將一軍復寧都叅贊吳浚
將一軍復雩都明年三月復梅州自梅州出會昌
戰雩都大捷開府興國盛兵薄贛城下招諭使鄒
淵率贛諸縣兵直擣永豐吉水黎貴達率吉諸縣
兵復太和臨洪諸郡軍勢大振元遣宣尉使李恒
來援諸將戰稍卻恒遂乘勝追至空坑我兵大潰
天祥得逸去至五坡嶺被執囚燕京四年元主旣

壯其節又惜其才百計屈之終不可得從容就死而歿真不愧衣帶贊云

周敦頤字茂叔道州人歷南安司理叅軍與運使王逵爭論一囚法不當死逵不聽委手拔曰殺人媚人吾不爲也時年少不爲人知興國宰程珣假倅南安獨重其人令二子顥頤師事之判合州趙抃爲監司臨之甚威及判虔州抃爲守熟視所爲乃執其手曰吾幾失君今日乃知周茂叔也後抃與

呂公著交薦于朝擢廣東漕運虞部郎中改提刑卒謚元公

論曰邑志秩官循良例止一邑耳令以上雖賢不得書書斯僭僭斯誣矣顧蒞虔自統轄而下理學名臣代有其人當年教化所被實先附郭地卽朝夕覲光沐浴德澤亦贛人士居多嗟乎一懋一說猶載言勿拜矧遇化存神于今受賜乎故於循良而外特著親臨名賢夫豈僭耶誣耶

駐寓名賢

漢

高帝六年庚子

穎陰侯灌嬰略定江南置豫章郡駐贛地築壘於雩
將兵擊尉陀

晉

陶侃字士行鄱陽人以侍中太尉入粵還駐彌月舟
至別灘風阻坐中流磐石上集飲至今呼爲陶公
石

贛縣志

卷九

名賢

十五

唐

張說洛陽人武后策賢良方正說對第一朝廷大著
作多出其手爲中書令封莢國公先是與宰相不
合謫嶺南畱虔地寓紫極宮撰有碑文

宋璟以廣州都督入相畱虔寓豐樂寺

張九齡字子壽以弟九臯任贛令畱署凡治贛善政
多藉經畫後累遷同中書門下平章事

宋

劉安世字平叔安福人與邑人曾開相交善發明理
道宗旨後登紹興進士令雩邑時開在朝世每過
虔必躬詣曾宅祇衽鹽蔬一束餽問而已

程明道伊川二先生以父作溫公任興邑令命之南
安師事周元公還虔留月餘時年幼與邑人曾公
尹等交游

包孝肅公拯過虔師事邑人陳晦之於崆峒山中

蘇洵字明允眉山人游虔邑人鍾棐與弟槩相交善

贛縣志

卷九

名賢

六

洵不飲酒每爲設醴其後洵子軾輒過虔必造庭
訪棐又與其子志仁志行志遠敦通家之好云

蘇軾字子瞻洵子紹聖元年秋以端平殿侍讀學士
落職謫寧遠軍節度副使惠州安置駐虔月餘與
邑人陽孝本孫志舉遊元符三年復朝奉郎次年
正月到虔四十餘日贈孫勳詩有我從海外歸喜
及崆峒春之句每游寺觀邑人多設佳楮墨盞置
案一楮尾各書姓名拱立以俟公笑視畧無所

縱筆揮洙隨楮付其人至倦則嘆日日暮矣恐小書不能竟人人忻躍謝去後建祠於光孝寺

孔延之新喻人家貧好學夜則燃松照讀日則戴經以鋤服膺周子以女妻邑人曾準嘗至虔率婦同請元公講學

岳飛字鵬舉湯陰人紹興三年以神武右軍都統制平嶺表至虔又命討固石洞寇捷聞帝手書精忠岳飛字製旗以賜初以震驚隆祐太后之故有睿

贛縣志

卷九

名賢

七

旨令屠虔飛請宥脇從允之虔人戴德肖像祀焉

明

常開平名遇春定贛奉詔命保全贛民因立柵浚濠自甲辰八月至次年正月俟守將熊天瑞自出降公誠不殺一人捷聞遣使褒諭後建祠祀焉

朱濂字景濂浦江人洪武四年七月以國子司業上孔子廟堂議謂荀況等七人宜罷祀又謂回參伋坐堂上其父列食兩廡顛倒羹倫上不喜謫知

安遠縣駐贛二月造崆峒山中訪邑人劉宗弼作
崆峒雪樵賦贈之

解縉字大紳吉水人永樂中游贛自入灘以上寺觀
俱有題詠

楊士奇泰和人初名遇弱冠遊贛贛守儒者見而異
之辟攝琴江教事以告即避匿通天巖石有詩句
後改名累官大學士謚文貞

丘濬字瓊山瓊州人屢駐寓鬱孤臺歷遊勝境題咏

贛縣志

卷九

名賢

十八

甚多天啟間贛令丘爾懿即其冢孫

羅洪先字念菴吉水人嘗遊虔講學於鳳凰臺後建
念菴祠於其上

鄒元標字南臯吉水人爲諸生時游贛見郡邑胥役
多奸猾虐民輒目睜髮指語贛人士曰吾得志時
急爲爾贛除若輩俾民得聊生也後成進士觀政
見編修吳中行等疏劾張居正受廷杖憤甚上疏
亦受杖謫戍名震中外時移書虔撫王廷瞻檄

邑緝奸猾胥役八人律處贛民自此安焉

陳際泰字大士臨川人甲戌會魁遊贛寓數月與邑人劉曰佺曰价講學論文邑鄉先生謝鳳渚劉曰梅傳志悉出其手

艾南英字千子東鄉人崇禎乙亥寓贛邑人從游者甚衆所作傳文誌銘載天傭子集中

楊廷麟字伯祥清江人崇禎辛未進士乙酉以內閣學士赴贛殉城

贛縣志

卷九

名賢

九

劉同升字孝則吉水人崇禎丁丑狀元乙酉七月携家赴贛十月以病卒

論曰贛故南北軸也馳使節歷游覽歲無虛日歿千百年間以姓字傳者無幾豈其至止者不盡賢賢者不盡至止耶余嘗採訪舊聞因得駐寓若而人每跡其杖屨所至之處流覽吟咏聲容亮在幾徘徊不忍去及觀武穆請命不屠開平一詔不殺又未嘗不悠歎以思淒歎以悲也

壯其節又惜其才百計屈之終不可得從容就義
而處真不愧衣帶贊云

論曰邑素以官舍以例止一邑耳令以上雖賢不

得書書其作僭斯矣

學名臣不其入當年發化所

即朝夕勤九沐浴德澤亦賴人士居多嗟乎一

憇一說雅載言多拜矧過化存神于今受賜乎

故於一邑循良而外特著親臨名賢夫豈僭耶

賴縣志

名賢

七

誣耶

贛縣志卷之十

選舉志

紅雪飄園丹霞照路榮給彤騶香生玉兔看林
捷攀望槐忙步廷對獨升壁雍羣聚子蔭授封
單恩殊數志選舉第八

進士

唐

咸通四年癸未

贛縣志

卷十

選舉

李邁

字彥超累官金紫光祿大夫兵部尚書檢校司徒

宋

咸平三年

堯咨榜

劉光厚

景德元年甲辰特科

王

奇詳鄉賢

大聖二年甲子宋郊榜

劉

鈞詳鄉賢

慶曆六年丙戌賈黯榜

曾公尹 字景瞻

劉炳 詳鄉賢

皇祐元年己丑馮京榜

劉景 炳弟詳鄉賢

皇祐五年癸巳鄭獬榜

桂珣 字立夫

嘉祐八年癸卯許將榜

劉燾

曾準 攸鎮人詳鄉賢

輟縣志 卷十

選舉

二

治平二年乙巳彭汝礪榜

陳象臣 字廷輔

治平四年丁未許安世榜

阮述

胡玠

元豐二年己未特彥榜

蕭迪

周幹臣

元祐六年辛未馬涓榜

王舜舉

孫振

紹聖元年甲戌畢漸榜

劉

渤

字文甫
知南康

陸立夫

紹聖四年丁丑何昌言榜

劉揆

李本

元符三年庚辰李釜榜

曾

林

攸鎮人
詳鄉賢

周

廉

字尚清

崇寧二年癸未霍端及榜

曾

弼

攸鎮人準子湖
北提舉學事

曾

開

弼弟詳
鄉賢

贛縣志

卷十

選舉

曾

班

攸鎮人
弼從弟

大觀三年己丑賈安宅榜

劉彭年

政和五年乙未何泉榜

劉作孚

王言

政和八年戊戌王嘉榜

蕭

鐸

謝防明詳鄉賢

陳

勳

李 難字難之

馬 亮

建炎三年李易榜

蘇迪民

紹興二年壬子張九成榜

劉 澤

紹興十二年壬戌陳誠之榜

鍾 澤

韻縣志 卷十

選舉

四

紹興二十七年丁丑王十朋榜

謝均玉

延安府同知

乾道五年己丑鄭僑榜

曾 槩 光孫

乾道八年壬辰黃定榜

廖 顏

淳熙七年未詹發榜

李 沙

紹熙元年庚戌余復榜

陳邦榮

慶元二年丙辰鄒應龍榜

曾勳字謀伯

袁岳字叔輝

張合字仲思

嘉定元年戊辰鄭自誠榜

高世賢字邦彥

嘉定四年辛未趙建大榜

贛縣志

卷十一

選舉

五

周原

嘉定十六年癸未蔣重珍榜

馬夢炎

寶慶二年丙戌王會龍榜

嚴宗詳鄉賢

紹定二年己丑黃朴榜

郭鎰字文重

淳祐元年辛巳徐鑑夫榜

韓奕字質夫

淳祐四年甲辰雷夢炎榜

劉德元字壽翁

淳祐十年庚戌方逢辰榜

張廷彥

厲寧

寶祐元年癸丑姚勉榜

劉震霆字聲甫

景定三年壬戌方山京榜

贛縣志

卷十

選舉

六

趙嗣蓮字清甫

咸淳元年乙丑阮登炳榜

陳應星字拱辰

趙若疇字農甫

趙若株字伯春

趙時凌字澹翁

趙元卿

趙崇旃字毓卿

咸淳四年戊辰陳文龍榜

張時得字子原

謝貴卿

咸淳七年辛未張鎮孫榜

趙若固 字元善

咸淳十年甲戌王龍澤榜

池夢鯉 字德華特科狀元

趙若樞 字榮仲

元

劉丞直 科年失考詳鄉賢

明

洪武十八年乙丑丁顯榜

許恒 字用常行人司行人 陸載 字仲車福建道監察御史有聲臺中

贛縣志 卷十

選舉

七

永樂二年甲申曾榮榜

曾恕 字子忠大理寺左寺副

天順元年丁丑黎淳榜

謝芳 字景昌上元籍歷兵部主事陞知府

弘治三年庚戌錢福榜

譚昇 字孔昭管州中克衛籍監察御史

正德三年戊辰呂柟榜

郭仕 字正學歷官泗州按察副使

正德六年辛未楊慎榜

黃鐘

字伯魁隆慶州籍歷官副都御史巡撫山西

嘉靖十一年壬辰林大欽榜

謝少南

字應午芳之孫以侍御督學畿輔以宮直操翰禁死以憲僉督學粵西以憲副督

學秦中所至皆司文墨鬱育特各

嘉靖二十三年甲辰秦鳴雷榜

李逢時

字化甫德州籍累官廣東左布政使

萬曆二年甲戌孫繼臯榜

贛縣志

卷十

選舉

八

謝詔

字彥實歷刑部員外郎累陞四川按察使

疏乞休以湖廣四川左右布政使俱未上詳鄉賢

萬曆十七年己丑焦竑榜

謝廷策

字獻明德州籍浙江道監察御史大塘人

萬曆三十五年丁未黃仕俊榜

劉思誨

字忠甫梅林人選湖廣道監察御史陞大理守正卿祥鄉賢

謝陞

字伊晉廷策子累陞吏部尚書兼太子太學建極殿大學士宰相

論曰漢文制科以來唐讌曲江宋宴瓊林古今咸

美其榮矣士有以他途進者卽功名極盛往往見鄙焉雖歿處爲名士出爲名臣固極難耳余邑在宋其甲第之盛載在簡篇可攷而知也及覽史氏所載其立朝風節又未嘗不心竊嚮往之迨有明謝劉諸君子文章事業炳炳烺烺殆所稱守先待後者豈啻以甲第誇榮耶今之人文蔚起高山在望又何多讓焉

鄉舉

贛縣志

卷十

選舉

九

謹按明洪武三年庚戌設科取士條格行省三年一次開試江西定額四十名辛亥 詔各省連試三年六年癸丑罷科舉令有司察舉賢良至十五年壬戌復初制洪熙元年乙巳定江西額五十名正統五年庚申增舊額十五名景泰四年癸酉增三十名爲九十五名萬曆四十三年乙卯增定一百名天啟元年 特恩加三名

國朝順治丁亥江西開科仍前制庚子六十三名康

熙癸卯加十名後俱五十七名甲子加十名

明洪武十七年甲子

許恒 乙丑進士

陸載 舉于京闈乙丑進士

永樂元年癸未

蔣誠 字思誠南海教諭

朱顯 字惟忠玉田教諭

封吳 字孟舉通山教諭

陳昇 字升之桂陽教諭

梁冰 字允文敷城教諭

曾恕 甲申進士

永樂三年乙酉

贛縣志 卷十

選舉

十

周瑾 字子瑜齊東教諭

劉文靖 字思善

永樂九年辛卯

劉遜 字大頤

永樂十五年丁酉

鄭敏 翁源知縣

劉勗 字應魁攸縣教諭

劉璟

賴敬 字行簡穀城教諭

永樂十八年庚子

余寬 詳鄉賢

余璉 字國器裕州訓導

永樂二十一年癸卯

周翰 字文煥 韶州府同知

徐奇 瓊山教諭

宣德元年丙午

楊瑄 字廷用 石泉知縣

宣德四年己酉

劉勉 字行之 鎮南衛經歷

宣德七年壬子

黃寧 字安國 閩縣教諭

劉觀 舉于順天魏縣訓導

順縣志 卷十

選舉

十二

宣德十九年乙卯

龍淵 舉于順天

正統六年辛酉

劉顯 字光亨

景泰七年丙子

謝芳 丁丑進士

成化七年辛卯

周安 字樂善 舉于鹿天左州印州

成化十年甲午

王欽 字敬之鶴
慶府同知

弘治二年己酉

譚昇 庚戌
進士

弘治十一年戊午

曾仁

正德五年庚午

黃鍾 辛未
進士

贛縣志 卷十

選舉

十二

正德八年癸酉

劉潛 字孔昭劉
陵知縣

嘉靖元年壬午

余光 詳鄉賢

嘉靖七年戊子

謝少南 壬辰
進士

嘉靖十六年丁酉

周蘭 字德馨直隸
宿州知府

嘉靖二十二年癸卯

李逢時 甲辰進士

隆慶元年丁卯

謝 愍 字本勤

隆慶四年庚午

謝 詔 甲戌進士 詳鄉賢

李汝棟 逢時子

萬曆元年癸酉

斯言貫 字昭理 開縣知縣

贛縣志 卷十

選舉

十三

萬曆十六年戊子

郭咸和 字融 字良富 人歷海豐知縣 廣州府通判 致仕 詳鄉賢

萬曆二十二年甲午

謝廷策 己丑進士

萬曆二十五年丁酉

劉思誨 丁未進士 詳鄉賢

萬曆三十一年癸卯

謝 陞 丁未進士

萬曆三十七年己酉

鍾文洛 字開元梅林人
寧海知縣

萬曆四十年壬子

金汝和 字君節

彭森 字懋甫水
口人知縣

天啟元年辛酉

謝祀 任廣西新寧
知州少南孫

天啟四年甲子

劉思騰 字搏南廬江
知縣詳鄉賢

頓縣志 卷十

選舉

天啟七年丁卯

劉日价 字維人
有傳

崇禎三年庚午

劉達 金谿籍解元
丁丑進士

崇禎十五年壬午

劉日佺 字勿仙禮經魁太
理公長子有傳

國朝

康熙二年癸卯

雷殷南寧府經歷鄧寬壽州同知王趨順德府經歷

王森新蔡知縣劉淵福寧知縣潘俊海陽縣丞

謝貴鎮江府推官封永政靈山知縣池玉靈山縣丞

劉滙巢縣知縣賴宜蘆州判官周翬齊東縣丞

董凱沅陵縣丞來鑪韶州府經歷趙添榮馬平知縣

劉洪印江典史鍾傑海南衛知事呂禎睢寧縣丞

王瑞維摩州知州葉茂文昌縣丞梁時欽潮陽縣丞

劉宗全華縣丞趙琳辰溪知縣謝綱同安縣丞

贛縣志 卷十 選舉 七

聶曦同安縣丞馬瑜龍崖訓導陳經松門衛經歷

黃元德恩平訓導李輔寧國訓導郭文瓊州知事

胡顯奉化主簿宣智劇州判官孫俊桂東主簿

謝成南陵縣丞文旭上虞知縣王泰浦城縣丞

龔信安丘訓導龍韜孝豐縣丞劉政吳川知縣

池澄德慶州判官徐彪博羅主簿葛天祐瑄子英德教諭

張鵬莒城訓導丘鳳翔含山訓導宋元寧遠知縣

何通俊潮陽主簿戴詔國子典簿月疋輝子祿州司

劉廷璋 惠州照磨 繆希進 象山縣丞 曾秉瑄 崇安縣丞

趙經 保定訓導 劉仁 池州訓導 姚實 連山訓導

周尚文 山丹衛經歷 劉端莊 涪州判官 桂芳 新津主簿

賴祚 博羅縣丞告致行已無玷先進之風 江達 泰寧縣丞

龔璨 信子 袁泰 龍陽訓導 王槐密 連山知縣

張鏗 選貢 吳倫 選貢寧德主簿 桂士元 芳子選貢歷激江府

通判河曲州知州慶遠府同知 宋金 元子選貢曹州判官恂恂長厚為郡大夫所敦禮

桂薰 昊子從化教諭 汪梅 裕子 劉誥 武緣知縣

新縣志 卷十 選舉 六

尹思 高要日照知縣絕無機心雅有隱德 郭璉

桂士養 左州吏目 雷臯 貴縣知縣 錢基 瀧水訓導

徐鑑 瀧水教諭垂年掛冠儒者高路 范澄 衢州府訓導

張學周 工于文翰獨步一時高致堅不謁選 郭榮

孫孔述 汝州訓詳鄉賢 王教 振朝子尹大壁惠州府通判

彭銑 賢子臨江司訓 王汝德 都昌訓導 余鏞 無錫訓導

楊汝翼 安福訓導 鍾素 南康府教授 陳必瑄 鄖西教諭

楊希賢 嘉魚教諭陞阿迷州學正告致 劉敷 仁化教諭

桂汝登

泰和訓導陞
麻陽知縣

許惟德

寧國府
教授

彭相

汝漢子遠貢未仕卒
著有臥雲樓詩稿

盧觀象

選貢初授
河間府

判陞屯田

道詳鄉賢

謝弘遠

曲江教諭

劉子秀

羅源教諭

謝昌

臨州府訓導

巫順治

大庾教諭

彭汝淮

新昌訓導

蕭韶

建昌訓導

周鴻渚

南昌府教授

朱大治

陝西教諭

喻守倫

大庾訓導

曾彥

南安府訓導

郭堯臣

吉水訓導

曾紹堯

曾紹緒

董禋

崇義訓導

陳元勳

鍾元亨

陳夢魁

同安教諭

贛縣志 卷十

選舉

十九

劉可大

孫閻宗澤子李基成

國朝

周韶

鍾昌期

任東鄉訓導
陞廣昌教諭

縣學貢

明洪武十七年甲子起

潘良

大理評事

黃理

工部屯田主事

員恭

龍驤衛經歷

謝禮

梧州府通判

舒懋

東昌衛經歷

楊敷

定州同知

朱琰

商水知縣

王仕謙

儀真知縣

王昇

海豐縣丞

王維大府通判雷殷蠡縣知縣潘忠貴池縣

繆敏平南知縣孫榮慕江知縣朱鑑遼府紀善

賴永正敬子歷知陵水臨高歸化汁志稱其平易宜民清華歲糧貼解例獎民甚德之

馬騰四會主簿謝昇堂邑主簿王紹新興縣丞

張英孝感縣丞孫顯橫州吏目郭瑩汀州訓導

余鏞處州訓導朱秉寧波衛經歷黃晰來賓教諭

皮恕泰州吏目朱淮肇慶府知事鍾英松陽訓導

周世俊富陽縣丞謝璣楊特泰武岡州判官

穎縣志 卷十 選舉 二十

黃通夔子恩平訓導黃文欽張澤當陽知縣

郭廷弼微江經歷郭輅雷瑞宇子光化知縣

謝天眷大寧衛經歷鍾振四川藩司理問郭維翰

劉鳳潛江訓導袁鳳廉州府推官羅鑑永康知縣

郭桂南陵衛經歷黃鏊徐州判官月應辰正子融縣知縣

王振朝江浦教諭袁崧侯官教諭彭希賢詳鄉賢

郭瞳遙授訓導劉斐龍陽教諭何淳東流教諭

郭宋南平訓導郭鶴謝弘恭恩貢高明知縣

王振漢 授 嵯縣教 郭 模 清流訓 陳 用 恩貢

王良相 授 龍泉教 袁學詩 崧子懷 郭 墳 選貢 永寧 知縣 陞 廉

州府通 判告致 郭以隆 墳弟 選貢 平陽知縣

彭汝為 賢孫雲 郭 光 全州學 雷 度

彭汝漢 銳子 福 賴 昌 佐孫九 何一貫 淳子永 寧教諭

曾守約 選貢 博 彭汝訓 賢孫 欽 謝汝彥

郭日誠 謝鵬南 少南弟 月世光 選貢 萬 州判官

尹登甲 南康府 教授 黃 楨 恩貢 南 李 柯 長興丞 陞 經歷

穎縣志 卷十 選舉 主

劉允中 瀘溪教 郭咸治 崇義訓 陳嘉績 用子宜 黃訓導

羅一蘭 鑑孫 雷子龍 南昌府 謝 愛 上猶訓 導

張問行 南安教 授 彭 樞 汝漢子 鍾應斗 恩貢

雷見田 訓導 謝 瓚 由南康教 授 陞 廣西馬平知縣

曾應鳳 彭師古 孫宗澤 山陽縣丞 孔述子

蔡可占 彭文咸 恩選 考 袁宗仁 推官

黃應奎 賴大耀 南康府 訓導 鍾家鳳 博羅教諭 南雄教

劉一夔 劉以遜 郭 賚 嵯縣知

郭璋 劉以進 孫經世

楊萬言 王純 謝百朋

莊尚庠 郭惠崑山知縣 郭維烈寧國知縣

國朝

劉起鸞 潘雲鵬 丘胤祥

劉之鳳 舒以綸萬年訓導 丁大儒

贛縣志 卷十 選舉 三

楊廷元 劉以述 裘明達

聶士煌 屠世宏 鍾振鳳崇安訓導

劉良驥 羅六畫 劉于將

劉漢儒 周家鼎 羅懋芋

姚大順靖安訓導 劉良述康熙辛酉副榜准貢

董正章 郭方齋寶慶教授 方可任

論曰隋唐至宋惟明經進士兩科特重自王荆公以制藝取科第而明經廢迨有明定制歲選士

之由斯以成名者其生平閱歷固難以一二語
爲流俗人道也雖歛邑明經李旭歷仕四朝初
以慎勤稱旨特簡豸繡累陞任方伯十年乃老
選乎猶是雙江耳安在積學名宿不可以備顧
問膺寵錫乎

辟薦

按唐取士有八十餘科寶應二年勅州縣每歲察
舉孝廉貞元四年制在外諸道及京官每年一度

韻縣志

卷十

選舉

三

舉薦宋設進士諸科外有博學宏詞八行童子學
官舍選書算等科舉薦遺逸特其一耳明洪武六
年詔罷科舉今有司專用辟薦其目有經明行修
有懷才抱德有賢良方正有人才有孝廉至十七
年止仍行科舉法永樂宣德正統天順成化中間
一行之

宋

陽孝本詳鄉賢會 集詳鄉賢陳 鳳詳鄉賢

曾魯山詳鄉賢黃 莊詳鄉賢周 勵黃岡知縣

蕭從善歷崑山主簿吳川知縣青州知府 何 佐公安主簿

雷 元福建臬司照磨 周 茂肇慶知府 曾以仁金湯知縣

王善學高安縣丞 史孟瑞晉江主簿 鄒仲銘江陵主簿

劉邦寧何間府通判 柴 臯桂楊知州 賴文諒楊州知府

黃伯庸熒澤知縣 陳以政宣城縣丞

論曰辟薦之典莫盛於明初蓋以詔罷科目而專

督有司察舉當是時士以實求下以實應猶未

盡善乃行之十年停止復行科舉矧後此間一

行之者其果相需以實乎雖歿玉虹翠浪間流

風猶未邈也過曾氏之舊廬穆然而望環山之

松猶有存焉者乎是為不負盛典也不歿終南

且貽譏焉況下此者乎

國學

明

郭偉

廣寧衛經歷陞海康知縣所在以清謹稱卒任

賴

環

建寧縣丞

雷崙

楚雄府經歷

曾

耀

高要縣丞

曾

輝

長蘆鹽運判官

郭紳

曾紹魯

謝

訪詔弟

曾紹先

郭應

莊以蒞

鍾如登

光祿寺署丞

劉以遜

鍾甲登

國朝

順縣志 卷十

選舉

七

姚士奇

由生員授州同

季名驤

由生員授州同

姚良瑜

考授州同

鍾文家

由生員

張樹德

國子監典簿

張弘祚

考授通判

屠嘉祚

由生員

鍾

榮

由生員

劉人瓏

論曰古者天子學曰辟雍言壅水環繞如壁也唐

太宗增築學舍自屯營飛騎亦置博士使授以

經不綦盛哉迄今千餘歲矣一時觀光上國持

子開科較諸當年升講筵者八千餘人抑又盛

焉然在他郡邑往往膺簡命顯名當時吾邑
濟多士猶貞不字焉使出而有為豈不亦偉哉

施封

明

李仕能

以子旭贈福建道監察御史

黃廷玉

以子理贈工部主事

孫元盛

以子鼎贈工部主事

員憲樞

以子恭贈龍驤衛經歷

鄧用楫

以子寬贈龍驤衛經歷

余鏞

教諭以子光贈涪州知州

謝時濂

以子詔封穎州知州覃恩封刑部員外郎

頤縣志

卷十

選舉

二十六

郭宿暉

以子填贈永定知縣

郭喬松

以子咸和贈海豐知縣

余繼紳

以子揚贈兵馬副指揮

盧標

以子觀象贈河間府通判

劉籥

以子思誨贈臨淮知縣覃恩贈監察御史

謝蒼

以子天脊封大寧衛經歷

曾業儒

以子冕贈潘陽左衛經歷

論曰周制圭田祿及其先覃恩始基之矣顧朝廷

弘錫類臣子殫孝思俾重慶堂上累代伏階前

躬膺恩榮至矣哉未易遺也下此煌煌錫命光

生幽壤朕仁孝之心亦已倍增痛裂矧篤年

屹不得邀一命之榮上報罔極其痛裂又嘗
似耶嗚呼椎牛以祭不如菽水為歡數百年間
吾邑以高年累受封者僅謝公一人耳今之為
子者言念及此得毋鍵戶發憤蚤沾祿養俾生
我鞠我身受上賜稍竭孝思於萬一乎

胄廕

斯泰穎衛襲爵累功邦爵泰子死事言直爵子

唐直徑陞萬安守備文韜唐子

頓縣志 卷十 選舉 三

孫裕襲父連爵泰裕子韜泰姪蘭韜子武舉

錢國禎衛廕効用錢國祥衛廕死事

姚璽衛廕指揮鑿璽子諱任千戶鎬鑿弟一葵鎬子

天寧一葵子應章天寧子以年老辭廕季文光衛廕千總各世光男

論曰禹謨賞延于世周書世篤忠貞是春秋世卿

有自來矣漢唐以來科目特盛而世襲不及卿

大夫自此有功德者予廕各有差而已頓惟衛

多世胄其能以科第起家厥有成績紀于太

子孫訓其成式惟久厥功懋哉

祿史附

戚汝棟

任福清
縣知縣

戚萬鵬

松江經歷

戚可大

兵部
贊化

俱下釜人

蕭西臺

潮州
錫州人
經歷

丁子憲

江都縣縣丞順治年
選徽州府繁縣糧捕廳
衛改

贛縣志卷之十一

人物志

仰止崆峒鬱葱其秀梓楠在山麟鳳在囿室邇
人選典型垂後名節流芳金石銘壽遲任有言
人惟求舊志人物第九

理學

曾準字子中幼穎異篤志嗜學經史百家悉手抄口
誦嘗自書堂間曰讀盡天下書嘉祐六年周元公

贛縣志

卷十一

人物

以國子博士判虔州公拜晤輒相契洽坐談移日
曰準不遇公幾以誦讀自悞矣由是潛心理道此
而周公往復辨晰恍然有得乃語同邑鄉薦胡玠
陳袞臣等敦請元公月朔講學於郡明倫堂自此
郡人士悉重理學又明季癸卯公成進士判武公
簿攝理獄事抗法不撓知公安火燔民居叩天反
風判臨江明慎刑獄蜀屏生芝草或勸以獻曰此
偶然耳歷慶軍節度推官知藍田所至俱有治蹟

歸田十餘年諭諸子曰當效馬歐陽富韓文范
君子同朝吾恨不克共事兒輩當守周子之學出
而致君澤民則成聖賢事業毋因循襲取功名爲
也後子弼林開幾任班俱登進士爲名臣四子悉
夫人孔氏生夫人係新喻司封郎中孔延之女也
陳袞臣字廷輔資性甚魯力學攻苦終朝強記不數
行而又善忘因兀坐一小菴晝夜靜息澄心明理
几席不設隻字久之若有所得聞曾子中此而周

贛縣志

卷十一

人物

二

元公遂出山過曾所畱與語曾公懼然曰非復向
日陳子矣遂與俱入城拜謁周公執弟子禮周公
曰吾於虔得曾陳二子猶於浦得與程氏兄弟游
也由是發明宗旨參究太極圖說且經史百家俱
一目數行下登治平二年進士

劉潛字孔昭城西坊人少嗜學行端方兀坐讀經史
必正衣冠肅容翻閱嘗曰出門尙且如見大賓豈
對古聖賢帝王師相可蓬首裸體以褻之乎正志

癸酉舉於鄉令銅陵民有訟者小則勸釋服斷大則哀矜泣詳朔望講約親爲解說或臨鄉講約一益一與裹蔬米以隨鄉必立塾擇子弟之秀者聚而教之時講學於明倫堂辨晰精一危微之旨叅究太極兩儀之理由是士知理學民知禮讓數月日無一訟者里民不聞追呼之聲胥役且貧不自給多求去公語之曰汝輩例有工食計每人所入勝傭工多矣尙何忍峻民膏血乎令經制在官者

勿去餘悉歸農三季未嘗用一刑例有羨耗悉除去歲以俸薪自給嘗曰余得爲民牧例給俸祿亦出自民間脂膏又復妄取分文民不堪命矣上憲察其賢交章薦公力辭乞致聞王文成公講學於虔亟就道陵人士環泣遮畱村居婦子悉攜挈泣送及歸里會文成公誓師鹿江公趨行間聞致良知之說而學益精文成公曰劉君所學實措諸行事猶程子令晉城也惜未遇呂公不得大展所學

耳家居十餘季郡學者多宗之

黃弘綱字正之先係贛縣下橫人遷雩都志超凡近
學探本原雖在燕居如對君師正德丁丑陽明先
生講學於虔時公已舉丙子鄉試拜謁先生甫三
日而悟心理合一之旨凡所開導靡不心解一時
同門者盡江右名士咸推讓以爲不可及王公卒
倣築塲義經紀其家居守三季以禮自衛越中學
者皆以爲可宗嘉靖甲辰授汀州司李明罰勅法

贛縣志 卷十一

人物

四

一無所徇尋入爲刑部主事以直道忤冢宰致政
歸每歲放舟青原與同志尋繹舊學有所請質者
瞠視注聽俟衆論旣畢徐擇一二言正之不競談
以炫所知意態含蓄未易涯涘年七十卒配祀陽
明祠

謹按贛邑自周濂溪先生判虔以來紳士悉知理
學正宗當時及門者惟贛邑獨盛因邑無專志
故多缺畧無傳茲攷武城族譜而知子中公不

徒以行業著稱次稽陳氏遷贛世系得悉廷輔
公實蹟又次攷秋浦舊志得劉孔昭公治蹟至
於黃正之先生其先贛縣下橫人至今仍籍六
十八都四甲黃公敬戶僑寓雩邑他如劉脯胡
介蕭廸諸先輩皆從元公講學其實蹟無從攷
寧闕焉弗載恐傳疑也

論曰文宋瑞爲童子時見學宮所祠鄉先生歐陽
修胡銓像欣然慕之曰沒不俎豆其間非夫也

嗚呼從祀兩廡班列先儒豈異人任哉乃或數
郡而不得一焉或數世而不得一焉理學不講
無功於至聖故也後世讀書耑取科第其最上
者建功業廣著述足矣抑知通乎性命而後可
言經濟根乎道德而後可言文章若曾陳諸君
子其庶幾乎不然蕭曹房杜之立功王楊盧駱
之立言且不獲俎豆其間贛邑雖僻壤乎濂溪
宛在文成未邈同邑學者其亦知所嚮往也夫

行業

鍾紹京字可大生於贛邑清德鄉今隸興國魏大傅
繇十五世孫京兒時得瓜果先奉二親讀書東龕
工書法號小鍾初爲司農錄事尙書裴行儉薦直
鳳閣武后時明堂九鼎銘及諸宮殿門榜皆其所
署也景龍中爲宮苑總監會韋庶人之難臨淄王
隆基陰與紹京洎故朝邑尉劉幽求等謀討之期
約已定臨淄乘日晡微服與幽求等入苑會紹京

贛縣志

卷十一

人物

六

解舍逮夜天星散落如雪幽求曰天意若此時不
可失乃分遣萬騎果毅葛福順李仙以兵攻玄武
門斬左羽林將軍韋播中郎將高嵩以狗營中臨
淄遂與幽求等出苑南門紹京帥戶奴丁夫二百
餘人以從於是臨淄揮兵入大明宮斬韋后并誅
其黨夜拜紹京中書侍郎叅知機務明日進中書
令越國公寶封五百戶後睿宗用薛稷謀改戶部
尙書出爲彭州刺史玄宗卽位復拜戶部尙書改

太子詹事或告紹京等怨望下紫薇省按問紫薇
令姚崇言紹京等皆功臣乍就閒職微有沮喪下
獄非宜乃貶果州刺史又貶懷恩尉再遷温州別
駕十五年入朝帝見之惻然即日授太子右諭德
久之遷少詹事年踰八十卒建中中追贈太子太
傅三子嘉璧晉州長史嘉瑋太子典膳郎山陰縣
公嘉瑋左領軍衛長史

李邁字彥超登咸通癸未進士性正直會以宦官爲

頓縣志 卷十一

人物

七

館驛使臺諫諍之不從卽抱憤就道南旋同年劉
承先語曰君負才畧宜從容得位以圖肅清何嫉
邪之亟耶承先故劉瞻從侄俱爲郎官後從安南
節度高駢討平李涿餘黨賜金紫晉秩光祿大夫
乾符中詔從招討使曾元楷追斬王仙芝拜兵部
尙書隨乞致歸宋進士渾潛皆六世孫累代科第
曾懋字叔夏準次子少穎悟落筆驚流輩登宋元符
三年進士紹興中知福州拒僞楚命表高宗勸進

扈從隆祐孟太后至虔軍民囂亂賴以撫定累官
吏部尙書著有內外制東宮日記子廸造造于乾
道間知湖州廸子集紹熙間知南康軍終廣西憲
曾開字天游準叔子登宋崇寧二年進士歷國子司
業起居舍人權中書舍人掖垣草制多所論議忤
時相意左遷監大寧監鹽井建炎中自宮祠召爲
中書舍人累遷禮部侍郎兼直學士院時秦檜主
和議開當草國書檜怒以溫言曰主上虛執政以

待開曰儒者所爭在義苟爲非義高爵厚祿弗顧
也願聞所以事敵之禮檜曰若高麗之于本朝耳
開曰主上以聖德登大位臣民之所推戴列聖之
所聽聞柰何自卑辱至此又引古諛折之檜怒曰
侍郎知故事檜獨不知耶他日至政事堂問計安
出檜曰聖意已定公自取大名而去如檜第欲濟
國事耳時詔侍從臺諫集議開上疏謂當修德立
政嚴于爲備檜曰此事大係安危開曰今日不當

說安危只當論存亡會胡銓上封事詆檜備開山
是以左中大夫寶文閣待制出知歙州尋提舉毫
州明道宮罷閒十餘年卒年七十一檜歿始復原
官還致仕遺表恩數開嘗師游酢友劉安世故臨
大節而不可奪如此師友淵源殆有自云開子連
亦有時名

曾幾字吉甫準季子以兄彌爲湖北提舉學事渡江
溺歿恤恩廢將仕郎大觀初銓試五百人爲魁用

贛縣志

卷十一

人物

九

故事賜進士出身擢國子學正時禁元祐學術而
以剽綴熟爛爲文幾思一洗之一日出內舍生陳
元有經義與時作不類者誦于公卿之前諸公皆
聳聽稱善元有因得錄用文體遂爲少變歷校書
郎林靈素作神霄籙朝貴群造其廬獨幾與李剛
傳崧卿稱疾不往久之爲應天少尹浙西提刑又
爲廣東漕先是張邦昌旣歿有旨月賜其家錢十
萬于所在州劄支幾爲廣漕取其券繳奏曰邦昌

在法當族得貸幸矣乃加橫恩如此不知朝廷何
以待伏節死事之家有詔自今勿予兄開與秦檜
爭和議去位幾亦同罷逾月除廣西轉運副使徙
京南路請閒得崇道觀僑寓上饒與侍講呂本中
居茶山寺七年不問世故自號茶山居士蓋將終
焉檜死起提點浙江刑獄去大猷吏張鎬一路稱
快明年知台州尋授秘書少監幾蚤爲館職去三
十八年而復至鬚鬢皓白每會同舍郎多談前輩

贛縣志

卷十一

人物

言行臺閣典章薦紳推重焉修寶訓書成權簽禮
部侍郎兄楸開皆居是職入以爲榮後至敷文閣
待制孝宗受禪屢請老乃遷通奉大夫致仕擢子
逮爲浙江提刑以便養乾道二年卒年八十三諡
文清陸務觀銘其墓上饒構兩賢祠祀之幾事親
孝母歿蔬食十五年三仕嶺表家無南物晨興誦
論語一篇終身未嘗廢早從舅氏臨江三孔及劉
安世胡安國游爲文純正雅健詩尤工所著有經

說二十卷文集五十卷子二逢字原伯仕至司農
卿逮字仲躬戶部侍郎終敷文閣待制而逢以文
學稱逮有習庵集十二卷逢子槃登進士槃爲工
部逮子臬爲總卿幾自贛徙河南府遂占籍而懋
開子孫仍居贛故河南府志載于僑寓

劉丞直字宗弼幼穎悟博通群集吐詞成詩弱冠始
治經學瞻而文雄登元至正進士歷韶州別駕潮
州同知被薦召對 高皇帝奇其才識乙巳秋

贛縣志

卷十一

人物

十一

詔卽元集慶路學爲國子學其博士助教正錄等
官選有德望邃經術者克之維時博士則上親擢
金華許存仁及丞直比丁未國子學陞四品設祭
酒司業等員卽拜存仁爲祭酒丞直爲司業丞直
爲人剛正而折人過立規條以束諸生切切誘掖
獎勵以是一時學者敬業樂群多躋顯仕先是丞
直與豐城劉秩臨川熊鼎進賢朱夢炎皆以文學
知名當世氣誼相許會朝廷方修典禮四人與焉

時承元亂用法嚴重丞直按浙三年以疾乞歸
在空同山陽自稱空同雪樵學士宋濂爲賦亟稱
之初丞直于君山遇異人授以丹經不之信及隱
居多疾乃用其方術竟以壽終有雪樵詩集傳于
世及皇明近體詩鈔皇明鼓吹續編明音類選文
翰類選宋遺民錄載其詩文

李旭字彥昇少負奇氣倜儻有才畧永樂二年貢入
大學時 上欲清查賦役黃冊命都察院考選國

穎縣志

卷十一

人物

十一

子生三百人首推旭有幹才令總其事以慎勤稱
肯五年除權監察御史出按福建舉廉黜貪一路清
肅踰年扈從 巡狩北京糾彈不避權要執憲大
臣遇疑獄屬讞數有平反初貴州新設省一切創
始事宜特遣勘覈已又遣督造臨清百萬倉厥具
有成蹟還報 上嘉其能十八年陞湖廣按察使
尋調山東得代還京隨 駕北征二十二年陞湖
廣左布政使在任十年惠政旁洽宣德初有採

之役佐少宰黃公宗載調停轉運民力稍紓九年
楚大饑設法賑濟全活者甚衆正統元年請老以
壽終旭歷仕四朝宦游三十年廉仁如一日清節
厚德鄉人迄今稱焉

謝詔號鳳渚居城內成萬曆甲戌進士筮仕潁川五
年擢刑部員外陞陝西清吏司郎中四川備兵員
缺簡公才能赴任會楊應龍謀叛僭號據播州上
命大將劉綎督師進剿勅公監軍籌畫機宜擒叛

潁縣志 卷十一

人物

十三

子楊朝棟逆黨十餘員應龍闔室焚死隨平蠻羗
皆樹奇績功狀上聞特獎詔賜緋魚二品服陞四
川按察廉使尋陞雲南布政自疏歸養先是公飭
兵川蜀治反獄告逆變理松潘戢沙卜朝廷倚重
久之及播平拓遵義平越二郡以隸黔蜀內部再
列狀奏議推開府不就凡六起用公皆不赴居林
下三十五年片刺不達當事凡地方利弊興革多
所就問重修郡志體裁嚴謹文詞博洽真一代良

史著有玉房集卒年八十餘謚桓愨勅祠專祀併
賜御爐銘曰征播有功頴蜀俱祀名宦兵部尙書
張鶴鳴署其門曰展土開疆三蜀銅標高日月報
功崇德兩鬢俎豆永春秋太學士倪元潞太史李
維禎臨川陳際泰皆有傳志碑銘子胤申曾孫開
雲侄孫坤祚玄孫天眷皆庠生能世其家

劉思誨號鵠梅林人少孤家貧力學爲舉子業輒
有聲膠序中萬曆丁酉鄉試明年下第歸讀書山

嶺縣志

卷十一

人物

十四

寺風雨一編泊如也尋登萬曆丁未進士授臨淮
知縣臨淮故水鄉柳溝勢洿下水常溢壞田廬公
爲築南岡柳堤防之且詳請折半徵卽以所墾荒
補正額民又困於增設陵監紙劄護漕諸費公爲
通融法取公費給之著爲例且濠梁紅心二驛專
責臨淮公覈徵商羨以足馬值糶倉儲滋息以餽
驛卒任六載紀治行天下第一擢湖廣監察御史
天啓元年因遼差未果赴公請歸尋補山東道御

史遷大理寺左丞公在臺中多所匡直議論與楊
漣鄒元標葉向高三公相合時權璫魏忠賢竊政
公疏謂中旨頻宣非所以安元輔請以票擬屬閣
臣元標以廷杖幾死筋骨拘攣不宜責以拜跪疏
上人人危公會楊漣奏忠賢二十四罪奉旨切責
公不避瑞鋒過相勞慰忠賢謂公與鄒公同里而
與楊公交權竟以前疏故用閣事中公調外任公
在御史時有固守正法等疏惜不能用兩督文武

贛縣志

卷十一

人物

十五

試皆提調有法公自罷官歸閉戶守正崇禎初林
下忠節多奉召還公隱約自甘無寸函達京師子
八人佺价中式儉儉伶仃徐佺俱以文學世其家
詳見艾南英傳大學士倪元璐志中

論曰伊周而下行業難言矣李卓吾標其目繫以
儒臣意深哉贛邑後先諸君子功在社稷德被
蒼生不可謂偉歟及觀平播開疆何異定謀討
逆曾氏昆季或上表勸進或廷議折奸或取

繳奏其正氣凜凜勲名赫赫殆與抗疏權璫者
今昔一轍嗚呼自非醇儒讀書養氣烏能以侃
侃聲施後世乎

品誼

劉鈞字子平登宋天聖二年進士調洪州司理讞獄
詳平刑無冤滯性恬素不急榮進郡守介靖每爲
下榻敬禮之

劉炳字韶仲父揆力學積書以教二子炳登慶曆六
年進士弟景繼登皇祐元年進士俱爲郎唐介以
彈外戚及宰執貶英州朝士以餞贈爲諱炳兄禹
與梅堯臣李師中賦詩以贈因得罪免官人尚其
義景子鈞材爲廣東提點刑獄亦以廉稱

贛縣志

卷十一

人物

十七

曾逮幾仲子先爲土饒尉手植桂于廳事解任後人
懷其德標曰西清桂又有松風亭橫碧軒皆其遺
跡也儒紳多有題詠蓋其棠之遺愛云後歷官戶
部侍郎敷文閣待制

曾集字致虛榘孫宋紹熙間知南康軍勤理庶務篤
信仁賢慕高安劉渙之爲人修其墓割公田以奉
祀朱元晦稱其爲政知所先後云

曾松字堅伯幾從孫仕至江西帥叅嘉定中寓居建陽縣東北有山曰竹原爲劉勉之舊隱處朱熹問道之所也松慨想陳迹有志尚友作樂斯庵于其旁居之精修深詣脫去凡俗友人黃幹爲之記

嚴宗字伯宗登宋寶慶丙戌進士紹定間爲上高主簿士人多從之游秩滿受代漕臺以試官闕留之校文寓蕭寺有富家子以五十萬鬻舉者因寺僧以請宗召其人面叱之曰三歲大比公卿大夫繇

贛縣志

卷十一

人物

十八

此途出汝輩不潛心力學乃欲以賄得之手縛汝詣吏恐人爲我沽名沽己之其人漸沮退即日白漕司乞迴避人咸服其公廉

陳鳳別號芥軒官朝奉郎監行在豐儲倉爲人剛直有守與趙東野齊名于玉虹翠浪間平生游吳履齋包宏齋嚴華谷諸公之門甚爲諸公所器重未及大用蚤世其子逢春亦能繼父之志文文山嘗作肖軒說稱之

劉明德字作霖幼有氣尚不肯庸人後爲舉子業
專攻春秋傳註數十萬言歷歷可成誦元至正庚
寅赴省試慷慨言時務見者吐舌然卒以此落第
明德感憤歸益閉戶讀書不衰工諸體詩精敏數
出新語又善書飄逸有風韻由是有聞縉紳間廣
東宣慰使與都刺薦爲雷州路儒學教授規條戒
訓率先諸生善于其職超授慶元路總管府經歷
上下信服未幾東境盜起勢搖郡邑遂解印歸灌
園爲終老計至正乙未卒年僅三十九士林惜之
子禮以才俊除龍江宣課司副

曾魯山勝國時舉孝廉嘗官于潮自親終絕意仕進
高皇遣將畧定南服當事者以曾桐鄉在焉過贛
強起之魯山以野服見不克辭卽日就道南中聞
其至率先歸欵以功擢潮州大守生平文章政事
皆越流輩親終廬墓有雉常馴墓間環山松蠹盡
獨曾所樹不蠹人以爲孝感其守潮也人謂郭伋

再入並州而竹馬數百懽迎道路黃霸再爲潁川
而嘉禾生于府鳳凰集于境也益深喜慶之詞云
黃莊字伯敬篤學操行言動不苟洪武初以明經舉
爲本縣訓導十三年進國子學正次年陞助教又
陞博士十五年新建國學于鷄鳴山之陽旣落成
改國子學爲國子監車駕臨幸謁先師孔子行釋
菜禮 御講筵祭酒司業博士助教以次進講賜
坐講畢 宣諭 賜各官羅衣各二襲二十年命
莊署監事

潁縣志

卷十一

人物

二十

余寬字仲仁永樂庚子鄉薦第六初授浙江金華知
縣景泰初以才名復除福建沙縣時因鄧茂七之
亂邑遭屠燼百里盡爲榛莽寬至無屋可居風餐
露宿日焦勞于荆棘曠曠中撫卹瘡痍招集流徙
重建公署收斂枯骸鎮守刑部侍郎薛公希璉一
切倚賴之寬亦殫思竭力爲之經營已而民瘼漸
舒流亡漸集父子妻孥始得保聚鄉土而寬以勞

瘁卒于官所謂以死勤事者百姓悲號如喪考妣
建祠沙邑名宦志

呂禎字廷福自幼博學攻文詞雅負時名屢躋場屋
成化間由鄉貢受睢寧丞之任甫五月以不能熾
趨俛仰拂衣歸卜築于龍潭山之麓葺屋數椽日
吟哦其間嘗言曰予無所用于世援陶靖節去彭
澤例歌歸去來而返初服躬耕之暇他無願慕不
過眺水尋山傍花隨柳點景詩壇藏閨酒社而已

贛縣志

卷十一

人物

二十一

郡大夫重其人每歲鄉射之燕必禮爲大賓所著
有龍溪清嘯百感詩餘耕餘錄諸稿存于家

龍韜字用光貢丞孝豐居官清謹秩未滿力請歸田
貧乏不能自存安恬守分絕無外營都御史王公
守仁嘉其行誼獎以禮幣仍檄有司時加存問量
資薪米以崇廉讓

余光字緝之幼孤攻苦讀書登嘉靖壬午鄉薦十年
不第授四川涪州知州居官以廉明著聲豪右陵

轅細民者必繩以法又有不畏疆禦聲採木之役
悉經調停事集而民無重累最聞以憂歸父老
亭識思焉起復補廣安州仍蜀屬也舟過涪涪人
率婦子逆于河滸爭饋食頓顙稱祝迺去其治廣
安如涪廣安人戴之亦如涪未幾陞廣西南寧府
同知益自刻勵土官承襲分例盡卻之會討安南
毛大司馬嘗召入幕府計事多採用己而安南降
奪國號貶爲都統司功狀上以與有勞擢南京刑

贛縣志

卷十一

人物

二十二

部員外郎徃貳郡時對長吏每指天曰誓清白長
走頗厭聞之至是入計遂以縱家僕注考坐閑住
歸田二十餘年以壽終居常不善治生家無厚產
負郭多磽瘠以故子孫貧薄云

彭希賢字宗孟天性孝友素履端慤爲諸生時表表
鄉閭間訓迪子姓動有繩度敦行朱文公家禮緇
衣黃冠之流絕跡于門南贛督撫汪公尙寧廉其
行誼檄有司書旌德之扁優異之憲使游公震得

集士子談學于鬱孤臺每稱爲老友去贛留詩爲
別已而歲貢授湖廣安陸訓導晚節益勵謝絕饋
贄諄諄以躬行爲教值歲稔貧生有不能舉火者
不恡分俸周之卒于官士人感德泣送百餘里
孫孔述字思明自少講心性之學尺步繩趨言動不
苟後生遇諸塗必歛容肅揖拱道旁唯諾惟謹有
過常面斥之無所諱督撫周潭汪公以文行表其
宅先後大中丞若秋崖朱公十山談公堯山吳公
贛縣志 卷十一 人物 二十三

兵憲歐山黃公皆敦請爲子弟師性方嚴弟子服
其教而諸公尤加敬禮旣貢爲汝州訓導念母老
不便迎養棄官歸子舍曲爲承順母歿哀痛不勝
卽皓首猶爲孺子泣云
郭咸和號融宇少敏穎讀書囊括古人當時文名稱
四咸蓋謂公昆季咸雍咸熙咸治咸和也登萬曆
戊子鄉薦筮仕海豐政尙寬簡海豐多盜公捕得
數人委曲教諭宥以不死賊號泣感激盡勸其餘

黨皆革心易行遜公於道拜泣曰吾儕慈父也內
有葉氏子名逢春者卅角能讀書公拔之冠童子
軍爲擇塾師以教導之推誠撫恤化盜爲良人方
之爲龔渤海云後遷判廣州遂解組歸田二十餘
年足跡不履城市邑紳士奉爲師表公歿逢春以
鄉薦歷陞贛郡司馬拜瞻遺像潸然淚下至今海
豐人猶專祠焉

劉思騰字搏南少廷尉劉思誨家弟也家貧力學廷

贛縣志

卷十一

人物

二十四

尉日爲千里駒登天啓甲子鄉薦公車六上時崇
禎末四方多事公愀然曰吾猶鬱鬱鄉井間生平
讀書胡爲乎乃就銓曹授廬江令是時闖賊猖獗
自關中數省城池多淪陷大江以北鳳陽亳壽相
逼近而英霍尤爲闖逆出沒之鄉廬江如臂指連
屬無高山大川可據以爲險識者皆謂公蹈不測
公無難色叱馭受事廬江人曰良翰來也公冠帶
不踰月悉戎服晝夜登陴率衆防禦撫臺史基與

公手書曰遙望廬江真良牧也又值歲飢公移庫
六百兩命義官至贛糴米以濟廬民藉以活巡按
張公薦於朝謂公雅度長才措置悉中機宜寇屢
犯城屹然猶見禦備之嚴當是時廬屬八邑殘破
其七賊視廬江一隅直几上肉耳公以斗大孤城
捍禦二載而援師不至歸田二十餘載年八十卒
子曰位曰仲皆文學有聲孫良述康熙辛酉副榜
論曰先儒有言士無論顯晦秩無論崇卑要貴於

立品品之不立即功蓋天壞位冠察察抱慙滋
甚况下此者乎以余所列諸君子或宰民社或
任司鐸大約潔清自好雖不能大有所爲其出
足以庇民造士處足以訓方型俗嗚呼邈矣

隱逸

朱鎮字世安行履高潔風韻適上晉太康中郡辟爲主簿不就棲遲環堵灌園種竹以終其身了無愠色

陳炳字晦之有志賢聖不求聞達結廬崆峒山中躬耕樂道勤于著述有文權十卷白雲編二十卷包孝肅公拯知端州時過虔師事之既歿銘其墓曰文高表正學希入聖靜退不競深中篤行

贛縣志

卷十一

人物

二十六

鍾棐字子翼博學篤行秀出人群爲歐陽永叔尹師魯余安道曾子固所知然卒不遇隱于田間蘇洵南游至虔棐與弟槩從之游洵不飲酒每爲設醴儂智高叛嶺南聲搖江右郡守曹觀欲籍民財爲戰守備謀于棐棐曰智高必不能退嶺無事而籍民民懼且走矣觀曰如緩急何棐曰同舟遇風胡越可使爲左右手况吾民乎不幸而有急則官與民爲一家夫孰非吾財者何以籍爲觀悟而止蘇

軾自海南還訪裴已沒見其三子相持而泣作哀詞誄之

陽奉本字行先學博行高宋熙寧中游上庠休澣未嘗出外與左丞汝陽蒲宗孟交蒲盡市國學書與之携歸隱于城西通天巖郡守林頰題曰玉巖孝本平生不娶蘇軾過訪直造其室呼曰元德秀孝本曰予乃陽城之裔也不娶直欲肖祖耳故軾詩有人謂元德秀自稱陽道州之句嘗借觀登真隱

訣故又有新年得異書西郭有逸民之句贊其像曰道不二德不孤無人所有有人所無世之爭者五天畱其三而畀其二是以月計之不足而歲計之有餘崇寧中舉八行解褐國子錄再轉博士年七十乞致仕朝廷寵以奉議郎直秘閣賜緋魚袋領官祠以歸時郡人李存亦以高年掛冠日與孝本讀書觴詠人號崆峒二老孝本貧而好收書晚得妾生二子每拊其首曰吾無以遺汝惟有書數

千卷卒年八十四見宋史

李琪字元瑞博雅蚤有時名孫毅夫以女妻之崇寧中計偕京師阻疾而還遂高蹈不仕朝廷徵辟不應特褒養素處士之號

謝陟明字彥升學有志操家貧遭母喪停柩未塋隣偶失火勢且延燒陟抱柩痛哭不忍離誓與俱焚隣人競來赴救乃得俱全州郡辟舉皆不就登宋宣和三年進士以中原多故隱居貢水東終老不

贛縣志

卷十一

人物

二十八

什

論曰遯之時義大矣哉時利於肥而係且尾焉過矣彼麟遊鳳鳴之世乃必效掉尾龜也又豈義也哉茲集所載不多人或辟而不赴或出而復處所由殆與闇昧時義者異矣不然北山移諷終南致譏况下此者乎

忠義

陳子敬學字子天祥天祥開闢汀州子敬招集義兵屯皂口據下流以遏北船往來及空坑敗聚兵黃唐連結山寨不降北以重兵襲之潰不聞所終其歿于鋒鏑必矣

雷濟 蕭庾濟聽選省祭庾義官都御史王公守仁來撫虔也知二人素有識畧置之幕下叅謀公平橫水桶岡三洲諸賊二人計畫居多而誘剽會池

贛縣志 卷十

人物

二十九

仲容至府城二人玩弄之卒令歿中計尤詭秘寧王宸濠反公過豐城聞變時濟庾在侍相與痛哭卽圖趨還贛州起兵討賊而南風正急舟不能動又相與痛哭焚香願天願反風頃之風壽濟庾試香烟果北喜遙望宸濠追兵將及夫人公子時在舟倉卒中亟呼一小漁船公自持一印勅與夫人別令濟庾持米二升鱖魚五尾同載小船將藥對齊曰行備否對曰已備公指船頭黃蓋曰到地方

無此何以示信于是又取羅蓋以行至新淦城下
城門戒嚴不得汨濟庾張黃蓋以示乃開門羅拜
迎入舟中計議宸濠徑襲南京直犯北京兩京無
備柰何故駐吉安詐爲兩廣總督火牌兵部咨及
各府報帖互相傳遞以撓其止進作間李士實劉
養正書以離其心腹多寫告示並招降旗號木牌
等項動以千萬計以散其黨與當是時濟庾等粘
貼告示標插旗號木牌皆乘黑夜衝風冒雨涉險

破浪出入賊壘萬死一生中所差行間人役被宸
濠殺歿者皆其親信家人蓋陰謀秘計有諸將士
所不與知而辛苦艱難亦有諸部領所未嘗歷者
事平之後京邊官軍南來失計百方搜羅無所洩
毒構陷冀元亨龍光與濟庾等俱欲置之死地元
亨被執濟庾等四竄逃匿在冊功次俱被削去未
幾庾歿公親爲文祭之後濟謁選得四川龍州宣
撫司經歷蓋蠻府云

象字子占負才侷儻萬曆二十五年貢選南雍
初授河澗府通判天啓元年修屯政公上條議改
天津衛判官有績叙陞河澗府屯田同知轉左軍
都督府經歷時左光斗巡撫南畿議復戶部尙書
汪應蛟所創屯政論者以濱海斥鹵澇旱不時勞
不償費公方居屬下力主修復條陳九議鑿鑿見
諸施行繼任張慎言嘉公才力特疏題薦值權璫
勢熾公遂引退居林下十餘年凡郡邑利弊輒爲

贛縣志

卷十一

人物

三十一

當事侃侃論議與除時值處撫萬公元吉守孤城
公心知其莫濟私與老友月世光曰吾池止水與
君共盟遂具冠帶北面泣拜率其子茆與妻妾家
口四十餘人先赴池隨從容與世光相揖握手而
歿

謝讚號謙吾桓慤公詔貶謫也天啓癸亥以明經任
南康府教授推陞馬平知縣辭不赴歸林下十餘
年值城潰與子胤繡任胤斗具衣冠拜哭闔室

殉

劉曰佳字勿仙廷尉公思謨長子佳年少澄心學道
家居一亭周以竹栢晨夕定省外讀書亭上爲文
高竒幽折居大理喪三年不脫衰經崇禎壬午鄉
試禮經第一明年京師歸會有季弟之喪痛哭爲
文曰弟歿猶有老母弱子諸兄環哭視歿他口埋
文璀璨松楸鬱結過而弔之猶不失有明文學之
阡正不知爾兄熱血當灑何地隨奉母避兵於雩
頓縣志 卷十一 人物 三十三
之需嚴隨攜妻子歸城被執不屈閤室外存長子
良靖以文學世其家

月世光字九照家貧力學萬曆年歲薦授萬州判官
不欲以五斗折腰遂棄官歸東門外居焉經年不
入城與諸子課藝恒困乏家徒四壁灑如也郡邑
重之丙戌避亂入城居城潰閤室殉公扶幼孫趨
盧公觀象宅同赴池時年九十有二

純字不已行端方性嗜學諸生時見知於督學使

侯峒魯乙酉選貢兄統郡庠生城潰同赴孔子廟
歿遺侄名芝英侄孫弘俱蜚聲膠庠

楊萬言字獻可貢士貧而好學恒拾道間遺莧以爲
疏城潰率妻王氏子三人同赴池

孫經世字九雲驍騎將軍蘭之長子也德性醇厚姿
秉敏達崇禎癸未貢因母喪不得授官仲弟緯世
敦孝弟服勞奉養周旋家計悉緯爲之季弟絃世
邑庠生善讀書文高貴清潔自愛學者每比爲叔

贛縣志 卷十一

人物

三十三

度時兵事急紳士家有逸去者經世與緯絃曰吾
家自亳以簪纓世受國恩若窟伏鄉落豈蔭冑所
宜時母張宜人柩在庭乃環哭曰安得厝吾母于
吾父穴中俾兒輩後死者得相見一處耶及圍急
率家人泣拜先靈長幼次第拜訖舉火自焚緯妻
蔡氏觸于姑張宜人之柩者三不歿遂與絃妻王
氏率男婦盡沒于蓮花塘止遺男日廣一人卽慶
貴登鄉試

吳詩珍字席之郡學生事親孝人無間言所授生徒皆名下屢躋鄉闈子祚弘能讀父書邑庠生城潰母柩在庭珍衰經執杖與子侍于柩前兵曰此孝子也不忍殺汝可隨入營珍曰吾所以衰經在此不忍離吾母耳遂接刀自刎妻劉氏媳孫氏縊于家舍之東樓

郭其昌字文欽三歲母喪及就傅目傷不識母面塑母像置塾中晨夕拜跪自是敦行力學補郡庠生

贛縣志

卷十一

人物

三十四

屢躋棘闈鍵戶課兒所著有史評易解圖說又雅好施予計每歲入悉以周急值歲饑出廩糈賑鄉一里不給妻范氏以簪珥廣市秬稻佐之藉以存活者甚衆避亂山中聞事急具衣冠北向拜遂不食吟有濺血忠魂灑一城之句捧所祀母像而逝妻范氏號泣三日夜撫棺殉

聶邦晟字時卿少嫻韜畧善騎射崇禎六年辦事吏部八年冬授河南湯陰主簿時流寇縱橫以本職

從經畧盧象昇軍前贊畫有功加州判以父母喪
歸虔撫萬元吉用晟爲監紀軍務城潰同次子士
爍死妻劉氏幼子士煥及闔門殉者百餘人長子
士煌遊學粵東後歸應恩貢

董纘鄉邑庠生廷尉公天錫嫡孫以文學世其家子
五長麒兆蘇遼遊擊次正宸薦舉正朝庠生俱歿
存正國正章章應歲貢

謝明登字君祿邑庠生桓愨公詔從侄妻羅氏曰我

贛縣志

卷十一

人物

三十五

名門兒媳義不受辱遂率子佛生俱赴池

馮復京邑學生同妻張氏盟洗畢焚香拜祖從容同
登樓分左右對縊

莊曰敬字文思被執過祖塋見故母存柩慟哭不食
死妻金氏避于宣明樓自縊

趙光裕受職經歷翁連城男雄飛俱庠生同赴火

張大誥字合浦邑庠生爲飛砲重傷死男元鑑元鑰
俱殉存鑣補文學

陽麗天字美中黃金人宋學士陽孝本十九世孫少
事親以孝聞及長就外傳誦讀之餘輒掩卷泣下
語多人曰一日不見父母余心如裂其孺慕之誠
類如此篤志力學髫髻入郡庠凡經史百家參鍵
戶披閱寒暑不輟尤善古文詩詞几席不置時莩
然每遇試輒冠軍值丙戌圍急正衣冠北向再拜
畢同妻鍾氏赴清水塘曰吾與若可不負此塘名
矣遂從容攜手溺

贛縣志

卷十一

人物

三十六

余學義以母周氏年老不忍遽歿母曰汝父命名學
義謂何勿以我爲念汝且出言訖閉戶自縊義急
解不甦遂赴水妻鍾氏曰吾夫歿母吾何忍獨生
隨溺媳丘氏又攜二子以殉存男仲光邑庠生

謝明登郡鄉約語妻楊氏曰汝年尙壯當有憐汝者
但善撫子幼孫新君保氏曰君平日講約何至出
此言遂攜孫投井登隨整鄉耆公服端坐自縊

郭子魁里民妻鍾氏縱火自焚存男尙遷

黃甲字升衢部民赴火存身顯德孫廷珩等俱庶生

徐餘慶部民率男婦十餘人赴祥應坊塘有孫元邑廩生其先祖與福俱府學貢詳載府志

郭以和部民攜妻巫氏赴宅後塘後浮水上猶握手不散

陳必昱贛西大街人合族三百餘盡歿止遺士鳳一人登鄉薦

贛縣志

卷十一

人物

三十七

全之杰字元超贛衛生潛立宅內曲巷中手刃多人力疲攜妻陳氏赴塘

周葵贛衛軍偕弟及妻兒十餘人閉門自舉火

陳君猷邑隸卒聚妻兒酣飲積薪自焚

論曰昔人云但願爲良臣不願爲忠臣然各成於所遇不容強也當明良喜起之日卽閭巷編氓亦得鼓腹嬉遊以壽考令終何遇之隆歟及觀刃鋸在前鼎鑊在後趨之若飴且上下千百

聞慷慨而就從容以赴者又不知凡幾其所遇
良足悲矣前郡志所載有歿于職守有歿于戰
鬪而槩目以忠義褒之也嗟乎二者歿止於一
身猶得垂名不朽茲自盧公而下夫率其妻母
攜其兒子弟殉其父兄不待再計而自盡於一
朝者又曷可湮滅弗傳耶雖然其人往矣其名
俱沒不更足傷所遇乎

孝友

謝俊字朝英力耕養親承顏順志無所不備親歿負土築墳廬其側山多猛獸以孝誠所格皆馴伏永泰元年詔旌其門見唐書

盧世豪幼有至性親在竭力以奉薪水天聖中廬于母墓墓去水道甚遠日汲爲難忽有甘泉湧出其流不絕一日巨蛇入墳見者股栗俄而蛇被震死里人共相駭異邑令陳廷表其事于石

贛縣志

卷十一

人物

三十九

劉鑄字季冶淹貫經史而性極剛鯁幼孤鞠于伯父長以父禮事之平生交遊多名流讀書天竺山從學者百餘人有仕族知其賢欲妻以女鑄曰吾寧夫也有母在仕族女肯提甕出汲乎恐相少君不復易得也井臼之責其將誰委竟謝郤之母歿廬于墓李潛稱爲純德士及卒鄉人皆爲流涕謝萬樞高樓人捆屨爲業足跡不履城市親在勉力以供菽水親亾依于墓側無廬可居以蓬爲蔽

雨寒暑未嘗一日離邑大夫胡公如孟聞其事
馬相訪有問不知所對第涕泣頓顙謝邑大夫感
其真誠慰勞而去己而命同里諸生舉其孝行萬
楮聞知匍匐及各生門叩頭請曰草野所爲敢瀆
聞于官府乎有如官府以寸楮召我祇有鑿坏而
逃耳不願受尺布斗粟之賜也諸生反命邑大夫
愈益嘉嘆後竟強爲鄉飲賓

劉子鈿南橋人幼孤有母在而家極貧兄弟四人刺

贛縣志 卷十一

人物

四十

船爲生計已而念母老舍舟而家仲兄子鍾頗自
給鈿與伯兄季弟俱爲人傭賃以供菽水鈿尤窶
甚而孝思更篤母病危割股和羹以進然竟不起
鈿哀痛欲絕旣乞貸殮葬遂結茅墓旁朝夕編竹
簞易米以糊口諸責家來迫無可爲計則思鬻妻
並鬻其舟以償子鍾聞之竊自傷也乃約兄及弟
詣廬所泣語鈿曰均子也奈何以母故獨苦吾弟
若有負吾等當其爲償若乏食吾等當共爲爨

則四肢也可令分異乎哉于是歸而合食還宿
終身無相怨尤鄉人亟稱道之東官陳孝廉傳其
事邑大夫慈谿楊公汝昇作長歌表之

張濂素性朴實事親誠篤不懈父德堯年八十四病
將革濂焚香告天割股肉陰和藥以進病隨愈德
堯嗣是益健飯壽登九十有二終邑令莊尹辰嘉
其行具詳撫道旌獎給扁額于門曰孝冠百行

劉尙德事父母終身如孺子二親既歿每聞烈風迅

贛縣志

卷十一

人物

四十二

雷必至親墳跪伏經三院旌獎扁曰孝子

王宣割股療親事聞三院嘉獎給孝行扁旌其門

劉曰益字如損梅林人早孤言行不苟奉母梅氏避
亂于龍南事平束裝歸值春水漲淪舟覆母溺益
既視殮畢隨拊棺以殉

衷明達字儀甫貢士事繼母以孝聞娶妻張氏以不
得母意命出嫁達無一言里族人咸重之爲人端
友簡默以所學授生徒督學使楊兆魯拔冠軍

姚心仁字孟韜郡學歲貢生賦性醇謹言動不苟少時事親以孝聞視問惟謹父稍恙卽親嘗湯藥戰慄泣下會兵寇載道奉父母避會邑之承鄉山中偕弟大順力田奉養值昇平復居郡城孺慕彌切然雅好交游每遇一賢爰必稟命於父乃從而禮之否則寧拒勿與也一時蜚聲膠庠者遇科試悉贈遺不倦擇師課二子長士廉邑廩次士彥國學公年五十餘以父歿痛絕者數次自是哀毀骨立

飲食不甘憂鬱數季成疾卒

大由鄉王氏七代尙未分烟男婦老幼至今百有餘人內外肅然從無詬諍特爲叙其世次以待旌表爲吾邑風俗之首倡也

同祖勇樂生三子雲影華峰月泉影生一子通宇峰與泉各生一子宇生四子勁華行素匡華君寵華生三子餘各三子峰與泉之子孫亦數十餘丁今俱同爨凡家務應酬俱聽勁華長子名選卿主持

鄉長子鋤命邑宰入國學祖居雩陽梓山今移歸
文潭

論曰人情喜述奇聞而庭闈聚順之常每畧焉爲
不足道卽或有驚相傳述當時卽不靳褒嘉又
徃徃一二割股事嗟乎割股而親愈亦猶嘗藥
而親愈耳必奉此爲奇節而其人始傳彼晨昏
定省服勞奉養其又何以稱焉茲舊郡志所載
悉寡人子生則奉養歿則廬墓未嘗爲奇行以
邀名雖然繼此稱孝彋者何廬墓亦無聞焉

文學

王奇字漢謀少爲縣掾史縣令偶題屏障畫鴈云隻隻啣蘆背曉霜晝隨鴛鴦立寒塘奇密續云晚來漁棹驚飛去書破遙天字一行令奇之因勸之學後游京師有聲場屋間居李文靖公沆客舍文靖薨于位章聖臨奠見屏間八興詩鴈聲不到歌樓上秋色偏欺客路中宿寺夢回荷葉雨渡江衣冷荻花風問爲誰作左右以奇對因召見占對稱旨

贛縣志

卷十一

人物

四十四

特許殿試旣登科有謝詩曰不拜春官爲府主親逢天子作門生官至殿中侍御史

呂倚平生讀書作詩好收古今帖年八十餘不倦貧甚至食不足而安恬自如蘇子瞻重其人贈以詩曰楊雄老無子馮衍終不遇不識孔方兄但有靈照女家藏古今帖墨色照箱篋饑來據空案一字不堪煑枯腸五千卷磊落相撐拄吟爲蠅蝨聲時有島可句爲語里長者德齒敬已古如翁有幾人

薄少可特助

趙東野博學攻文詞爲時所推重郡守姚鏞豪雋能
詩自號雪蓬雅與東野善嘗畫一小像騎牛澗谷
間索其詩東野題曰騎牛無笠又無箠斷隴橫岡
到處過暖日暄風不常有前村雨暗卻如何益規
之也亡何鏞忤帥臣貶衡陽人皆服東野先見
王竹逸 蕭極初皆錫洲人力學攻詩賦自幼爲同
社友喜購先賢墨蹟當元季之亂二人間關險阻

贛縣志 卷十一

人物

四十五

未嘗少離凡憂愉感遇悉見于詩名聯輝集陳聘
君謨謂其清新可愛真如白璧一雙始極初得黃
山谷挽其從父夷仲十絕詩稿繼而竹逸得蘇東
坡所與王毛仲四律詩真蹟遂臻二妙共珍藏之
以爲希玩其嗜古蒐奇類如此聘君嘗贈以詩曰
兩賢總是金閨彥善保興居錫谷中世代旣夏茂
闕弗仕

鍾家鳳字山文高樓人貢士博瞻多才試輒冠軍尤

精理學嘗謂朱陸有同無異陸尊德性直探其本
朱道問學致知力行逐事逐物循序漸進以復其
原使學者有用功着力處邑令劉永基謂其學有
淵源陳履忠敦請課諸子嘗負笈三吳間從陳公
繼儒遊名賢每重其學三年歸儒贈聯別曰山中
有打瞌睡豪傑天上無不讀書神仙後任博羅教
諭陞南雄教授乞致歸著有性理通解治抄全書
怡園詩及選卜堪輿書子大生郡庠生

贛縣志

卷十一

人物

四十六

彭文咸字受之水口人崇禎元年選貢授司李未就
咸父師古宿學嚴課咸肄力經史是以早得名擁
書千卷居山二十餘年有以典故請者咸悉其始
末口答如流人悉通曉而去著有古今人物衡括
菴集寄園詩

孫紘世字光甫邑庠生生而聰穎讀書數行詩下年
少冠軍入泮遇試輒高等事母張宜人以孝聞受
知於學憲侯峒曾爾爲虔中國士陳大士艾卜子

二先生至贛與論文竟夜不倦尤工古文詩詞
同邑劉勿仙維人吳席之酬唱著有竹窻詩草

劉曰价字維人登崇禎丁卯鄉薦倪文正公之門公
異敏天授讀書過目不忘風度溫恭靜雅人望之
如玉山照人性慷慨揮金如土鼎革後臺使檄赴
公車公以書辭太守曰切念父母之喪禮互守制
若新朝浩蕩之恩得從寬政實爲萬幸否則鼎鑊
刀鋸願以身當受自書衣帶以求必死避地雩之

贛縣志

卷十一

人物

四十一

馬嶺寢疾一日而卒

論曰唐宋以來邑稱文學者代不乏人如所稱王
奇椽吏也尚以召對稱旨殿試登科彼以理學
行業特著者其於文學兼優槩可知矣雖然揆
藻披華而根蒂弗實雖以荀劉馬杜諸先儒且
見黜於奕襪况下此者乎

質行

宋策質直敦行誼教授鄉閭自號梅溪隱者宣德癸丑膺懷材抱德薦不就嘗作雪牕四友吟以自適其子必明亦有父風

彭玉琳遜志好學善事二親析產推讓其兄宗族稱其孝友

朱源字本深宋孝子壽善之裔也飭躬篤行教授閭里督府陽明王公作興社學以耆儒禮之常命其

贛縣志

卷十一

人物

四十八

率所教童子入射圃歌詩演禮郡邑亦重其人歲與賓席故自書其門屏曰儒書頗讀四五卷鄉飲曾叨三十年卒年九十有七

王灝梅林人以文亾害爲邑掾省祭冠帶痛邑中絕軍已豁復續徃徃勾丁補伍爲子孫累灝乃徒步入京上疏奏辯事下清戎司府覈實以覆得如所奏盡數除豁至今民誦其義時舊令尹全州蔣公曙適遷江西清戎右轄方主其事嘉灝之義贈以

十絕今錄其二尺籍空虛歲已深無根有蔓苦追
尋誰憐一點陳情念洗盡千門抱恨心人于腔子
見天真一隔籬籬越視秦爾獨願回春百里而今
六合正同春

郭端科字平沙家貧力學以親老不忍外遊督畊奉
養言動必循矩度主宗族祀事四十餘年每值祀
日禮畢昭穆坐定必曰某也孥某也悌某也勤學
某也力畊命司簿分給胙例加厚有差旣而曰某

贛縣志 卷十一

人物

四十九

也拂親某也凌長某也業荒於嬉某也力健于訟
立命司書計所犯多寡責罰有差不少貸且誠學
弗售卽力田毋爲胥役以壞人心由是族里化之
風俗益淳子弟恂恂途遇長者卽負薪荷鋤亦必
拱立道左鄉黨不聞爭訟者且數十年悉公之化
導也屢奉院憲旌獎

謝光早字預照下釜人性質朴言行公直爲閭里所
信服尤雅好施予值寇亂歲饑悉捐所儲平糶分

給邑灸黃里楊文正相繼上其事院憲屢旌晚年
生二子人以為好施之報云

舒以綸字理莊七鯉鎮人賦性醇篤與人接物敬慎
不敢浮飾以明經任萬年訓導諸生來謁者悉歛
容起敬江撫佟國禎薦于朝曰儀行堪師

郭克奇字拙吾性質直尤喜讀古文詩詞廣講書籍
年四十餘猶居重慶下每晨夕必率兒孫次第進
問恂恂唯諾或侍坐畢輒事筆研晚好覽內興喜

贛縣志

卷十一

人物

五十

施予盡棄所受田業歲賑饑寒建橋設渡久之貧
乏無以供施濟遂專精岐黃術所活人尤衆卒年
七十八遠近吊者以萬計所著有五經通義

韓良能庠生世居雩之于化里好善樂施父母老病
能奉湯藥必自嘗夜則侍卧衣不解帶者多年弟
兄五人友于無間鄉人稱之為韓夫子孝廉易學
實顏其居曰善士

郭大衢字道亨少時以孝友著稱行誼端方言動不

姚應章字文所七歲喪母哀毀不食族人悉感泣事繼母黃氏踰于己母置產於會邑之承鄉山生平好義喜施值荒以所貯平糶散給遠近活者甚衆晚年傾心內典享年七十八召子孫環侍跌坐忽香氣襲人隱隱笙簧聲竟逝

補

郭日和字融齋良富人置產于瑞金謝坊徙二孫居焉明成化二十一年秋八月和自贛往瑞至樂邨

贛縣志 卷十一

人物

五十二

遇虎色赤睛黃咆哮山震僕人各竄去和不及避立道上虎繞之和坐虎亦坐久之和取道行虎又繞之和曰既不相嚙又不令去意何爲得毋欲偕行乎虎遂奔去和至謝坊語其故鄉里訝之頃之虎果至觀者如堵雞犬不驚和收之繫牌虎項下書郭宅義虎日則隨左右夜則侍臥榻公享年八十四子孫繁盛卒塋萬安縣地虎送見窰窠咆哮掘地遂斃因塋於旁迄今和墓有虎墳在側

論曰匹夫飭躬砥行豈以爲名哉然閭里誦義奕世而下婦人女子猶能言之彼身都顯當時名位爛然沒則貽譏於世卽宗族鄉黨且不屑齒其姓字者其於質行賢不肖爲何如也雖然生平隱約自好不求譽聞卒致湮滅無傳者又曷可勝道哉

姚大順字遂子應章次男由歲貢任靖安教諭靖邑
值兵燹後學就圮齋舍悉斷垣茂草僦居民屋諸
生來謁多捉襟拱揖一見惻然輒察其遭兵燹者
捐贈有差居有間約月會兩課拔其尤上所試菟
於學使者已而科歲試悉優錄邑令倅貳咸羨爲
得人因與合謀曰學殖也不治且落嘗從令低徊
俎豆間擬解橐爲修飭計其司鐸慷慨類如此先
是爲諸生時值兵燹借兄心仁力田養親旣而父
顛縣志 卷十一 人物 五十三

兄俱歿事繼母愈竭力然雅好交游日事贈答應
酬無恇容歲延師邑廩葉中桂課兒及孫寒暑不
輟子士奇以庠監授州司馬孫玠璘俱遊庠靖紳
士悉其生平製錦爲公祝云

羅懋華字英聚性質實遜志力學人邑庠未幾值兵
寇載道率五弟懋芊等日夕盡菽水歡父性雅好
施予華承順父意會連歲饑凡土著及流寓往來
藉以活者甚衆父歿哀痛幾絕服闋猶追感哭泣

歲乙未第辛強之起同赴歲試竝食餼屢躋林闈
具告給督學黃憐其食餼久且依資應貢不予給
立試二稅尤深稱賞然志堅乞准遂不復入城市
卒年六十有九鄉鄰族黨遐邇吊者以千計哭聲
震地如失怙恃云



贛縣志卷之十二

列女志

絮羹叱咄和丸助苦纏并而朝中饋以輔桓耳
豫刑盧目寧瞽掩戶帶堅投檻衣腐碧玉香消
彤管墨舞志列女第十

賢淑

唐

越國公鍾紹京夫人許氏公爲苑總監時值帝氏之

贛縣志 卷十二

列女

一

亂臨淄王謀欲誅之與公業有成約矣及期臨淄
乘夜攜劉幽求等入苑會公廨舍公悔欲不從命
夫人曰忘身殉國神必助之且同謀素定今雖不
行庸得免乎公悟卽趨出拜謁臨淄乃帥丁匠二
百餘人執斧鋸以從是夜遂成大事夫人之力也

宋

曾文清公夫人李氏閨儀甚肅家教尤端生子逢逮
貴而且賢陳止齋先生傳良嘗曰余不及見文清



公歿獲從六卿原伯侍郎仲躬游甚久憶在都下
時文清夫人尚亾恙當壽余與高炳如博士脩拜
母之敬見諸婦各年六七十盛服夾侍夫人出對
客已而原伯帥婦及諸孫羅拜奉觴且遍飲客乃
罷故家孝敬之風可觀也原伯逢字仲躬逮字諸
孫槩登進士臬爲總卿槩爲工部世慶縣衍蓋有
自云

明

贛縣志

卷十二

列女

二

謝桓慤公詔夫人蔡氏德性貞靜尤識經史相桓慤
公力學成名太封翁在堂奉事惟謹公同懷弟三
人試訪讚俱同爨歲延塾師悉夫人經營弟婦陳
氏馬氏桂氏尊敬如姑生男胤申性聰慧自句讀
及成文夫人悉爲課督年四十五卒桓慤公感其
賢淑遂鰥居四十二年不更娶累封宜人萬曆丁
酉晉封儀媛夫人

別駕郭公咸和元配宜人陳氏于歸時家貧翁姑伯

叔同爨數十人悉仰給於公而宜人乃脫簪珥市
杭稻爲家計公得携諸弟就外傳凡膏火筆研費
悉晝夜率妯娌織紵以供無缺也已而公登鄉薦
遂仕海豐僅舉一男子屢勸公納騰公念向微時
藉仰事力居多不忍更置會公內兄入京謁選宜
人私予金託舅氏爲擇娶次室舅果不負託強公
納焉亦舉一子宜人撫之如一公歸田十餘年宜
人猶親織紵公曰胡自勞苦迺爾曰誦讀男子事

織紵婦人事不事所事忽忽若有所失且無以安
身吾固自適耳非有所勉而爲之故不見勞而見
逸也公呼二子曰汝輩敬識之勿謾載家譜

論曰余歷覽各郡邑志每以列女附載鄉賢卽所
載亦僅一二節烈事重之乎忽之也嗟乎婦道
女德必待節烈而始傳則所謂舉案裂紵繕寫
談義者其又何以稱焉觀夫詩首關雎夫亦知
聖人所重之意謂王化所自出也余故特標一

目首載四夫人悉女中君子矣嗚呼地道臣道無成有終蓋可忽乎哉

節操

元

廖氏 蕭氏 歐陽氏舊所稱劉門三節也廖伯祥妻蕭澄甫妻歐陽德閨妻三世相繼嫠居而歐陽與蕭婦姑相依四十九年當至正壬辰戊戌兵亂井里爲墟獨能保全家室撫遺孤玉輝成立且以

贛縣志

卷十二

列女

四

孝聞尤人所難分省叅政全普安撒里守郡上其事未達至洪武末年邑令王彥明具聞於朝始被旌表浦江宋濂有文述其事

明

劉氏朱崇文妻年二十八寡而家貧攻苦織紵撫遺孤顯迨長延師督教永樂癸未顯舉于鄉丙戌奏聞旌表

黃氏縣庠生張四維妻年二十三而四維卒遺二子

其一尚在襁褓笑笑子處撫遺孤恩斯勤斯迄于有成仲子補邑弟子員黃以貞操懿德稱於鄉黨卒年八十屢被旌獎

桂氏蔡兆文妻夫亾時年二十八既無翁姑之倚又鮮妯娌之助蕭然環堵隻影自憐二孤長成督訓之俱爲諸生艱苦備嘗白首無悔已經上司旌獎廖氏長洛人鍾賢沐母年二十夫歿沐甫三歲撫沐成人娶袁氏生子良槐二歲沐夙袁一寡廖與袁

蕪縣志

卷十二

列女

五

姑媳共撫良槐槐生五子次子甫煜補弟子員廖卒年八十二袁卒年七十一廖撫三代孀居六十二年袁撫二代孀居五十年屢經旌獎

許氏劉文彩妻孀居撫子人無間言巡按葉成章給扁旌之曰貞堅金石著其門曰兩間正氣綱常重三殿恩光日月高子尚德卽聞烈風迅雷必跪伏親墳者見孝爻中

贈監察御史劉箬妻譚氏年二十三而發携二孤

夜操作備極劬勞且貞而能教二子就外傳日程督之長子思誨成進士母膺封典而縞素疏糲猶不怠居約時閨帷雖蕭壽躋八十泰昌改元奏聞旌表 覃恩加贈孺人

孫氏舉人謝慤妻佐夫成名年二十八而夫早世二孤方在髻鬢家計更屬蕭條孫經年拮据以奉姑菽水而給子館穀愁容苦貌垂老猶然茹蘖餐冰人稱節愍屢被旌獎

贛縣志

卷十三

列女

六

蕭氏斯邦穀妻少寡而二子俱在穉年家無厚產寒燈夜績以備晨爨比二子稍長卽教之學仲子言貫登萬曆癸酉鄉榜爲邑令蕭享祿養以壽終庶幾不負苦節云屢被旌獎

史氏劉應選妻生子顯庠方就傅而選歿史拮据紡紉歲延師課庠庠亦曲體母心攻苦力學值城困急母語曰汝宜善匿全生他日成名及嗣續余暇日矣後庠蜚聲府學孫祚邠禧邠俱入庠

論曰從一以終婦道也歿有幸不幸焉當其相夫
子顯榮偕老子若孫彬彬上觴可不謂隆欤及
觀世所稱未亾人者呱呱在抱如失所天其憂
痛悲泣可勝道哉歿家處素封隱忍以撫孤成
立抑亦幸矣乃不幸無擔石之儲勤紆績茹荼
課督卒致遺孤名成倘所謂可託而不可奪是
耶非耶

節烈

贛縣志

卷十二

列女

七

明

大理寺劉思誨元配黃氏兩封孺人隨男曰佺避亂
於雩之需巖值贛急語佺曰吾家世受國恩當亟
返城居無何度不可解遂盥櫛具命冠服就寢室
再拜自縊媳曾氏孝廉曰价妻宋氏庠生日伶妻
俱依姑自縊

蕭氏聶士烺妻被執不從支解之

朱氏李元棟妻携女同赴井

劉氏郭多禎妻抱乳兒赴水歿旬日餘顏色如生

劉氏庠生葉中桂妻年十九抱幼女月姑同繼姑陳
氏盡赴蓮花塘

應氏貢士劉之鳳妻被執堅不受污以弦縊

桂氏諱懿芳桓愨詔胞弟謝讚妻于歸時封翁時濂
及太夫人趙氏年已髦鬢桂曲盡婦道族闈仰爲
儀範及姑歿桂事長嫂蔡夫人如姑年七十四因
夫殉難桂氏自縊家壽

贛縣志

卷十二

列女

八

月氏名淑貞邑廩生謝胤繡妻城潰不屈及其左手
墮自盡

蔣氏名德娘封紫章妻口罵不屈歿

羅氏庠生謝明登妻桓愨詔從侄也圍城以菜羹活
命久之羅曰吾與君名門子女何可偷生遂對縊
論曰古賢者多重其死而智者又好言通權爲其
身有未盡所用也彼輕於鴻毛者直等諸婢妾
窮急其計畫無復之耳若古所稱相然信以殉

又往往出自鬚眉丈夫其理明義熟合志同方
誠知所重者抑有甚焉乃至以婦人女子聯袖
逐隊趨井塘如飴豈其計畫無復之哉卒不自
重其死卽謂理明義熟又何多讓焉

貞女

尹氏名清玉尹德宗女許聘蕭貞生生性至孝事母
劉氏坐臥不忍或離母病篤生掌藥割股竟不起
生因號泣不食死尹女未于歸訃聞遂蓬首垢面

蕪縣志 卷十二

列女

九

含泣弗食父母百計慰之彊聚粥竟寢疾月餘泣
告二人曰今而後得從蕭郎於地下亦瞑目矣第
生育大恩無由報耳言訖含笑而逝

李氏德秀幼讀書能詩年十五被獲置舟中獲者誠
舟人守視復登岸搜掠李女因泣告舟人索筆硯
寫書寄取贖且許以厚贈然度不可解因書畢封
固交舟人遂跳入江心後父母得書尾吟云寄語
雙親休眷戀入江猶是女兒身

論曰士未緝牛通直處子耳故古稱慷慨而赴從
容以就者俱無責焉易曰女子貞不字蓋言士
也觀夫祈字方諾遂矢志終身至有一面未識
聞訃輒鬱鬱以殉雖往古烈士何以加哉

賢母

朱氏郭多喜母喜父歿時甫三歲弟多嘉在襁褓朱
備嘗艱苦燃松紡績課兒入邑庠

張氏姚振龍母龍父良琦庠生張年十八夫喪痛苦

穎縣志

卷十二

列女

十

欲自縊姑慰以有子二俱在襁褓屢救甦張勉就
飲食不事梳飾專女工二子自塾歸卽切責背誦
不輟

曾氏郭恭範母年十九範生五歲而父歿弟策俱襁
褓氏矢志撫孤歷兵寇絡繹悉幾先遷徙必手持
兒所讀書隨所避處輒令兒展讀久則就塾或曰
避亂得全生足矣胡迂濶乃爾氏曰連年離亂不
得安家樂業兒輩虛度光陰卽能苟全性命又何

用哉因課督俱成立範入邑庠

陳氏蕭文正母文父邑庠蕭亨生家貧力學生二子俱襁褓而亨生歿氏矢志撫育晝夜績紡課兒

王氏邑庠生劉亮母亮父歿時甫七歲二弟俱在襁褓母拮据勤勞備嘗艱苦織紵易粟延師課兒嘗自啜菜羹而已撫孤俱成立聚三兒婦生孫屢奉憲旌權使者吳本立爲立傳

謝氏贛衛千總錢國禎母禎父歿時年十二氏矢志

贛縣志

卷十二

列女

十一

撫孤家徒壁立嘗紡績至午夜資以延師課兒屢與童子試弗售襲父職微祿奉養以孝聞母以壽終

論曰昔劉宜興母嘗曰男子以孔父爲師女子獨無師乎於是家建一內祠上立孔聖母徵在左右立曾孟二程二蘇四母配饗以景伯陸績种放尹焯杜華羊祐張浚陶侃鄭善果李景讓十母爲十哲以姜叔王經等三十六母居左廡以芾暹虞集三十六母居右廡嗚呼賢母又可忽乎哉雖歿稱妻從夫也稱母夫歿從子也從子則節操節烈又何以妻稱乎曰年旣合於令甲事旣同乎身殉矣茲獨以其子之幼孤能善承母訓也故另著之



贛縣志卷之十三

武備志

因時注意安事毛雉如雲如雨在山在澹丈人
則吉長子帥師汎分暴布安不忘危願吟兔置
施於中達志武備第十一

武進士

明

嘉靖壬辰科周乾榜

贛縣志

卷十三

武備

郭朝濂

第十名原賜第坊湧金門內

萬曆壬辰顧鳳翔榜

陳大器

第二名歷官廣西永寧參將

武舉

明

吳抃

嘉靖壬子科

周

蕙

嘉靖乙卯科第二戊午第三名

孟學孔

中隆慶丁卯庚午癸酉三科

陳

表

所副千戶萬曆癸酉科第七名

孫蘭

所副千戶萬曆癸酉科第九名

陳大器

千戶應襲萬曆辛卯科解元

李餘慶 所副千戶萬曆

周宗相 蕙侄孫指揮同知萬曆壬子科

方傑 萬曆壬子科廣西中式

吳應明 後所副千戶萬曆乙卯科

方伸 萬曆乙卯科

國朝

曾應元 順治甲午科解元

陳士鳳 康熙癸卯科

劉琦 康熙丙午科

劉見魁 康熙己酉科見任南

封霖 康熙戊午科

羅尚璉 康熙辛酉科

贛縣志 卷十三

武備

論曰讀王制爵列五等天子而下公侯伯子男帶

礪分盟未嘗不掩卷嘆曰人生不克執躬桓以

覲后祇虛生耳及觀笑夫文官不許封公侯則又

爽然自失矣唐則天特置武舉科選以八目自

此以異等補左衛長史者且晉階分封邑中得

志武闈者頗盛得毋留意於斯乎嗚呼古人投

筆而越良有以也

武功

明

謝肇字景初贛縣人生於衣錦鄉今隸興國唐乾符中從父帥義兵征討戰功第一爲安撫汀嶺都護已而閩越容管隸卒判改容管經略處置使督兵進剿肇止誅元惡解散逆黨奏功優詔獎諭進金紫光祿大夫檢校戶部尚書爵會稽子在南唐保大有尚書左僕射右斗牛衛將軍右軍兵馬使旭

贛縣志 卷十三

武備

三

在宋建隆有檢校右散騎常侍兼御史大夫茂希皆肇之裔也至今其鄉猶傳謝征蠻鐵兜金云見祠梧州名宦

余恩贛州衛指揮僉事素有謀勇爲督府陽明王公所任用公平橫水桶岡三泖等巢恩常冠軍冒險衝鋒屢列功狀陞指揮同知宸濠反王公誓師討賊恩領黃卿保葉芳兵會于樟樹分布亟進使伍公文定兵當其前恩兵繼其後邢公珣兵繞出賊

背徐公璉戴公德孺張兩翼以分其勢賊逼黃家
渡勢銳甚文定祥北以致之賊趨利前後不相顧
珣從後橫擊直貫其中賊敗走恩督兵乘之袁臨
兵合勢夾攻賊潰走十餘里明日我兵復戰風不
便文定躬親銃砲火熱其鬚兵少卻恩率葉芳兵
突馳策應各兵竝進擒斬二千餘級溺死者無算
賊退保八字腦又明日用火攻四面俱集濠就擒
以功陞江西都指揮同知薦改廣西終叅將

贛縣志

卷十三

武備

四

黃榜字魁字右所千戶禦寇屢建奇勳陞四川都司
浙江處州叅將又陞狼山總兵氣宇雄傑智略過
人馭士卒恩威竝著各上憲咸以頗牧重之然居
鄉謹厚卽入文廟亦不敢輕其恂恂如此

孫蘭字同軒萬曆癸酉科舉人襲父韜爵後所正千
戶累功陞贛右營都司時廣寇侵掠都司進剿寇
服神威霄遁所掠男婦盡得生全陞浙江溫州海
防叅將課諸子絕不言兵事一以詩禮有叔子之

保甲

明正德十二年

提督都御史王公守仁初蒞任卽立十甲牌法行令南贛所屬不論城鄉軍民每家各置一牌修寫門戶籍貫人丁多寡有無寄住暫宿之人揭於各家門首以憑查考仍編十家爲一牌開列各戶姓名背寫本院告諭日輪一家沿門曉諭因而審察各家動靜但有面生之人踪跡可疑之事及違犯

贛縣志

卷十三

武備

九

教條不聽勸諭者卽行報官究理或有隱匿十家連罪凡置十家牌須先將各家門面小牌挨審的實如人丁戶籍田糧等項俱要照依牌式逐一清查十家編排旣定照式造冊一本畱縣以備查考凡遇勾攝差調等項按冊處分更無躲閃脫漏凡十家牌不立牌頭止令各家每日輪管恐有等強橫無恥之徒一克甲頭把持甲衆脅受富人財物酒食結黨排陷貧民倚法爲奸但鄉邨若無統

衆志不一緩急有警事難求濟各鄉邨仍准才行
衆所信服者爲之保長專一防禦盜賊平時各甲
詞訟等項悉照牌諭而行不許保長干與鈐制因
而武斷鄉曲但遇盜警卽要保長統率各甲設謀
畫計防截追捕此贛州郡邑保甲之所由始

論曰凡立法未有不善特行之旣久或滋弊焉於
是保民之法亦階之厲矣所望畱心民瘼者參
酌條約以實心行實政俾鄉城之人日聽甲長
嚴查不惟農勤于野商勤于市而盜跡可絕抑
且游惰知儆賭博知禁而盜源亦可塞矣

防汛

謹按歷代軍制附載郡志詳矣獨有新立沿河塘
汛自水東以上至信豐雩都興國各界水西以
上至南康界北至良口萬安界俱二十里一塘
其法甚善往來泊船俱稱便焉

贛縣志卷之十四

方外志

日月自升江河自落塔銘僅存圖歌奚若後起
宗之且爲捫籥一技可傳倉公扁鵲誰復救貧
其其可作志方外第十二

釋氏

馬祖道一禪師什邡縣人姓馬氏自幼出家容貌奇
異牛行虎視引舌過鼻足下有二輪文唐開元中

贛縣志

卷十四

方外

一

習禪定於衡嶽遇讓和尚密受心印始自建陽佛
迹嶺遷至臨川初入贛邑棲水東佛日峰之巖一
夕山鬼爲師築垣師曰學道不至乃爲邪鬼所測
此非吾居也去居城北龔公山四方學者雲集座
下如百丈懷海南泉普願西堂智藏五臺鄧隱峰
襄州龐居士靈照女等一百三十九人皆入室弟
子貞元四年二月一日于建昌石門山沐浴跏趺
入滅元和中謚太寂禪師塔曰大莊嚴相國權

輿爲之銘今龔公山相傳有鄧隱峰松龐居士竹
臺照女蓮蓋當時遺跡云

西堂智藏禪師馬祖之上足也師爲虔化廖氏子七
歲出家有相者指其殊表謂之曰骨氣非凡當爲
法王輔佐年十三首事馬祖於臨川西裏山又七
年遂受具法祖欲示化自鍾陵結茆龔公山與師
益相親付授衲袈裘五燈會元載元和九年四月
八日歸寂憲宗謚大宣教禪師穆宗再謚大覺禪

贛縣志 卷十四

方外

二

師塔曰大寶光郡守唐技爲之銘碑見豎寶華寺
處微禪師西堂智藏法嗣也師問仰山汝名甚麼山
曰慧寂師曰那個是慧那個是寂山曰祇在目前
師曰猶有前後在山曰前後且置和尚見個甚麼
師曰喫茶去

廉泉院曇秀禪師僧問滿口道不得時如何師曰話
墮也問不與萬法爲侶時如何師曰自家肚皮自
家畫問如何是學人轉身處師曰掃地澆花曰

何是學人親切處師曰高枕枕頭曰總不恁麼
如何師曰鶯啼嶺上華發巖前問如何是衲僧口
師曰殺人不用刀

僧伽姓吳名文佑生于五季時家信豐祝髮爲僧聞
贛吼山異秀杖錫攀躋蛇馴虎伏居久之去雲止
明覺寺僧伽院狎狂不飾細行飲酒食肉與市井
浮沉嘗持松梢行歌曰趙家天子趙家王人莫測
其所謂皆笑爲狂蓋謂宋將興也見爲善者揖之

贛縣志

卷十四

方外

三

見兇惡者則詈爲狗彘辟兇凌之輒竄入兇家竹
園呼曰大園竹好掃屋浹旬竹枯盡其家亦替人
始驚異焉

兜率從悅禪師贛州熊氏子初謁雲蓋智和尚令見
洞山文和尚溪頴與旨後嗣真靜僧問如何是祖
師心印師曰滿口道不得曰祇這個別更有師曰
莫將支遁鶴喚作右軍鸞問如何是兜率境師曰
一水接藍色千峰削玉青曰如何是境中人師曰

七凹八凸無人見百千頭祇自知一日清使
盡居士張商英按部分寧請五院長老就雲巖說
法師最後登座橫拄杖曰適來諸善知識橫拈豎
放直立斜拋換步移月藏頭露角既于學上面前
各納敗闕未免喫兜率手中痛棒見事不平爭忍
得衲僧正令自當行卓拄杖下座室中設三語以
驗學者一日撥艸瞻風祇圖見性卽今上人性在
甚麼處二日識得自性方脫生處眼光落地時作

麼生脫三日脫得生處便知去處四大分離向甚
麼處一日無盡居士投偈曰鼓寂鐘沉托鉢回巖
頭一拶語如雷果然只得三年活莫是遭他受記
來師於是焚香付囑曰等閑行處步步皆如雖居
聲色寧滯有無一心靡異萬法非殊隨機不得應
物無拘翻身魔界轉腳迷途了無逆順不犯工夫
元祐六年冬浴訖奄然而化其徒遵師遺誠欲火
塋捐骨江中無盡居士遣使持祭且曰師于祖宗

門下有大道力不可使來者無所起敬俾塔於龍
安之乳峰爲特請于朝追謚真寂大師

慈雲寺明鑑長老魁梧如所畫慈恩旻叢林以道學
與之蘇東坡自南海至虔州以水涸不可舟逗留
月餘時過慈雲浴作偈戲之曰居士無塵堪洗沐
老師有句借宣揚牕前只見蠅鑽紙門外時聞佛
放光遍界難藏真薄相一絲不挂且逢場卻須運
說圓通偈千眼薰籠是法王

贛縣志

卷十四

方外

五

顯首座賦性高逸機辯自將保寧勇禪師以子育之
因示以神劔頌提得神鋒勝太阿萬年妖孽盡消
磨直饒埋向塵泥裏爭奈靈光透匣何顯曰謾效
顰亦提得一個勇曰何不呈似老僧顯便舉云凜
凜寒光出匣時乾坤閃爍耀潛輝當峰坐斷毗盧
頂更有何妖作是非勇曰忽遇天魔外道來時如
何顯以坐具便掀勇作顛倒勢顯拂袖行勇曰且
來顯曰且去掘窟勇笑而已尋謁端禪師於白雲

端稱於衆待以猶子之禮一日端與淨居瑤公游水磨顯偕數衲先在遂待端右瑤曰顯兄且莫妨穩便端曰從化在此聽說話顯曰不曾帶得標手錢來便行二老相顧爲之解顏旣而游湘西寓鹿苑真如禪師接納久歸灑上或傳住西堂而終朝宗通忍禪師常州武進縣陳氏子得法于天童密雲圓禪師尚傳臨濟第三十一世講法于龔公山寶華寺有語錄三十卷行世骨塔瘞本山

贛縣志

卷十四

方外

仙道

李思聰自幼入祥符宮爲道士嘗遇異人與一寶鏡曰此神遊指南也思聰得鏡覺有神異每闔戶懸鏡而臥移月方興輒憶其所遊洞天海嶽諸處模寫爲圖并題詠之皇祐間乾元聖節將臨以所繪六圖併詩呈府郡守爲之驛上以祝聖壽上喜甚賜號洞淵大師冲妙先生遣中使賞香茶絹疋臨賜一日羽化去

合龍山小道者贛縣北百里有合龍山地荒寂無人
居有一僧不知從何來卓州菴于山下農民姜氏
生有一男出胞即重眉三尺不食母乳日自長大
七歲猶不能言父母怪之與僧爲徒呼小道者遠
近傳說其異宋仁宗朝令郡縣津送至京入宮忽
能語至尊喜詔削髮爲僧御筆賜名行本時年十
二錫資珍物并后妃所賜金銀數至千萬餘貫放
還鄉以所賜勑爲大寺其師市水于化深谷中

贛縣志

卷十四

方外

方以輦載爲憂忽一夜大雷雨江漲合圍梁棟隨
流而至菴前衆咸驚嘆爭助金帛工甫就行本對
佛合掌跣趺而逝者尾纒五年耳今寺中金龕羅
漢及御書法名尚存棟宇皆良材雖厠溷亦櫛木
或有欲易爲什器者必遭蛇虎之害一鄉故事之
至今不衰云

劉繼先籍貫無改修煉于貢水東玉虛觀常坐觀之
棘叢中隱隱有祥光覆其上提刑某自城中望見

知其異人也固邀入城至水際忽凌空而去或有
言在崆峒山者尋跡之雙趺隱石上竟不知所往
今觀有五丹井最後有丹臺則繼先所坐叢棘處
也宋治平中賜觀額有明永樂庚寅大學士解縉
紳書碑記其事詩曰亞金煉丹度水東便坐荆棘
蔭竹叢丹成虎氣起天虹振衣白日飛行空錡狀
鸞鳳鳴崆峒有趺石上遺靈踪後來作者慕交同
禦災捍患穰疡凶橐籥水火鼓雷風祝釐萬千四

贛縣志

卷十四

方外

八

海豐生祥下瑞萬福崇大庇庶物熙天功

田純靜自浙至贛脩煉於景德觀一日辭擅越屍解
朝天門外令人棄之江中江水湍急尸不流口猶
頌云六十八年老拙平生不會紐捏今日撒手便
行獨伴清風明月蓋元時人也

劉淵狀亦祥符宮道士初拜陳方外為師授雷法又
請零都紫陽觀師趙原湯授丹訣呼召風雷有驗
洪武癸酉召至京師見於便殿賜號高道洪熙初

封冲虚至道玄妙無爲光範演教莊靜普濟長春
真人領天下道教事賜二品銀章宣德壬子乞骸
骨 宣廟特賜御製山水圖歌送歸南京朝天宮
養老

江東神附

江東神姓石名固贛縣社富人生于秦既歿能爲神
漢高帝六年遣穎陰懿侯灌嬰將兵擊南粵尉佗
神降絕頂峰告以捷期已而凱旋遂祠神於崇福

贛縣志

卷十四

方外

九

星靈跡顯著唐大中元年里人周諒符爽卜江東
之雷岡作新廟琢石爲像初建時天地晦冥吳錄
事暨蕭司戶遣康黃二衙官先後往視皆立化吳
蕭二君亦繼以今奉爲配神建炎三年隆祐太后
駐蹕於贛金人完顏入皂口彷彿見神擁陰兵遏
之阻不散進高宗賜赭黃袍瑪瑙帶以旌其功其
他靈異詳見司業宋景濂先生記中宋元累加封
號及有明洪武戊申肇舉祀典壬申改祭春秋

方伎

楊筠松實州人唐僖宗朝國師官至金紫光祿大夫掌靈臺地理事黃巢破京城乃斷髮入崑崙山步龍一過虔州以地理術授曾文迪劉江東諸徒世稱救貧仙人是也卒于虔壘雩都藥口

卜則魏字應天精于形家言著作甚富而今所傳者止雪心一賦雖旨趣不甚精奧然業地理者必以是書爲入門亦術之名家者矣

贛縣志

卷十四

方外

彭雷巖玉虛觀道士以祈禳方伎顯於元盛時其類問能致風雲人有疾疫立能愈之其魑魅爲怪者禁使絕跡解學士夫紳謂其得劉繼先遺術云

劉渾以吏滿考授樂昌高勝巡檢在宣廟時以寫真得幸改鴻臚寺序班入內供奉尋遷衣衛鎮撫副千戶

王純江冰墨畫所作人物樹石意趣天然而筆法亦

畫古人稱爲石林畫史

論曰簪筆而至武備其英氣雄風劍光鋒烈幾於
着紙欲炎矣楊子曰炎之極者必反乎涼余故
受之以方外歘嘗過玉虛而徘徊丹井躋合龍
而悵望金龕便已飄飄欲仙矧自太寂大覺而
下悉以解脫醒迷不尤令人倏歘物外乎他如
一伎一術各有異授悉非晚近所能及又曷可
湮沒而弗彰耶

贛縣志卷之十五

紀事志

提槩懷船歷訪簪筆矧載簡篇胡為散逸攻守
孔繁鳴咽志述代有哀鴻依依待恤感慨係之
今管則一志紀事第

邑事

漢 高帝六年庚子遣顏陰侯灌嬰略定江南置豫
章郡贛雩隸焉

贛縣志

卷十五

紀事

一

晉 義熙六年庚戌徐道覆反道覆盧循之姊夫也
循權假廣州刺史時署道覆為始興縣令覆密
欲裝舟艦乃使人伐船材於南康山僞云將下
都貨之後減價賤市于郡人及舉兵披券取還
旬日而船板大積舟辦遂與循寇下流南康廬
陵豫章諸郡皆陷時諸葛長民率衆入衛表曰
妖賊伐船集木而南康相郭澄之隱蔽經年罪
合斬詔原之道覆戰敗始興循走交州皆被

傳首京師

南宋泰始元年乙巳晉安王子勛反於尋陽贛令蕭
蹟拒不從命繫于郢獄已而出獄舉義襲豫章
敗之封贛縣子邑三百戶固辭不受周寧民以
軍功封贛縣男食邑三百戶

大同八年壬戌安成人劉敬宮挾妖道聚黨攻郡
轉寇南康屠破縣邑有衆數萬內史張綰督兵
平之

贛縣志

卷十五

紀事

二

太寶元年庚午始興太守陳霸先起兵討侯景正
月發始興遣主帥杜僧明將二千人次大庾嶺
蔡路養據南康郡以二萬人軍於南野路養妻
侄蕭摩訶年十三單騎出戰無敵當者僧明馬
被傷霸先救之授以所乘馬僧明上馬復戰衆
軍因而乘之路養大敗脫身走霸先進軍南康
脩崎頭古城徙居贛邑民至是始復業焉

隋

大業十二年丙子冬鄱陽賊帥操師乞反以鄉

人林士弘爲大將軍攻陷郡邑詔遣治書侍御
史劉子翊將兵討之師乞中流矢歿士弘收其
衆復大振衆至十餘萬據虔州自號南越王已
而僭號楚稱皇帝諸郡邑多殺守令以附贛城
鄉俱屬焉士弘北盡九江南盡番禺悉爲所有
唐武德五年士弘請降尋歿其衆遂解贛民得免兵災
武德七年甲申改南康爲大都督府統贛外十
一州九年廢

唐

贛縣志 卷十五

紀事

三

景雲元年庚戌睿宗以誅逆肅功拜邑人鍾紹京
中書令越國公實封五百戶賜物千段奴婢二
十人第一區良田十畝雜物稱是

大曆九年甲寅循州刺史哥舒晃反殺節度使李
崇貴詔江西都團練使路嗣恭兼嶺南節度使
統五嶺討之駐於虔秋毫無擾民悉感德爲建
注祠刺史孟瑤聞於朝顏真卿爲之記子應
虔亦有惠政

元和六年辛卯刺史張署奏免度支州縣民歲
輸六千屯

長慶三年刺史李渤乞蠲本州賦米二萬石減冗
役一千六百人上狀觀察使代爲之請允之

乾符五年戊戌寇勾賊黃巢引兵渡江攻陷吉虔
等州趣廣南陷廣州贛邑鄉邨蹂躪數年

光啟元年乙巳春正月州人盧光稠據州自稱刺
史以里人譚全播爲謀主是時南方群盜起全

贛縣志

卷十五

紀事

四

播謂光稠曰天下洶洶吾等獨守此貧賤何爲
乃倡議聚兵衆推全播爲帥全播曰欲成功當
得良帥盧公堂堂真吾儕主也因拔劍擊木三
斬之衆懼乃立光稠出兵取虔韶二州至梁初
江南嶺表悉爲吳與南漢分據而光稠獨以虔
韶請命京師願通道輸貢梁遂以稠爲百勝之
軍防禦使兼五嶺開通使

天復二年壬戌盧光稠出兵攻嶺南使其子延昌

守虔遂陷韶州清海節度副使劉隱攻圍韶州
其弟巖曰延昌有虔州之援首尾受敵未可遽
取隱不聽會江漲餽運不繼虔援兵至譚全播
伏精銳萬人於山谷中以羸弱五千挑戰僞北
清海兵急追之伏發大敗於城南隱奔還因盡
以兵事付巖全播凱旋悉讓功於諸將光稠益
賢之

梁

開平三年己巳盧光稠次子延昌自稱刺史爲

贛縣志

卷十五

紀事

五

其將黎求所殺將謀殺全播全播稱疾不出求
自立暴卒更推衙將李彥圖總州事彥圖歿
傳盡劫其衆欲遣子匡時守之州人屬譚全播
請命於梁拜防禦使

貞明四年戊寅僞吳楊隆演遣王祺會洪袁信三
州兵攻虔韶久之不克祺病以劉信代之信圍
虔州日久亦不能下使人說譚全播出降遣使
報平章徐溫溫怒曰信以十倍之衆攻一城不

下而反用說客降之何以威敵管其使遣之
吾以答信也因命濟師遂破城執全播歸廣陵
虔入吳初人有誣信逗畱陰縱全播者信因獻
捷至金陵與温博厲聲祝曰信若不背吳當成
渾華一擲六子皆赤温慙謝全播治虔七年有
善政卒年八十五

南唐

保大元年封弟景邊爲保寧王徙封信王出爲
虔州節度使簡易節儉虔人安其政贛令卒尉

贛縣志

卷十五

紀事

六

邵繼良拜令以令成喪日張樂宴飲景邊立奏
黜之排斥浮屠獨尊六經名教在鎮十一年卒
贈中書令謚昭順

保大初有神降於羅縣民家縣吏張遇賢事之甚
謹會馮州盜起無所統禱於神神曰張遇賢汝
主也衆遂立之神告取虔州則大事可成遇賢
乃僭號改元度嶺襲虔州節度使賈匡浩不能
禦遇賢據白雲洞衆十餘萬元宗遣洪州營屯

都虞侯嚴恩率所部討之通事舍人邊鎬爲
軍虞有書生白昌裕沉密有謀鎬引與定計刊
木開道襲白雲洞潰其衆裨將李台執遇賢以
降斬于金陵市

宋

元豐三年庚申江南西路提舉茶鹽使蹇周輔
請通廣鹽先是州食淮鹽運自真州後由汀至
虔既苦惡不可食而盜賣更多官民患苦至是
請罷淮鹽通廣鹽於虔州南安軍民稱便

贛縣志

卷十五

紀事

七

紹聖元年甲戌蘇學士軾刊貶寧遠軍節度副使
惠州安置八月二十一日過虔與陽玉巖同謁
祥符宮宮中妙法象冲妙先生李思聰所製也
東坡拜九天使者堂下憂患之餘以籤卜之得
英真君第三籤中有執心堅固見善勤學之句
東坡再拜受教又與霍守李倅更和鬱孤臺詩
又題天竺白樂天石刻及贈玉巖翁詩越七年
始度海北歸

建炎三年己酉金人南侵高宗移蹕建康請蔭
太后奉神主如江西秋七月詔端明殿學士滕
康權知三省樞密院事吏部尚書劉珣爲貳護
從以行金人陷臨江軍袁撫二州滕康等倉卒
奉太后至吉安金兵追急乘舟夜行質明至泰
和舟人景信反楊惟忠兵潰滕康等遁兵衛不
濟百珣奉太后及潘貴妃自萬安以農夫肩輿
如虔州金人追御舟至皂口不及而還時虔中

府庫皆空衛兵所給惟得沙錢市買不售與百
姓交鬪縱火肆掠太后震驚陳新輩以赴難爲
名衆幾萬寨於梅林進逼南門楊惟忠部將胡
爻自外引兵呼城內兵出戰新中流矢歿衆遂
潰已而金人陷吉州還屠洪州四年夏四月帝
遣盧益辛企宗等奉迎太后還越康珣皆貶秩
辛幼安題皂口詞云鬱孤臺下清江水中問多
少行人淚西北是長安可憐無數山青山遮不

豪之爲囊橐者于是民爭請自效不數日六十
就擒餘衆解散得賊所書贛吉丁籍十萬焚之
二郡遂安事平奏聞但請黜職吏數人而已畧
不及破賊事時稱其不伐贛學遭兵燹久廢至
是士選爲之改建十九德之

至正十三年癸巳江西行省叅政全晉菴撒里分
省贛州復設科取士上其名于京師命下儲撫
軍院便宜授官時兵亂廢科目故有是舉因名

贛縣志

卷十五

紀事

十一

贛榜

至正十八年戊戌九月二十四日僞漢遣將攻圍
贛州城陷達魯花赤哈海赤暨江西行省叅政
全晉菴撒里晉夙之先是全晉守贛與哈海赤
同爲城守八月民間食盡九月軍無見糧而守
益力父老懇曰食盡矣如一城生靈何哈海赤
知勢不可支語帳前軍校法昌等曰爾率民兵
血戰導我出城爾等還以城降我入南中圖興

復法昌等猶豫義兵萬戶馬合穆沙禿倫反等
殺晉以狗城中歿後縛哈海赤出降至城外哈
海赤望見賊兵大罵已而曰與汝戰者我也母
殺我百姓當速殺我遂遇害僞兵入城忿其久
不下燔劫一空居民殲焉

至正二十四年甲辰八月明高祖命平章常遇春
指揮使陸仲亨會江西行省叅政鄧愈討江西
上流未附州郡既復吉安遂引兵趨贛時守將

贛縣志

卷十五

紀事

十一

熊天瑞固守不下帝命平章彭時中以兵會遇
春等共擊之又命中書右司郎中汪廣洋叅謀
軍事諭廣洋曰汝至贛可與遇春等言熊天瑞
困處孤城猶籠禽阱獸豈能逃逸但恐城破之
日殺傷過多要當以保全生民爲心一則可以
爲國家用一則未附者勸且如漢將鄧禹之不
妄誅殺安享高爵子孫昌盛此可爲法廣洋見
遇春等傳命遇春乃浚濠立柵以困之天瑞子

元震竊出覘兵勢遭遇春亦從數騎出猝與相遇遣將士揮力擊之元震奮鐵搥以拒且鬪且卻遇春曰壯男子也舍之至是天瑞援絕糧盡遣元震出降天瑞肉袒詣軍門盡獻其地蓋次年正月也遇春送天瑞建康奏捷聞克贛不殺嘉甚遣使褒諭遇春曰矧聞仁者之師無敵非仁者之將不能行也今將軍破敵不殺是天賜將軍隆我國家千載相遇非偶狀也捷書至予

贛縣志

卷十五

紀事

三

甚為將軍喜雖曹彬下江南何以加之先是天瑞據贛加賦橫歛既降有司徵仍舊帝曰此豈可為額耶命亟罷之并免甲辰秋糧之未輸者

明

洪武元年

知縣崔天錫繪荒田缺丁圖詳請題免允之

洪武十七年丙寅令天下縣令各立預備四倉官為糴穀收貯以備賑濟就擇本地年高篤實人

民管理本縣建東倉于七里鎮四座八間建南
倉于苑田建西倉于赤珠嶺各二座三間建北
倉于大坪頭二座五間

正統五年庚申歲大祲 詔遣重臣分行天下郡
縣勸民出粟所在富民應詔者旌義之仍復其
家時贛縣呂彥文出穀六千餘石以實公廩有
司上其事下褒勅以羊酒蠲其徭役九年秋呂
彥文赴京謝 恩進獻土物詔賜彩服二表裏

贛縣志

卷十五

紀事

七

大官酒饌鄉里榮之

嘉靖元年壬午登極覃 恩免民田租之半
隆慶二年戊辰廵撫劉公光濟改行郡縣條鞭法
萬曆四年丙子郡守戴公記置漏澤園于水南之
苑田下令民間有停柩于郊外寮房者刻期瘞
埋毋再暴露違令者重治之旬日之間繫纍積
骸悉德掩土其陰德厚之

萬曆九年辛巳 詔天下郡縣清丈民田是年贛

令三公藩臣議改本縣上南京倉米兌淮米
徵本色革納銀發糶包攬侵剋之弊至今民甚
便之

萬曆十九年辛卯督撫王公敬民采彤家言謂貢
水東山形如火燄郡城多災坐此遂檄有司徧
山栽插松樹數株建萬松亭于上表以碑仍募
人夫看守歲給工食有枯折者責令插補

萬曆二十九年辛丑 兩宮災蠲民田租十分之

贛縣志

卷十五

紀事

五

三

萬曆三十四年丙午冊立覃 恩蠲民田租十分
之二

萬曆三十八年庚戌巡撫衛公承芳巡按顧公造
議允每歲贛寧二縣上南京倉米兌淮米改行
官解免民間僉點糧長及科派里甲幫貼之費
于是贛令張耀寧都令游鳳翔各營建倉場于
省城惠民門外水次以便開兌民永利贛之二

法行于通省而吾郡議之最善第行法者未必一一遵守耳

明

天啟元年辛酉十有一月四川布政使司左布政邑人謝詒重修贛州府志書成

十有二月湖廣道監察御史劉思誨應奉差往遼經畧熊公意不屬誨誨固請歸許之

二年壬戌郵傳山東賊攻曲阜有塾師蕭春野性質朴亟趨孔廟泣拜叩頭至流血祈顯靈勿陷

贛縣志

卷十五

紀事

十六

五年乙丑魏黨張訥請毀天下書院贛悉改爲祠
七年丁卯各省郡縣建逆璫魏忠賢祠贛當事議建祠邑士民工匠無一應者

崇禎元年戊辰知縣奉詔赦及諭禁衣歸僭侈

五年壬申流寇數萬所過鄉邨焚殺極慘

九年丙子奉赦獄囚悉免拔害良民

崇禎十四年辛巳遷贛縣學於鬱孤臺

崇禎十七年甲申三月闖賊李自成陷京師烈皇

帝崩郡中文武紳士及庶民家皆孝服哀泣
乙酉年間羅總亂零都等處路將金世任督兵
討之副總兵徐必達領營將林宗吳玉簡率兵
自零之車頭來云賊願受撫必達報虔撫李公
永茂從之發招安免死牌官帶花紅遣官賫至
零宗獨領兵八十人詣賴邨賊營中賊衆迎宗
盡殺宗兵

唐王在福建改元隆武勅賴起行在宮賴以府署

贛縣志 卷十五

紀事

十七

易爲皇城百姓怨苦

原任翰林院檢討楊廷麟奔贛乞師麟臨江人

原任翰林院修撰劉同升携家過贛奔閩止於零

升吉水

狀元

十一月二十日總督九省巡撫南贛萬元吉蒞任
劉同升卒于贛之分巡舊署

丙戌年原任兵科都給事曾應遴議撫閩寇楊廷

麟主撫局疏上請加遴官兵部左侍郎遴全鎮

北道彭斯生詣唐江寇衆受撫入郡城肆剽掠
郡人合衆閉城門殺之并毀邊家

賜閻寇號隆武將軍

閻寇自是益恣所過輿國
粵寧各邑淫殺百姓慘恣

萬元吉楊廷麟督滇兵廣兵禦于吉安廷麟以撫
閻寇先歸贛四月初六日元吉奔歸贛

國朝

世祖章皇帝命提督金聲桓平定江西順治三年丙
戌四月十四日總統高進庫等凡十三營督兵

贛縣志

卷十五

紀事

十六

至贛萬元吉楊廷麟堅守孤城大兵日戰夜攻
十月初四日五鼓裨將賈熊麾下張大益乘守
堞困怠登城柝堞兵衆蜂起克城人猶巷戰屠
之

總督九省巡撫南贛萬元吉內閣楊廷麟俱赴水
歿

二月開贛官兵班師歸南昌

四月開贛官兵復來贛駐鎮城中無房舍砌石結

茅爲居

順治五年戊子江西提督金聲桓副將王有功反率賊衆二月薄贛營圍數匝城之南向賊又豎柵挑塹呼吸不通勢若危卵虔撫臣劉公武元鎮臣胡公有陞分巡道臣張公鳳儀協同復駐贛城官兵日夜堅守城中斗米萬錢羅雀捕鼠與睢陽事同

譚大將軍統顧禁旅直搗江西於五月朔旬賊衆

贛縣志

卷十五

紀事

十九

始退

巡撫南贛都御史劉武元改廉泉書院爲濂溪書院

粵東李成棟率賊至南康董定國率賊至信豐官兵討平之

順治十三年丙申虔撫佟公國器允府縣請將贛寧二邑漕米改爲贛鎮兵米疏上奉

旨俞允至今兵民兩便

康熙十三年甲寅耿逆賊將賈振魯犯石城總預
劉進寶屯田總兵許貞屯田副將許盛督兵親
勦之

康熙十五年丙辰韓大任踞吉安山寇踞太和萬
安關世榮聚衆于章水鄉楚逆亂上猶崇義粵
寇破南安賊衆摘營于南康侵掠龍南信豐張
制踞崖石寨四面大敵數十萬衆皆漸次討平
之

贛縣志

卷十五

紀事

二十

康熙二十年滇黔悉平大赦天下贛邑缺丁并原
荒田糧知縣劉瀚芳屢詳請題免缺丁二千有
奇其舊額沙推水塞原荒者概免

論曰漢以前事與代俱往矣以余所述舊聞千百
年間邑事不盈握乃兵寇攻守之役且無空楮
焉嗚呼民生其間輾轉離散或數世一見或一
世數見無惑乎贛人棄廬墓若敝屣往往起家
他籍也

軼事

舊傳贛邑附郭爲通天大龜形十縣爲蛇形號十蛇
聚龜郡城中有獅子二井鳳凰嘶馬金鯽炙三池
相傳晉郭璞遷城記曰穿開獅子兩條泉九秀廻
龍出大官金鯽炙池賜金紫鳳凰池上出名賢又
曰金鯽池中波瀲灩讀書科第登榮顯莫教他日
塞炙池枉讀詩書千萬卷又曰塞卻三池人少糧
又無朱紫耀金章紹興丁卯郡守曾慥脩譙門掘

贛縣志

卷十五

軼事

三

地得石上書識文亦有穿開獅子兩條泉四句

述異記南康郡南東望山山頂有果林衆果畢植行
列整齊有三人入山見其子正熟共食致飽因懷
二枚欲示人聞空中語曰速放雙耳乃聽爾去

輿地志儲君廟晉咸和二年刺史朱瑋立也常有澳
人釣於此得金鎖引之數百尺忽一物隨鎖而來
其形似牛眼赤角白見人驚駭拽鎖急走澳人
刀斲得數尺不知其所由然也

北堂書抄引南康記云野浮水去郡五里有落星潭
深不測底時見電光出其上

輿地志贛縣黃唐山有石室門方八尺廣約十間上
通天牕下有方榻二室人山而坐旁有小石室
七所相通內俱有石人室蓋有車馬跡無毒虫
蔓艸林木繁茂水石幽絕蓋仙靈窟宅也山下居
人每丙日輒聞笳鼓笙簫之音鄧德明記云有石
子如彈丸聚山角丙日不見他日復有

贛縣志

卷十五

紀事

三

述異記螺亭在南康郡嘗有一女採螺爲業曾宿此
亭夜闌空中屢聞聲見衆螺張口而至亂噉其肉
至盡明且上可存焉遂瘞亭傍故以名螺亭

述異記邑有神名山都形如人長二尺餘黑色赤目
黃髮于淡山樹中作窠窠形如豎鳥卵高三尺許
內甚允潔五色鮮明傍開孔如規體質虛輕中以
鳥毛爲襦此神能隱身罕覩其狀贛縣西北十五
里有余公塘上有大梓樹可二十圍樹老中空山

都穴焉晉元嘉元年縣民哀道訓導靈兄弟二人
伐樹取窠還家山都見形謂曰我處荒野何豫汝
事樹有我窠故伐倒之今當焚汝宇以報汝之無
道至二更火起合宅蕩盡

述異記邑有君山高秀重疊有三臺榭名女媧宮有
獸名格形似猩猩自知吉凶人無機心則可馴狎
欲執害之則去不來

紹興初大由鄉文潭澳人得一鉅鐘鬻于天寶寺寺

贛縣志

卷十五

紀事

三

僧扣之無聲一日興國大乘寺僧到贛曰此鐘唐
末所鑄一夕飛去今在此求贖天寶僧曰果爾寺
物試扣之鳴否人乘寺僧一扣卽鳴乃載以歸至
萬曆丁未寺燬鐘已無存或云飛去

幽明錄晉義熙中范寅爲南康郡時贛縣史家人入
山樵採偶得二龜大如二尺盤置之駢生兩樹間
將採薪畢乃取之因遇雨亟歸不及取經十二年
後復入山見前龜一已枯其一尚生長蒲樹間

可四寸許兩端...狀亦物產之極異者也

國史補唐虞...身與妹書曰釋迦生中國設教如周孔...有則君子...無則小人入識者以為知言舟在虔時為道大寂禪師說法于龔公山舟聽其說遂披襟解帶再連不能去

東坡志林蘇軾元年十月三日始至惠州寓于嘉祐

贛縣志

卷之三

紀事

五

寺松風亭明年遷于合江之行館虔州鶴田處士王原子直不遠千里訪予于此留七十日而公贈以詩曰萬里雲山一破裘杖端閑挂百錢游五車書已留兒讀二頃田應為鶴謀云云

論曰天地之大古今之遙何事不有孰為尋常孰為怪異使目不習見自造端夫婦及察乎天地悉可怪也以余約紀所聞亦仍道其常而已如曰神曰怪則有先師不語之教在

縣志卷之十六

紀言志

天語煌煌溫綸如昨風雅之流登高而作唱和
移情屑臺傑閣椽筆鴻篇必關民瘼不則雕蟲
祇供一噓志紀言第十四

御書

唐

睿宗皇帝賜越國公鍾紹京

贛縣志 卷十六

紀言

定難元勳 載本傳

懿宗皇帝書賜金紫光祿大夫李蓮母曾氏百歲

康寧 女史記

宋

徽宗皇帝書賜曾弼曾開曾班 崇寧三年癸未同榜

聯芳

高宗皇帝書賜曾楙

樽叙九族

賜通奉大夫曾幾勅

紹興二十八年俱載家譜

賜奉議郎直秘閣賜緋魚袋陽孝本勅

大觀二年

賜中憲大夫周原勅

紹定三年

明高皇帝賜國子學司業劉丞直勅

洪武元年

世宗皇帝賜侍御謝少南勅覃恩封贈勅

神宗皇帝賜四川布政謝詔覃恩封贈勅

神宗皇帝賜監察御史劉思誨覃恩封贈勅

懷宗皇帝賜官保尚書謝陞覃恩封贈勅

贛縣志 卷十六

紀言

以上散佚不備錄

孝宗皇帝賜敷文閣待制曾幾

文獻俱載家譜

明

神宗皇帝賜桓愨公謝詔御爐書銘

平播有功

熹宗皇帝賜謝詔祠扁

特祀名賢

綸音

贛縣志 卷十六

紀言

賜吏部尚書曾楸勅 建炎二年

制曰輔世翊運乃臣子之盡忠崇德報功實國家

之令典開創尙隆封錫繼典尤重恩施爾禮部

侍郎兼兵部曾楸扈從皇太后克抱蓋誠爰協

盡瘁瞻茲需才孔亟須先銓選得人特晉爾階

榮祿大夫載錫之誥於戲推恩中命爰弘獎于

忠貞樹德功尙益勤于篤棊罔負乃素益勵厥

勗爾其念哉

國朝

賜封修職佐郎張鳴鴻勅

制曰錫類乃朝廷之典報本爲人子之心爾張鳴鴻
乃候選國子監典簿張樹德之父敦古訓以修身
秉義方而教子茲以爾子遵例急公移贈爾爲修
職佐郎候選國子監典簿錫之勅命於戲承茲優
渥永茂忠勤

贛縣志 卷十六

紀言

四

賦

空峒雪樵賦

宋 濂

劉君宗弼家于贛之空同山陽學贍而文雄嘗擢進士第入教成均出任浙江部使者之寄聲光已赫然矣君乃退然弗居方以空同雪樵自號其殆顯幽一致者歟非賢而有德者益弗能也君間請濂賦其事雕蟲篆刻之學老且亡去黽俛操觚雖用賦體而比物成義爲多君之西還或歌於清泉白石間山靈聞

贛縣志

卷十六

記言

六

之未必不蹶然一笑也其辭曰 伊空同之拔起兮 鎮嶠南之靈區翠旃續其蕩空兮播灝氣之蕤綏章 貢挾以北流兮益土脉之滋腴允遙通於龍翁兮勢 蟠亘於鬱孤信地維之與宅兮爲靈真之所都則有 白鸞羽人黃唐丹士闢玉爲房鑄金成黍仰青帝以 布帷撥赤霞而啟筥悼下士之坐濁凌剛風以逕度 惟彭城之仙子兮式爛柯之遺軌謂靈奕之可觀兮 意翩翩而遐舉裘剪鹿脫之花屨約芝田之藥巾割

湘雲之枝擎點彩鶴之尾揚胡麻之未斂愛白石之
堪煑踰洞真之石扉借修月之寶斧期緱笙之下臨
兮庶錄文之可嘜于疇互冬屆朔氣交冰腹堅金莖
高二鶴夜語獨鳥晝靜葦花之聚白合溟滓於空
寥幻九清之秘景闢大素之瀛苞奪人目睛兮若流
永翻空而不定一白無地兮如瀟銀炫燿於霜刀瓊
林玉樹疊穎聯柯條頰上碧綠藤巧綴於晴梢乃
陟瑤磴乃依冰樾膚中寒而鱗指屢僵而弗屈丁

贛縣志卷十六

七

七

丁許許不遺餘力已枯成采方長不折玉屑隨聲而
輕墮霜莖倚雲而初積束以九真之赤藤附以千年
之茶魄旣逍遙而咏歸忘蒸鹿于今昔歌曰我采我
樵兮太濛之野萬樹瓏璫兮玉光照夜孰能相從兮
與霓旌而俱下于是築石竈繙金經養神火煉黃寧
永生水虎之窟鉛出火龍之窟夜承太乙之珠幾運
元華之精憑添抽之卦券植鄴鄴之丹城逮伐毛而
洗髓致陰爍而陽凝種芝於瓊玉之山折桂於廣寒

之庭領衿佩于橋門集鵷鷺于玉庭白簡霜飛繡衣
春明近一出而持斧使九夏之生冰定寒風而來歸
兮將瀛洲之先登隔人間之風雨兮遽真凡之異程
至若西隣之子沈酣羶葷屏龜香曙笙火花春瑤階
舞楚銀館歌秦黃塵迷南華之夢傲屍嗤東郭之貧
樂鐘鼎之遺豔厭烟霞之近醇尙父釣渭阿衡耕莘
或封齊於東海或致君於華勛齊出處於一塗何變
志於屈伸世續紛兮麗以新蠟代薪兮傷芳辰翻海
顛縣志 卷十六 紀言 八

水以爲霖兮曾莫濯夫游塵孰不化爲胡燕兮依華
椽之飛文丹雘鳴夫空谷兮亦寥寥之一聞彈樵歌
之逸響兮寄綠綺於秋旻歌曰若有人兮在蘭厓止
白虎爲使陟崇巘止皓毳迴飄敷天葩止虛白內朗
絕纖瑕止仁斧義戕龍鏘鳴止鵝膏匪施痴弗形止
剪彼薪樗扶松栢止養賢大鼎熟以烹止天下爲公
大道行止遡風屹立思盈盈止

八境臺賦 並序

易學實

贛西北城隅層樓矗起臨雙江逆湖漢東來而
崆峒玉房巒岼疊巘幾隱青空之半宋學士蘇
軾嘗登臺賦詩至今讀之疑未足盡予瞻之長
因知登高作賦之爲難也臺一毀於丙戌贛受
圍七閱月嶺北一道使者彭公期生分得西北
拒守洎城潰投繯臺上至今贛人能言而傷之
定鼎後太守三韓郎公創新余嘗作記勒於臺
一日風癡解破衣裹柱然火刻盡守者又新之

康熙辛亥孟夏偶旅贛城友人爲余班席設酌
盡日登臨指顧譚笑不自知所懷何屬歸而成
賦

何穹青之不可升兮何水黥之不可越吾欲斧山川
使夷兮削天關之突兀憐下土之氛氲兮悲群魍之
與窟春風胡爲蕤蕤者蟲寒月胡爲忤忤者猩層臺寂
歷高樓崢嶸江流綰帶雙虹晶縈方龍戰之赤廬兮
天柱爲之觸傾曾嶺頭之翠嶽兮與贛石之鳴鳴長

星東見旄尾西生日照太旗風搖五旌夕酣呼而乘
埤書攘臂而請纓沙浮水淺兔起鶴驚人自以爲衛
霍耻殞喪乎家聲洎而霜憑濕鼓夢破瘖鉦靜中天
之金鐸凌漆夜之嚴城師中劍履未及于皇大將藁
鞬未及于棖鏑落行宮雲壓連營烟飛萬戶兮崆峒
欲熾波翻二水兮舳舻如軒壯士怒兮氣噴龍鼉佳
人逝兮魄逐交騎望匡山之雲兮不獨糾趙氏之壁
聽浙江之潮兮不獨撼越王之城霜嚴夜寂兮氣薄

贛縣志

卷十六

紀言

十

星暈風凜霰集兮開平之功頽日墜倏爾魂馳北岸
倏爾燐遍南河倏爾玉虹縈白骨倏爾翠波湧青蛾
含涕盈井凝血朱莎至今廿餘年之後追維十月之
交懷痛悼之如何豈不色變長平之慘豈不泪添睢
水之波噫吁嘻埤垣如故物會已更試登以高眺遠漠
然徒見山高而水清躡砌露兮珠霑素履瞻碧甍兮
玉映朱絲舉觴四顧澄懷三思羨皂蓋之魁歸兮何
如馬蹄之蹋遍頌濂泓之清插兮何如塵外之雲

吾將披鶴氅兮追赤松之跡挾鳩杖兮問黃綺之山
寢虎豹於四宅兮騎虬龍于九關咲陰符之何事兮
卽素書而可刪散雲璈兮發天籟樂高山之響答兮
與流水之潺湲

詩

下瀨石

孟浩然

瀨石三百里
沿洄千嶂間
泝聲常活活
洄勢亦潺潺
跳沫魚龍沸
垂藤猿狖攀
榜人苦奔峭
而我忘險艱
放濶情彌愜
登艫目自閑
瞑帆何處泊
遙指落星灣

寄天竺山僧韜光

白居易

一山門作兩山門
兩寺元從一寺分
西澗水流東澗
水南峯雲起北峯
雲前臺花發後臺
見上界鍾清下
界聞遙想吾師行
樂處去通桂子落紛紛

贛縣志 卷十六

雜言

十一

八境臺

八首

蘇軾

南康江水歲歲懷
幾孔若宗翰作石城上有
樓觀臺榭東望七閩南望五嶺
覽群山之參差俯章貢之奔流
仍作詩八首題于臺上

坐看奔湍遶石樓
使君高會百無憂
三犀竊鄙秦太守
八詠聊同沈隱侯

清頭寂寞打城還
章貢臺前莫雨寒
勸客登臨無

思孤雲落日是長安

白雀樓前翠作堆
縈雲嶺路若爲開
故人應在千山外
不寄梅花遠信來

朱樓深處日微明
皂蓋歸時酒半醒
薄暮漁樵人去盡
碧溪清嶂遶螺亭

使君那暇日參禪
一望叢林一悵然
成佛莫教靈運後
着鞭從使祖生先

卻從塵外望塵中
無限樓臺煙雨濛
山水照人迷向背
只尋孤塔認西東

贛縣志

卷十六

紀古

十三

烟雲縹緲鬱孤臺
積翠浮空雨半開
想見之罍觀海市
絳宮明滅是蓬萊

回峯亂嶂鬱叅差
雲外高人世得知
誰向空山弄明月
山中木客解吟詩

鬱孤臺

八境見圖畫
鬱孤如舊游
山爲翠浪涌
水作玉虹流
日麗崆峒曉
風酣章貢秋
丹青未變葉
鱗甲欲生洲

嵐氣昏城樹灘聲入市樓煙雲侵嶺路草木半炎州
故國千峯外高臺十日留他年三宿處準擬繫孤舟

廉泉

水性故自清不清或撓之君看此廉泉五色爛摩尼
廉者爲我廉何以此名爲有廉則有貪有慧則有癡
誰爲柳宗元孰是吳隱之漁父足豈潔許由耳何滯
紛然立名字此水了不知毀譽有時盡不知無盡時
竭來廉泉上捋鬚看鬚眉好在水中人到處相娛嬉

贛縣志

卷十六

紀言

十四

天竺寺有序

予年十二先君自虔州歸爲予言近城山中
天竺寺有樂天親書詩筆勢奇逸墨跡如新
今四十七年矣予來訪之則詩已忘有刻石
存耳感涕不已而作是詩

香山居士留遺跡天竺禪師有故家空詠連珠吟疊
壁已亡飛鳥失驚蛇林深野桂寒無子雨泥山薑病
有花四十七年真一夢天涯流落涕橫斜

慈雲寺

黃魯直

城東寶坊金碧重道人修惠剪蒿蓬一旃一鉢三十
載瓊榭碧瓦上秋空稻田摩袖擁黃髮夏築高閣諸
天中三后在天遺聖墨百神受職扶琳宮文思帝澤
餘滋潤雨露下國當年豐貢川章川結襟帶梅嶺桂
嶺來朝宗參旗斗柄掠欄楯清坐耳聞河漢風道人
飽叅口掛壁頗喜作詩如己公家風秀句刻琬琰邀
我落筆

何能工
安得雄

文壓勝境九原喚起杜陵翁

贛縣志

卷十六

紀言

十五

鬱孤臺

文天祥

城郭春深濶樓臺晝影遲並天浮雪界盆海出雲旗
風雨十年夢江湖萬里思倚闌時北顧空翠濕朝曦
翠玉樓

二首

昏鴉何處落野渡少人行黃葉聲在地青山影入城
江湖行客夢風雨故鄉情試問東南信梅花三兩英

又

客影魚千里年華柳十圍白雲棲石密黃鵠出烟微

江海秋風老湖山晚日暉鬱孤臺上望野濶犢初肥
馬祖巖

曾將飛錫破苔痕一片雲根鎖洞門山外人家山下
路石頭心事付誰言

塵外亭

半山風雨截江城未脫人間總是塵中夜起看衣上
月青天如水露華新

雲端

贛縣志 卷十六

紀言

十六

半空天矯起層臺傳道劉安車馬來山上自晴山下
雨倚闌平立看風雷

登北極院紫霞樓

劉永直

危構憑虛接太清紫霞如綺散前楹萬年佳氣通幽
谷五夜神光動赤城鶴駕凌風霓旆遠鳳笙吹月羽
衣輕空同對面三千丈我欲因之問廣成

黃錄上壇觀

解縉

上壇觀在府城東地接文潭水
脈通莫向樓前吹鐵
笛月明誰自引蛟龍

通天巖

王守仁

四山落木正秋聲，獨上高峯望眼明。
樹色遙連閩嶠碧，江流不盡楚天清。
雲中想見雙龍轉，風外時傳一笛橫。
莫遣新愁添白髮，且呼明月醉深甃。

廉泉

姜璉

涓涓泉脉石中生，流出招提分外清。
涵鏡有光能照物，鳴琴無譜自成聲。
一泓徹底元無滓，萬古稱廉豈盜名。
若使夷齊身未死，也須來此濯塵纓。

贛縣志

卷十六

紀言

十七

遊通天巖

邢珣

漫尋丘壑伴幽栖，僻徑真堪與世違。
翠壁苔深沉鳥篆，高秋木落見巖扉。
臺空白玉乾坤迥，火冷丹爐信息稀。
童冠追陪傳故事，不妨歌詠月中歸。

鬱孤臺

李夢陽

朔日送客返慨然，登鬱孤悲歌爲閩廣。
指顧盡江湖，南俗羗夷雜。北流章貢俱，兵舸尚滿眼。
繹繹詣饒都。

挈江樓二首

董世彥

萬里秋歸木葉丹那因搖落泣南冠城狐忽送青
劇客久偏驚白鷺寒五嶺天高消瘴癘大江坐聚似
椒蘭尊前蕭蕭冥鴻過怪爾凌風海嶽寬

廉泉亭

丁繼嗣

春日重開讌看花騎屢移幽閑支遁社清淺習家池
曲以宮商叶懷將晝夜披臨流一長嘯此意許誰知
再遊通天巖

鄒德溥

夏木亂芳菲乘風入翠微渾依巖作室半借石爲扉
贛縣志 卷十六

紀言

十八

幡影連雲動鍾聲帶雨飛高僧閑對語永日澹忘歸

八境臺和東坡原韵

温陵丁 燁

暮倚江干古郡樓四郊銷壘暫忘憂由來坐鎮推儒
將誰繼文成拜列侯

江帆沙鳥去仍還雲樹蕭森夕照寒衰草何年荒望
闕秋風回首憶長安

贛石灘齊灩澦堆巉巖疑借五丁開遙天數點輕如
葉知是扁舟觸浪來

峽雨江雲蔽日明
秋山黯淡醉難醒
崆峒天竺虛
眺寂寞誰尋塵外亭

當年馬祖此棲禪
翠岫丹巖尙巋然
悟得隨身竿木
在生天未讓謝公先

雉堞嵯峨萬嶺中
七閩烟樹隱冥濛
秋天故國無來
鴈誰寄音書到海東

疊嶂紆迴抱古臺
平臨碣磳水田開
芋苗稻米秋何
似幾日單車問草萊

贛縣志

卷十六

紀言

十九

冥鴻雪爪嘆參差
楚水燕雲隔素知
獨有坡公遺跡
在鷓鴣聲裏和啼詩

前題

丁燦

千峯聳翠抱江樓
極目能銷客子憂
聞道大龍多隱
宅逃名誰復繼柴侯

詞客南遷此往還
高臺遺跡墨花寒
卽今八詠傳坡
老猶比滕王有子安

郭內人家香錦堆
秋來百卉遠籬開
素馨木梨花

雪幾日吳船不買來

贛石驚濤匹練明
憑欄揀雪酒初醒
登牖猶記襄陽句
擬向章江結孟亭

丹嶂曾棲磨鏡禪
香臺松柏尙依然
何時瓶拂追霞老
學取淨名選佛先

家住閩灘百折中
歸舟路隔雨濛濛
愁時最恨雙流水
日夜潺湲只向東

鷓鴣啼近鬱孤臺
霽景斜陽一半開
謾向登臨懷李勉
荒碑無字枕蒿萊

西風萬樹影參差
信馬迴鞭不自知
折得芭蕉霜外葉
竹牕濡墨好吟詩

鬱孤臺歌次宋牧仲韻

丁焯

高臺屹峽爽氣浮
下有章貢互奔流
崩灘激浪排岸渚
漁柳估舶凌清秋
千載遺基委黃土
蔓草荒藤翳斷礎
崆峒山勢徒蜿蜒
疊嶂連岡走橫浦
我來躑躅看嵯峨
中懷磊砢感慨多
蒼茫魏闕雲際遠
回風落

日增悲歌

前題次韻

丁焯

虎頭城上蒼翠浮，虎頭城下滄波流。孤臺臨風一憑眺，冷然萬壑生清秋。江山信美豈吾土，遺跡荒碑枕殘礎。孤城望闕誰復憐，寂寞斜陽照寒浦。鯨鍾鏗鞳來嵯峨，墟煙欲合林霽多。懷鄉攬古叢，百感斫地一和王郎歌。

舟下十八灘

丁焯

贛縣志

卷十六

紀古

廿一

巖石挾奔流，詭激紛萬變。汔濟憂濡尾，投荒媿屢踐。臨淵疑九折，徘徊廢餐膳。灑瀕嗟未經，黯淡愁載見。嗟呀啣崩濤，齒齒厲于箭。微命寄支撐，安危在一盼。篙師鼓戩櫓，力與漩渦戰。劣乃脫惶恐，得假布帆便。峭巖奔迥復，排昇風勢轉。叢薄翳朝暎，亂蒿竄饑狽。反顧挂長綃，歌側浮素練。忠信托虛舟，夷猶到江面。高灘路逶迤，蕩潏勢屢變。嘆息蓬蓽身，杌隉幾回踐。

前題次韻

丁焯

侵晨理蓬牕拼當不遑膳陽侯淬劍稜半莠盤
放溜類擘絃經崖懼飲箭激石散晴雨飛灑眈顧盼
心手急枝撐篙櫓相搪戰歛然脫危機利涉詫輕便
接艫沿駛駮颯迴峯影轉竹暝叫山雞藤深蔽崖蕤
森森廬陵江晶晶吳門練返景且停橈鷺鷗如識面
八境臺招同吳菌次觀莊陳緯雲諸公醮集分

韻

丁焯

贛縣志

卷十六

紀三

廿二

百雉孤城傍水隈清秋層閣共御盃俊厨平挹三吳
秀詞賦還推二陸才叠嶂連雲官路峻澄江如練佐
帆開望中魏闕天邊遠客思臨風不易裁

新涼袷服曳輕羅賓主談深逸典多風急莎村砧乍
起月明楓浦鴈初過琅琅八詠懷前哲渺渺雙流嘆
逝波醉後憑闌還顧曲芙蓉樓外有笙歌

前題

丁焯

虎頭危構倚崆峒八境平臨眺望中山接粵閩天咫
尺城連章貢水西東登樓酒借金龜換過嶺詞傳玉

局工共是客邊逢勝地莫拋盃杓負秋風

簷楹虛敞葛衣涼晞髮憑闌興轉狂名士半多湖海
氣中林不散蕙蘭香雙虹挾雨明秋浦孤塔凌空倒
夕陽醉後渾忘歸路近霜蹄迸落紫遊韉

登虔城感賦十首

贛南副憲

王紫綬

虔州遙隸古洪都千里西南另一隅邱壘合兵贗濟
北陳吳傳合假扶蘇怒潮海射東西浙血浪湖漂大
小孤此地書生曾建節時時風雨吼昆吾

贛縣志

卷十六

記言

廿三

官衙蕭索似寒窻徒手登陴血滿腔百粵車書餘一
嶺七閩衣帶接三江王敦門第甘生負李廣功名恨
殺降僂欲短衣隨獵馬雲中鵬影正雙雙

東汀西桂柝相聞幾處灰飛劫火焚井白行間添婦
子樓船天上下將軍瘴鄉濕枕城頭霧澤國腥橫戰
後雲四面敵來皆不少獨將孤劍倚斜曛

耻將生計語家人委命疆場又一春幾見漢庭歸陸
賈疑聞蠻海屬盧循權後主爵無餘吏寵冠諸王右

賜緡自是不才留滯久誰憐天末老孤臣
勦撫經年總不成逢人羞說請長纓長安不返吳王
子嶺右猶稱徵貳兵雙羽檄來飛五夜一朝衙署飯
三更此中別有關心事相繼星芒落夜營
郡外山高面齊楚氛纔隔勉靈西西川鼓角喧三
峽南詔烽烟燎五溪雲擁虎貔盤龜蒲月明鴻鴈壓
城低板橋茅店無尋處日落空郊鬼自啼
不平終日對吳鉤十郡城空只上游纔報公孫收益

贛縣志 卷十六

紀言

十四

部復傳僕因據梁州閨中夢斷河邊骨馬上裝定塞
外裘多少旄倪還悵望盈盈笑語上朱樓

四野燐青野火燒轅門深坐霍嫖姚冠多縑縷山連
楚將忽椎箕地叛潮藜谷箐稠猿臂短柳營芻飽馬
蹄驕同時七國皆如此晁錯如何負漢朝

幾處脫巾戈倒持吁江今已駐王師圍浮謾道呼蒼
葛舍暮仍聞葵負羈關外借才衙燾早軍中需吏
衰立嶺梅開徧家郵斷驛使何由寄一枝

聞道天家日築壇，黑貂白馬紫金鞍。
孟明暗久仍，取十式功高合拜官。
自古山河爭二峽，于今精銳盡三韓。
丈夫馬革尋常事，莫作諸侯壁上觀。

登八境臺

劉瀚芳

數點漁舟逐浪飛，空庭草色淡朝暉。
青來絕巘烟橫浦，翠擁驚濤雪踐衣。
雁影不隨山月落，鍾聲仍送晚潮歸。
公餘憑眺寒雲滿，猶憶東坡八詠微。

通天巖

贛縣志

卷十六

紀志

十五

空洞深藏別有天，遙通帝座問因緣。
山迴鳥道盤雲磴，澗抱龍湫瀉石泉。
蒼蘚殘碑看落日，疎林小閣俯寒烟。
坐來疑有餐霞侶，微聽瓊簫到客前。

謁武穆王祠

燕雲唾手數偏奇，十二金牌捲義旗。
半壁中原看馬立，三台上將奏星移。
矢心唯鏤精忠字，報國空題武穆祠。
只有虔州章貢水，灘頭猶作吼聲悲。

遊筆峯山禪院

別是精藍號筆峰遙天一抹走蛇龍風吹急就煙紋
亂日照雙鉤樹影濃自有蝌文開禹穴不須龜畫衍
義封漫言鬼哭蒼公字大地皆成八百鋒

謁家武穆王祠

岳瑞歆 南昌

公奉詔平虔州石洞鄰寇彭友于俄頃而師
行甚有紀律士卒託宿墨市去則爲之掃門
滌釜時太守供帳甚盛未及通而公已襍
偏裨行矣初高宗以震驚太后欲屠虔城

贛縣志 卷十六

紀言

十六

公三四請乃免虔人肖像祠之有以哉

大河以北無堅城况復江南敢弄兵八日平湖俘魏
闕千騎蕩嶺走蠻荆黃龍大醉苗都督朱鎮齊班訝
宰衝羸得餘波分此地巍巍廟貌尙如生



重修儲潭廣濟廟碑文

劉瀚芳

豫章自庾嶺而下山勢蜿蜒如龍章貢二水夾之至
贛而合一名灑水北流二十里是爲儲潭潭深不可
意計羣峰環拱舊有廣濟廟傳晉咸和中刺史朱瑋
奉命討蘇峻舟次儲潭有神人告曰我儲君也君能
祀我當有以報公其請果克捷而還遂爲儲君立
廟君之云者初非有姓名籍貫諡號官爵傳於人間
盆山用之靈厥有所司猶夫山之武彘河之馮彘同

贛縣志

卷十六

紀七

廿七

稱爲君也云爾已未仲冬予承乏茲土纔入境見夫
怪石嶙峋長河如瀉不啻高屋之建瓴予指水以盟
期與斯民更始不崇朝而抵潭之下展謁

聖像肅然起敬而棟折榱崩又未嘗不喟然興嘆也
屬有師徒之擾奔命不遑而諸生李復珪乘間爲言
曰贛之邀惠於山靈者數矣廟貌不修曷以云報也
予曰得毋時絀而舉羸乎雖然生之意則厚矣予按
祀典禦災捍患有功德於民則祀之示不忘所自也

夫石灘之險豈下於瞿塘灩澦酒哉而仕宦之往來商
舶之上下有禱必應如響斯答而闔邑士民之以祈
以報者又趾相錯也卽金鑄其身丹堊其居與致饈
乎牲牲噉噉用之需寧爲過歟於是倡議醵金并出所
積香資一舉而更新之而此邦之鄉大夫暨都人士
與夫四方羈旅行邁之人無不傾筐倒庋以助成厥
工者匝歲之間鳩工庀材陶甃礱石金碧輝煌丹雘
聿新予適有事至其地瞻禮甫畢衆乃徵予不文之

贛縣志

卷十六

紀十

廿八

詞以記之予旣弗獲辭遂乃颺之曰昔濂溪闡聖教
於前陽明振絕學於後清獻焚香告天以勵清操鄂
國殲渠釋脅以昭神武皆有專祠以隆俎豆而薦苾
芬况乎扼百粵之咽喉作八蠻之襟帶以爲一方保
障厥功尤懋載稽往牒石梁之敗皂口之阻雖地勢
使然哉抑神力所致也今

天子聖德日新百靈效順海晏河清鯨鯢息浪而經
斯潭也洊歷十八灘亦必順流安瀾風檣無恙恩澤

置敷無遠弗屆顧不偉歟行當

賜璽加封位晉侯王之上玉馬金龍遙相侶和寧第
春秋饗祀云爾哉諸生僉曰善請書諸石並系之以
銘其詞曰潭之上煙霏雨翔潭之下蛟龍伏藏潭之
涯維緝殿之嵯峨兮風拂拂乎飄黍稷之馨香其衣
被者在乎閭井而其聲靈遠播者則陽侯不驚夫萬
里之餘艤吁嗟乎此山之君兮將與世俱永與天爲
長

章貢臺記

趙 抃

江右遐陬南康古郡水別二派來數百里貢源出新
樂章出大庾合流城郭於文爲贛奇峰怪巖環視萬
狀予嘉祐六年夏四月以言出守仲冬始至視事屬
歲穰盜息渝劇成簡英僚佳賓間爲觀遊望闕鬱孤
軒豁于前阜蓋白鵲瞰臨左右治西北隅有野月野
景亭舊址隳圯于是斲榛翦蔓復屋其上前所謂二
水離合氣象左右擁抱一舉目無毫髮遺處旣而命
儔舉觴授筆爲記以新其名章貢云益不失實也明
年六月二十三日記

贛縣志

卷十六

記三

二十

新建濂溪書院記

羅 環

天生聖賢扶持人極在上則行其道以熙皞一世在
下則明其道以傳示無窮此堯舜禹湯文武周公孔
子所以繼天立極而非偶然也自孟子沒聖學不傳
千數百年而濂溪周子始出稟清明純粹之資當五
星聚奎之運作太極圖易通諸書言簡而道宏文贊

而意密明天理之根源究萬物之終始精微廣大木
末兼該誠可以輔翼六經配學庸語孟而並行也周
子具王佐之才宋慶曆起寧間歷任州縣所至一意
愛民洗冤澤物其所設施鑿鑿乎皆聖賢之學而從
容措諸行事者爲贛倅趙清獻公適爲守察其所爲
久之執其手曰今日乃知周茂叔此豈可以淺近窺
者哉舊有濂溪書院益郡人建之以寓其棠之思去
邦治三里歲久淪廢莫知其所順德何君珖以御史

贛縣志

卷十六

記古

卅一

出守於贛政治廉明令行禁止數載之間百廢具興
欲復書院而不得故地乃謀于同寅白於當道時都
憲會稽韓公奉命巡撫江西駐節於贛百吏効職盜
息民安兵備憲副山東馮君分守少叅金陵蔣君俱
在贛僉喜曰修廢舉墜郡守職也唯其宜遂擇府治
前隙地徙郵舍而克拓之復建書院前堂後室翼以
兩廡總一百五十餘楹宏敞軒豁足以妥神靈而聚
衆學外爲大門樹高坊以表著之又別築光風霽

亭于其左鑿池植蓮落成之日太守馬君鉉曰此不可無文以傳乃專使馳書詣予請記夫續洙泗之絕學啟河洛之正傳周子于斯道萬世之功也然而追復百年之廢墜興起一郡之士風則何守之治有功于顛又豈止一世哉唯顛之賢秀尙念諸公作興之意升堂起敬玩其圖熟其書夙興夜寐身體力行積以歲月將不有濂溪其人者出乎于是虔州可以繼洙泗而接濂洛斯則何守之功著矣雖然此豈可以口耳得也姑記之以俟

顛縣志卷十六

紀言

卅二

皆春堂記

董越

皆春堂在顛邑治後今令五羊何侯所扁也侯之言若曰民之命懸於吏猶物之生待於春春之言蠢也物所由以蠢動也物必蠢而後動而動之必以春春非自能動物也因天之元因天之命而氣以宣之也吏爲天子牧小民宣德化而不能如春之熙然以施盎然以育其責固有所未盡矣故良善安業百

之欲其安吾之春也顛連無告吾養之欲其固吾之春也強稷敗類吾去之懼其撓吾之春也凡窮山荒谷之不易達縣令刺史之庭吾視之當不異一家之赤子而早作夜思恐恐乎其不能及故揭皆春於楮庶與二三僚友昕夕顧諟以自警固非敢爲夸大也願有記惟春之字見於昔人所取非一大率多自氣之和言之如所謂與物爲春有腳陽春滿懷是春一月坐春風之類是也氣不和則戾不節則流二者皆非

天之道而人所當法者然春之可以包四時政猶元之可以包四德故夏之長爲春長也秋之歛爲春歛也冬之藏爲春藏也凡其所以爲憐舒爲榮悴雖循環無端要之必有元亨以爲之通而後有利貞以爲之復是春乃天地仁育之氣所謂以生物爲心者也然不有小變以節之則歲功亦無自成矣吏之於民也亦然寬仁以居之煦嫗以待之省刑薄斂以生息蕃育之然必正以義斯不過節以禮斯不悖和以樂

斯不流殺之所以生之勞之所以佚之喜怒賞罰又所以扶持而安全之於天之道庶幾無悖而春之育也可法以施不然雖有愛民之心將不被其澤矣侯之堂而扁以皆春其亦有見于此歟然此有而被無不皆也始如是而終不如是不皆也淑氣一動群物固勃然以興而鄒律不吹燕谷之寒終於不煖然則欲百里之皆春而不以望于天子之命吏奚可哉至制仍舊而古槐之出廳事佳木之秀前榮於皆春不能無助而侯之取義則不以斯侯爲誰文縉其名德章其字成化戊戌進士爲贛令三季廉介有爲寬仁有制不激不詭人也視其所羨益可知其所存焉

重修贛縣儒學明倫堂引言

劉澆芳

劉歆氏曰仲尼沒而微言絕七十子卒而大義乖余謂其說非也孔子以六經垂教萬世自中土以至列服之地誰不知有孔子者唐以經義取士歷代因之士之以制科進者皆曰吾學孔子之道者也而若學孔子者莫如孟子其推原三代建學之旨也曰皆所以明人倫嗚呼聖人之道盡于是矣故有夫婦而後有父子有父子而後有兄弟有兄弟而後有朋友有

贛縣誌

卷十六

紀三

卅五

朋友而後有君臣五典之勅勅以是五禮之庸庸以是五刑之弼弼以是而要必奉一人以為宗主故又曰聖人人倫之至也孔子述二帝三王之道定為六經而天下後世遂知有師矣漢高帝初定天下即以一太牢祀孔子于闕里至唐始詔天下郡縣皆立學而尊祀孔子于大成殿殿後為明倫堂以為諸生講肄之所迄于今不廢而後知古人之題堂名不苟正與孟子意合焉可以明倫二六為耳目之所近而忽

諸黃自宋慶曆間始建學宮歷元及明至我朝定鼎郡城罹兵火者再老氏云師之所處荆棘生焉而郡縣兩學幾成廢壤邇來四海蕩平文教誕敷遂下

詔重葺

學宮清復故址予每謁道憲丁公關憲吳公暨同郡各憲卽諭之曰自古賢令率以興學育才爲第一予曰唯唯如民力何雖然又惡可以已于是首

贛縣志

卷十六

紀四

卅六

倡捐貲而同寅諸丈翕然從之遂鳩工庀材先以郡學庶幾丹碧輝煌矣至于縣學又予所自爲政者也闕而弗修何以仰荅各憲諄復之命再倡捐貲更進多士而告之曰若知爾鄉前事乎初創學於郡治東偏再徙于景德又再徙于祥符卒仍歸于景德以爲形勝所鍾自是而科甲鼎盛接踵而起安得謂彤家之言不足據耶辛酉郡學工甫竣而鄉試得雋者四人越明年壬戌甲榜遂膺木天之選地靈人傑

若桴鼓諸生寧無意乎諸生皆踴然起曰唯我闕郡
諸大夫教遂倡議贖金以求飲于紳衿者願爲衆擎
之舉而請予一言以弁其首

論曰先王之教曰政貴有恒辭尚體要不慎則弊
不要則靡以詔臣民則不信以告君父則不孚
以贈多生則不誠以紀事功則不實以格神明
和上下則無以感通而發人之至情故立言之
道本於經之至矣卽下及序說詩詞亦必有關
乎學術政事有裨乎世道人心而後其言可傳
其傳可久也贛處吳楚閩之交界漢唐以來千
百年間制誥饒愷惻之詞表疏矢匡弼之義碑
則叙事洋瞻詩辭則寓意遙深論學校語切
時倫咏山水言多雋永書 序友生之誼序傳
揚後先之徽其他名人載筆句溢縹囊使節停
輪卷盈帙 讀之皆可觀而可興謹擇其言之
尤要者載之其亦有關於學術政事有裨於世
道人心也乎固不徒以補鞞山川表揚風景而
已也

